



Tula'i e 'au'auna

Polokalame Faale'ao'aoga
a le Ruhi



Tusi 2

Tula'i e 'au'auna

Polokalame Faale'ao'aoga a le Ruhi

O Tusi i le Faasologa:

O loo i lalo autu o le faasologa o le Polokalame Faalea'oaoga o le Ruhi. O nei tusi ua faamoemoe ina ia faaaogaina o se faasologa autu o Polokalame i se taumafaiga faagasolosolo mo le tapu'eina o tomai o talavou ma tagata matutua i 'au'aunaga i totonu o ā latou faalapotopotoga. O loo atinaeina foi e le Polokalame Faalea'oaoga o le Ruhi se seti o mataupu o loo lala mai le tusi lona tolu o le faasologa mo le koleniina o faiaoga mo vasega tamaiti Bahá'i, aemaise ai foi se isi seti o mataupu mai le Tusi 5 mo le faatulaiina o ni animeta mo kulupu talavou tauamata. O nei foi mataupu, o loo faailoa atu ile lisi oi lalo. E tatau ona silafia o lenei lisi o le a iai ni suiga pe a faatuputupula'ia le malamalaaga i totonu o lenei faalagamaea, ma o le a iai ni autu fou o le a faaopoopoina pe a siitia le numera o elemeni o mataupu o loo tau atina'e e ausia le tulaga o le a mafai ona faalauteleina.

Tusi 1	<i>Manatunatuga i le Ola o le Agaga</i>
Tusi 2	<i>Tula'i e 'au'auna</i>
Tusi 3	<i>A'oa'oina o Vasega a Tamaiti, Keleti 1</i> <i>A'oa'oina o Vasega a Tamaiti, Keleti 2 (mataupu lālā)</i> <i>A'oa'oina o Vasega a Tamaiti, Keleti 3 (mataupu lālā)</i> <i>A'oa'oina o Vasega a Tamaiti, Keleti 3 (mataupu lālā)</i>
Tusi 4	<i>O FaiFa'aaliga Masaga</i>
Tusi 5	<i>Tatalaina o Malosi'aga o Talavou Tau Amata</i> <i>Ulua'i Lagona: Le mataupu lālā muamua o le Tusi 5</i> <i>Li'o Lautele: Le mataupu lālā lona lua o le Tusi 5</i>
Tusi 6	<i>Tala'i le Fuata'iga</i>
Tusi 7	<i>Savavali Fa'atasi i se Ala o 'au'aunaga</i>
Tusi 8	<i>O le Feagaiga a Baha'u'llah</i>
Tusi 9	<i>Mauaina o se Vaaiga i le Talafaasolopito</i>
Tusi 10	<i>Fausiaina o Faalapotopotoga Uluola</i>
Tusi 11	<i>Tamaoaiga Faaletino</i>
Tusi 12	(o loo talia)
Tusi 13	<i>Auai i Gaoiga mo le Sosaiete Lautele</i>
Tusi 14	(o loo talia)

Aia i Lomiga © 2001, 2022 a le Faalapotopotoga a le Ruhi, Kolomupia
O aia uma o loo taofiaina. Ata Faata'ita'i 2.1.2.PE lomiga 2022
Lomiaina i Samoa ma Amerika Samoa

Originally published in Spanish as *Levantémonos a servir*
Copyright © 1987, 1996, 2020 by the Ruhi Foundation, Colombia
ISBN 978-958-52941-0-3

Permission for a limited printing of this book in Samoan has been granted to the Samoa National Training Institute by the Ruhi Institute.

Polokalame Faalea'oaoga o le Ruhi
Cali, Colombia
Imeli: instituto@ruhi.org
fesoota'i: www.ruhi.org

Samoa National Training Institute
National Baha'i Office, Lelata
Apia, Samoa
+68521353
nibsecretary@bahaisamoa.ws
<https://www.bahaisamoa.ws>

Faasolotusi

O Nai Manatu mo le Taiala	v
O le Fiafia e Tala'i	1
Talanoaga Faaosofia-Agaga	17
Mataupu Autu mo Faalolotoga	39

O nai manatu mo le Taiala

O lenei tusi, o le tusi lona lua o le faasologa o mataupu o le Polokalame Faalea'oa'oga a le Ruhi, e faaautu tonu i agavaa e mafai ai ona tatou auai i talanoaga anoa ma le faaosofia-agaga. O le galuega faale'au'aunaga o loo faaautu ai lenei tusi o loo faamatalaina atu i le iunite lona tolu. I totonu o se lalolagi o loo vaaia ai le saeia ai e malosiaga matautia o le lalolagi sootaga faaletagata, o le galuega o le asiasi atu i uo ma tuaoi i o latou maota ma laoa e faasoa ma fetufaai i mataupu taua e faatatau i le soifuaga o le sosaiete, pe a fai e avea ma tu ma aga masani o se faalapotopotoga, e mafai ona foia le tele o nisi o faafitauli o loo pogai mai i le faatuputupulaia pea o le nofo valavala. O sootaga o le fegalegaleai o le a fausiaina, e pei ona faamatalaina mai i lea iunite, o le a fesoasoani e uunaia malosi le gaoioiga auiluma o le fausiaina o faalapotopotoga uluola ma le fealofani.

O se polokalame faaauauina faifaipea o asiasiga i aiga i totonu o se nofoaga faaletuaoi poo se nu'u foi e moomia ai se faiga faatulaga lelei, e aofia ai se vaegaau o uo faatoina e lagolagoina e tinofafoe ma tinopulea talafeuga lelei. I le taiala o se kulupu e su'esu'eina lenei tusi, e ao i le taiala ona manatua o loo ia fesoasoani e faasauni sui auai e faisaofaga atu i se gaoioiga o loo faaauauina pea lona faatinoina. O asiasiga o le a faatulagaina mo i latou o le a avea o se vaega o le latou su'esu'ega ina ia mafai ona latou faatoina e auai i lenei gaoioiga i lea tausaga ma lea tausaga ma avea ai o se vaega taua o lo latou soifuaga 'au'auna.

O le galuega o le asiasi atu i aiga mo le faamoemoe e fetufaai ma faasoa ai i mataupu taua faaleagaga ma mataupu o le soifuaga lautele e mautinoa lelei le faatamaogaina ai agaifanua ma le soifuaga o le faalapotopotoga. E tutusa lelei lava le taua o lea galuega ma talanoaga faasamasamanoa e faia i totonu o aiga, o fale faigaluega, faleaoga ma le maketi. O lona uiga, o le folasia o manatunatuga faaleagaga i talanoaga i aso faisoo mai lea taimi i lea taimi, o se malosiaga e ao lava ona faamamafaina lona taua. O lona atiaeina o le autu o le iunite lona lua, ma i lea faiga, o le a avea ai ma faavae mo le su'esu'eina o le iunite lona tolu.

Afai e maualuga ma faaosofia-agaga a tatou talanoaga ma uo ma tuaoi, e tataua ona tatou faaatagiaina le fiafia i taimi uma tatou te fesilafai ai. O le mataupu lea e faaautu ai le iunite muamua, "O le fiafia e Tala'i". O fatu o galuega faatino uma lava o loo faalaeiauina i le polokalame faalea'oa'oga a le Ruhi o le faasoa atu lea i isi penina o le atamai faaleatua ua tatou maua mai le vasa o le Fa'aaliga a Bahá'u'lláh. O le su'esu'eina o le iunite muamua e faamoemoe e siitia ai le malamalaaga i le fiafiaga o loo afiafiina i totonu o lea matafaoi. I le tele o vaega o le tusi ua fautuaina ai sui auai e manatunatu i le Upu a le Atua ma o se faamanuiaga lo latou faasoa atu i isi. Ua folafolaina mai i lenei iunite, o lea gaoioiga o le a faatuputeleina ai lo tatou fiafia ma faapena ai ona faatelelise le tatou savaliga i luga o le malae o 'au'aunaga. Ae ui i lea, e tusa lava po le a lo tatou talitonuina atoatoa i le moni o a'oa'oga faaleagaga ua tatou maua, e mafai ona mou atu le fiafia e talai pe afai tatou te le manatunatu i uiga ma amioga taualoa e tataua ona faasilisiliina ai le tulaga ese o a tatou 'au'aunaga. O le autu lea o le tele o mataupu ma soalaupulega o le faasologa o mataupu o le polokalame

faalea'oa'oga, ma e na o se vaega itiiti o loo taua i lenei tusi e pei ona iai i le Vaega 7 lea e amata ai ona talanoa i le taua o le vavaeesea. Ua filifilia se tuufaatasiga o Tusitusiga Bahá'i e fesoasoani e faavae ai tomanatunatuga i lenei uiga taualoa, o se uiga taualoa e le faaitiitia le taua pe afai tatou te mananao e faatumauina lo tatou fiafia e 'au'auna e aunoa ma le lepetia ona o vaega eseese o le soifuaga. O le vaega taua lava o le ausiaina lea o se malamalamaaga i sui auai e aloese mai ai le manatu sese o le vavaeesea o lona uiga o le nofonofoloa po o le aloese mai luitau. E tatau ona tatou taumafai pea lava pea e faamalosia a tatou gaiouga ma siitia lona tulaga auiluma ao tatou taumafai e ausia ni faaeaga e faatuputupulaia lona tulaga lelei. O lona uiga e moomia le atoatoa o le malamalamaaga i le tulaga o gaiouga, o se mataupu o le a su'esu'eina i le Vaega 8. O le agaga faafetai ma le loto e mafaufau lava i mea lelei i taimi uma, o ni uiga taualoa e matua taua lava i le ala o 'au'aunaga, ma o loo su'esu'eina i le vaega mulimuli o sosoo mai.

O le iunite lona lua o le tusi, "Talanoaga Faaosofiagaga", e faaautu lea i le agavaa e siitia ai le tulaga o talanoaga faasamasamanoa e ala lea ia faaofiina o talitonuga faavae faaleagaga i soo se taimi lava e maua ai le avanoa. E aofia i lea iunite se aofaiga o manatu e faatatau i mataupu eseese, e ui e le o ni upusii mai tusitusiga, ae e faavae mai i fetalaiga a 'Abdu'l-Bahá ma e faaaogaina ai nisi o upu ma fuaiupu sa Ia faaaogaina. E iai le tulaga a'oa'o tetele o nei manatu, ma e fesootai ma faanaunauga ma lagona o tagata mai soo se nofoaga po o soo se tulaga. O le faamoemoe o le a avea le su'esu'eina o nei manatu e ausia ai e sui auai le agaga faaosofia e faata'ita'i i auala ua faaaogaina e 'Abdu'l-Bahá e faamatala ai talitonuga faavae faaleagaga, ma atiae ai se amioga masani o le taulai o la latou vaai ia te Ia ao taumafai e sailia penina o loo taatitia i le alititai o le vasa o le Fa'aaliga a Bahá'u'lláh, malamalama i le uiga ma le faaaogaina o a'oa'oga a Lona Tamā, ma faasoa ma le loto alofa i isi.

Ina ia ausia le faamoemoega autu o lea iunite, e tatau ona maua e sui auai le avanoa e faitau ma sana faitau ma su'esu'eina ai nei manatu, ma iloilo le faasologa o manatu, ma faata'ita'i ona latou faamatalaina se ia oo lava ina mafai ona teufatuina pe aotaulotoina ma maua le atoatoaga o nei manatu ma mafai ona latou faamatalaina e pei o a latou lava upu. E iai nisi o le a taumafai i le taimi muamua e aotaulotoina nei fuaiupu ma toe faamatalaina e pei lava ona tuuina mai i totonu o le iunite. E masani lava ona faia lea faatinoga. Ao faasolosolo ae pea le faalolotoina o lo latou iloa i le Faatuatuga ma faatuputupulaia lo latou malamalamaaga, o le a faapena foi ona latou maua le anoanoai o a'oa'oga ma tusitusiga ma sana faatamaoagaina ai pea a latou upu ma gagana, e atagia mai i a latou talanoaga ma isi. E ao ona malamalama le taiala i lea tulaga, o le faamoemoega o loo tulimataia i lea taimi e magalua: o le agavaa e faamalalama ai a'oa'oga i se tulaga aganofie ma ogatusa o tatou taumafaiga ma manatu o 'Abdu'l-Bahá.

A maca ona a'oa'oina e sui o le kulupu pe faapefea ona taumafai e faamalalama nei manatu taitasi, ona faapena lea ona se'e atu i le isi faatinoga lea o le a faalaeiauina ai i latou e faafetai nei manatu sa o latou su'esu'eina ma mataupu e talanoaina i totonu o o latou aiga, i le va ma uo ma tagata faigaluega faatasi. I lea faatinoga, o le a fautuaina ai sui auai e mafaufau i nisi o mataupu ma fesili e ono tulai mai i talanoaga ma filifili poo fea o nei mataupu e ono maua ai se avanoa e faaofi atu ai se tasi o nei manatu i a latou talanoaga. Mo nisi o fuaitau poo manatu, ua tuuina atu se faata'ita'iga se tasi pe lua e tau faapupula ai pe faapefea ona fesoasoani talitonuga faavae faaleagaga e pei ona folafolaina mai e 'Abdu'l-Bahá e faasusuluina atu se malamalama fou i mataupu e tele ona talanoa ma faatauaina e tagata i soo se nofoaga. O lenei faatinoga o lea aupito sili ona aoga pe afai e mafai e le taiala ona fesoasoani i sui taitoatasi o le kulupu e filifili se manatu se tasi ma ni nai tagata e mafai

ona agai e faatino ai se talanoaga e faatatau i nei talitonuga, ao faasolosolo pea le su'esu'eina o le tusi i le taimi lava e tasi. O lea faiga, e ao ai ona faaavanoa se taimi faapitoa ao faatino le lio o su'esu'ega e faasoa a sui auai taitasi i vaega eseese ma a'oa'oga na maua mai talanoaga sa latou faatinoina ma isi.

O manatu taitasi uma lava o le iunite, o loo tuuina atu ai foi ni upusii mai Tusitusiga a Bahá'u'lláh e ao ona a'otaulotoina. O le faamamafa ua tuuina e le polokalame faalea'oa'oga o le Ruhi i luga o le aotaulotoina o tusitusiga, e pei ona tau faaataata mai i le tusi muamua o le faasologa, ua matua atagia mai lava i le Tusi 2. E le taumate i lenei taimi le malamalama o sui auai i le malosiaga faaleagaga latou te mauvaega ai pe a latou manatunatu i fuaitau mai le Tusitusiga mai lea taimi i lea taimi. I lenei tusi, o le a latou tomanatu atili ai i le mana ma le aafiaga o le Upu a le Atua i le loto o le tagata, ma i le iunite lona tolu faapena ai ma le iunite lona lua, o le a latou a'oa'oina ai le folafolaina o talitonuga faavae ma manatu faaleagaga o loo tuuina mai i Tusitusiga i a latou faamatalaga ma faapena ai foi ona o latou sii sa'o mai upusii ma fuaitau mai tusitusiga i taimi talafeagai. O le faamalamalama o le a'oa'oga i lona tulaga manino ma sao atoatoa, ma talai atu i isi i lona tulaga mama aiai, o se tasi o agavaa o loo tatou taumafai e atiae ao tatou savavali i le ala o 'au'aunaga. O le nofoaga sili lava tatou te amata ai o le su'esu'eina lea o faamalamalama a 'Abdu'l-Bahá ma taumafai e faamatalaina i le tulaga ma le auala sa Ia faaogaina ma o le autu tonu lea o loo faavae ai le iunite lona.

O pei ona faamatalaina muamua i luga o le iunite lona tolu ua faaigoaina "Autu mo Faalolotoga", e faaautu tonu i le galuega faale'au'aunaga o lenei tusi – o le asiasia lea o uo ma tuaoi mo le faamoemoea atoa lava o le fetufaai ma talatalanoa i mataupu taua o le soifuaga o le faalapotopotoga. E tolu ituaiga o talanoaga o loo faamoemoe ai lea iunite ma e tofu lava le ituaiga ma vaega faapitoa ua tuuina atu mo lona su'esu'eina. O le ituaiga muamua o talanoaga e faaautu lea i se faasologa o autu e mafai ona iloiloaina faatasi ma tagata aumau o se nu'u poo se alalafaga poo se nofoaga faaletuaoi foi o loo faatinoina ai se polokalame faaauuina pea ma le faatulagaina lelei o asiasiga. E ui lava o mataupu o loo tuuina atu e mafai ona faasoa ma isi ituaiga o tagata e iai le agaga fia malamalama i le tele o auala, o le faamoemoe autasi lava o nei autu – ia mafai ona maua e sui o se aiga le avanoa e faaloloto ai lo latou malamalamaaga i le Fuataiga – ma o le vaega taua lea. O le tele lava o le iunite, e faaautu tonu i lea ituaiga o talanoaga.

O le mea moni, ua ausia e le galuega o le asiasia o aiga se laasaga fou o le malamalama i nai tausaga e lei mamao atu, ae maise lava i nofoaga aupito i laiti laiti lava, se ia oo lava i nu'u ma nofoaga faaletuaoi tulata i le tulaga, ua vaaia ai nei le siitia o le faitau aofai o tagata taitoatasi ua mafai ona 'au'auna o ni taiala, animeta mo kulupu a talavou tauamata, ma faiaoga o vasega a tamaiti. O se vaaiga iloga, le maitauina ai lea o le aoga o lea galuega e le gata o le faamoemoe e faalateleina ai le iloa e faatatau i le Faatuatuaga; e iai foi lona sao taua i le unaiaina o le atinae auiluma o le polokalame mo le faaaupegaina faaleagaga o talavou tauamata ma le a'oa'oina faaleagaga o tamaiti. O lea ua manino mai ai le tatau ona faifaipea o le faatinoina o talanoaga a animeta ma faiaoga ma matua o talavou ma tamaiti o loo auai i ia polokalame e lua e talanoaina ai manatu ma faatinoga eseese o loo faavae ai nei polokalame. O le ituaiga lona lua o talanoaga lea o loo auiliilina i le Vaega 14 ma 15. O mataupu o loo tuuina atu i nei vaega e mamao lava mai lona tulaga loloto, aua faatoa faamasani lava sui auai i nei polokalame e lua i tusi o mulimuli mai. Ae o le malamalama i le taua tele o lea ituaiga o talanoaga ma mafai ai ona o latou tautoaluaina faiaoga o tamaiti ma animeta o kulupu a talavou tauamata ia latou asiasiga i matua e mautinoa le aoga tele i lenei taimi.

O le ituaiga lona tolu o talanoaga o loo su'esu'eina i lea iunite e iai sona faamoemoega taua faapitoa. E toatele alii ma tamaitai talavou o loo saili i auala e mafai ai ona faatino lo latou manaoga ma faanaunauga e fisaofaga i le faaleleiina o le lalolagi. O latou o se tasi o vaega tele o se faatanoa o malosiaga e suia le sosaiete o loo faatalitali ma momoo e fia faaaogaina. O se talanoaga ma a latou uso-a-talavou e tomanatu ai i avanoa ma matafaioi, atoa ai ma malosiaga ma avanoa tetele e patino lava i lo latou tausaga faatalavou, o le tele o taimi e oo ai lava ina faasoa i 'au'aunaga ma faamuina ai le agaga fiamalamalama i le galuega o loo faatinoina nei i nofoaga faaletuaoi i vaega eseese o le kelope. O le toatele o nisi o le a faapena ona taliaina le valaaulia e auai i polokalame faalea'oa'oga e ave ma auala e tapueina ai ni agavaa e mafai ai ona latou faatinoina a'oa'oga faaleagaga mo le toatele o tupulaga lalovaoa o loo fai a'e e pei o le ave ai ma faiaoga o aoga a tamaiti, ma animeta o kulupu o talavou tauamata. O Vaega 9 ma le 10 o loo su'esu'eina ai nisi o manatu ma autu e mafai ona iloiloina e faatatau i lea ituaiga o talanoaga.

Ina faamalosia le agavaa e mafai ai e tagata taitoatasi ona amata ma faaauau pea se talanoaga aanoa, e tatau e lenei iunite ona agai i tua atu nai loo autu ma mataupu faatatau i nei autu o loo tuuina atu i le tusi. E ese mai le agavaa e mafai ai ona faamalamalamaina manatu autu i se tulaga manino, e ao i sui auai ona atiae uiga ma amioga faaleagaga moomia. O i tonu e faaautu tonu ai le tala o loo faamatalaina i lea iunite, ae o lona taua i le faapupulaina o agavaa sa taua muamua o loo tuuina atu manino i le Vaega 4, lea e moomia ai le mafaufau o sui auai i ituaiga manatu ma lagona e tatau ona faatumulia ai o tatou loto ma mafaufau ao sauni atu e faatino asiasiga, ma i le Vaega 5, o le a latou tomanatu ai i le uiga faaleagaga lea o le loto maualalo. E ao i le taiala ona mautinoa e lava le taimi ma le faamamafa e ave e sui auai i nei vaega, aua e poo le a lava le tele o le atamai tatou te maua, poo le lelei foi o le tatou faamalamalamaga o manatu faaleagaga, o le aoga o le tatou talanoaga e faalagolago i uiga ma amioga faaleagaga tatou te faaatagiaina i a tatou faatinoga.

E tatau ona tatou iloa o gaiioiga uma faale'au'aunaga o loo auiliiliina i le faasologa o tusi, e ui e taua tele i le ola auiluma ma le atinaega o le faalapopotoga, o nei gaiioiga uma o elemeni o se gaiioiga auiluma o loo faamoemoe e siitia le agavaa o tagata taitoatasi e ala i le su'esu'eina o mataupu faaleagaga ma galuega i le malae o 'au'aunaga. E ao i taiala uma lava taitoatasi ona silafia o nei gaiioiga e faavae le isi i luga o le tasi, ma e faatuputupulaia lava lona tulaga lavelave mai lea tusi i lea tusi. O le a'oa'o pe faapefea ona faatino gaiioiga taitasi faale'au'aunaga o le a faamaoniaina lona taua tele i le tapueina o agavaa moomia e faatino ai isi gaiioiga o sosoo mai i le faasologa o mataupu o le polokalame faalea'oa'oga. Ina ia faaauauina pea le faatinoina o talanoaga i se taimi umi lava o loo faatino ai asiasiga i aiga, e pei ona faamamafaina mai i lenei tusi, ua manino mai le tele atu o lona tulaga lavelave ma maualuga pe a faatusa i gaiioiga o loo faalaeiau mai ai le Tusi 1, o le faifaipea lea o mafutaga tatalo e faatulagaina e le tagata lava ia poo faia faatasi foi ma nisi. Ma e le faigata ona malamalama i le sootaga, ina ia mafai ona faatinoina gaiioiga faale'au'aunaga aupito i lavelave atu o mulimuli mai, e matua lava taua ai lava le taumafai o sui auai e siitia o latou agavaa i le gaiioiga ua faamamafaina atu nei i lenei tusi.

E pei ona taua i upu tomua o Tusi 1, o sui auai o le polokalame faalea'oa'oga i le loaloa o le lalolagi e o mai mai nofoaga eseese ma soo se tulaga, ma i le amataga e eseese lo latou iloa i a'oa'oga Bahá'i. E oo atu i le taimi e amata ai ona su'esu'eina tusi lona lua, ua mafai e i latou uma taitoatasi ona amatatia se savaliga i luga o le ala o 'au'aunaga ua tatalaina nei e tusi o le polokalame. Ae e iai lava eseese e tumau pea. E fai ma faata'ita'iga o talavou, o le tele o manatu, mataupu ma autu o loo su'esu'eina i le tusi o le fou ia te i latou sei vagana ai sa o latou auai i le polokalame faalea'oa'o a tamaiti ma talavou tauamata, ma o le

su'esu'eina o lenei tusi o le a fesoasoani lea e faalolotoina ai lo latou malamalamaaga i le Faatuatuaga. E ao i le taijala ona lava tapena ma saunia ma faaalua le mataalia e faatino ai le su'esu'ega i se tulaga fetalai ma le fetuutunai ina ia faafaiileina le malamalamaaga o sui auai taitoatasi o le kulupu, ao taumafai lava e ausia e le su'esu'ega le faamoemoe atu o le tusi, o le mafai lea ona tapue agavaa o sui auai e faatinoina ai talanoaga aanoa ma le faaosofiagaga. I le isi foi tulaga, o le faitau afe o nofoaga ua mafai ona faatino ai lenei tusi, e eseese lava laasaga o le ola atiae ua ausia e le gaoiga mo le fausiaina o faalapotopotoga uluola e pei ona faamoemoe iunite o lenei tusi e faisafaga ai. O le faaliliuina o mea sa a'oa'oina i ni galuega faale'au'aunaga e eseese lava lona tulaga vaaia mai i lea nofoaga i lea nofoaga, ma e atagia mai ai foi le tulaga maualuga e tataua ona faatinoina e le taijala e iloilo totoa ai ma le faaitete pe faapefea ona tali atu i manaoga o sui taitasi uma o le kulupu o loo ia fesoasoani e taijalaina lo latou su'esu'eina o itulau uma o lenei tusi.



O le Fiafia e Tala'i

Faamoemoega

Ia malamalama o le fiafia e tala'i e faavae i luga
o le galuega e fefaasoai ma isi
i le Upu a le Atua

VAEGA 1

O le Tulai e 'au'auna o le tusi lona lua o le faasologa o tusi ua ofoina e le polokalame faalea'oa'oga o le Ruhi ma e faaautu i le ogatasi lea o su'esu'ega poo le a'oa'oga ma galuega poo gaioga. O le faamoemooe autu o le fesoasoani lea e siitia o outou malamalamaaga ma agavaa i le ala o 'au'aunaga lea ua outou ulufale ai ao outou tausili e faataunuaina se faamoemoea sautualua: o le siitia lea o lou auiluma faaleagaga ma le faalemafaufau atoa ai ma le fisaofaga atu i le liuaina o le sosaiete. E pei ona a'oa'oina mai le uluai tusi o le faasologa sa outou auai ai, ua manino mai ai o le ala lea sa taua muamua e faavae i luga o se faasologa o gaioga faaleauauanaga, o gaioga tatou te faatinoina ao taulai la tatou vaaiga i le sini autu o le fausiaina o se lalolagi fou e pei ona folafolaina mai i Tusinga a Bahá'u'lláh. O lona uiga, o le tele lava o le 'savavali i ala o 'au'aunaga' e aofia ai lo tatou taumafai e faatino Ana a'oa'oga e le gata o tatou lava olaga ae faapena foi i le soifuaga o le sosaiete. O Ia lava na fetalai mai i Lana Fa'aaliga i lenei tulaga:

“A'u 'au'auna e! O La'u Fa'aaliga paia, O La'u Fa'aaliga na toina mai faalelagi, e mafai ona faatusaina i se vasa o lo'o natiaina i ona alititai ni penina tautele e le mafaitaulia, ma e le faatusalia le pupula. O le tiute o so'o se tagata saili lava, o le galue ma tauivi atu o ia ia taunuu atu i talafatai o lenei vasa, ina ia ona mafai ai e tusa ma le fua o lona naunautai i lana sailiga ma ni taumafaiga na te faia, ona mauvaega i ni faamanuiaga e pei o mea sa faau'uina mai totonu o Tapeleti e le masuia ma le lafita'i a le Atua.”¹

I lenei iunite muamua, o le a liliu atu o tatou manatu i le fiafiaga o loo faatumulia ai o tatou loto ao tatou sailia penina o le atamai o loo taatitia i le alititai o le vasa o le Fa'aaliga a Bahá'u'lláh ma faasoa atu i isi. E pei ona outou su'esu'eina i le Tusi 1, ua outou molimaaina ai le matagofie naua o penina o le ta'ita'iga faaleatua o loo i totonu o Ana Tusinga. Tatou mafaufau loloto la i nei fuaitau o i lalo:

“O le folafolaga a le Atua ua o se lamepa, o lona malamalama o nei upu: O outou o fua o le laau e tasi, ma o lau laau o le lala e tasi.”²

“O le mea silisili ona taua i mea uma lava i La'u silafaga o le Faamasinogatonu; ia le liliu ese mai ai pe a afai e te manao ia te A'u.”³

“Ia outou naunautai e tali atu i manaoga o lenei augatupulaga o loo outou soifua ai, ma faaautu a outou feutagaiga uma i ona faamoemoea ma moomiaaga.”⁴

“O tagata uma lava na foafoaina latou te uunaia i luma se lalolagi e faaauupea lona auiluma.”⁵

“E mou atu lenei lalolagi, ae o na o le alofa o le Atua e tumau e faavavau.”⁶

“O oe lava o La'u lamepa ma o Lo'u malamalama o lo o i totonu ia te oe. Ia e aumaia ai lou pupula ma ia le saili ati ai se tasi e ese o lo o A'u. Aua sa Ou faia oe ia tamaoaga ma faamaligiina fua atu i ou luga Lo'u finagalo alofa.”⁷

E manuia pe a e taumafai e aotaulotoina nei fuaitau pupuu.

VAEGA 2

Ina ia amataina la outou fefaasoaiga i mataupu autu o lenei iunite, toe faitau le upusii muamua e pei ona faitauina i le vaega seia mavae atu nei ma faatino le galuega o loo i lalo:

1. Faauma fuaiupu o i lalo:
 - a. O lo tatou tiute o le _____ ma _____
ina ia _____ i _____ o le vasa o le
Fa'aaliga a Bahá'u'lláh.
 - b. E tatau ona o tatou tauivi atu ia tatou taunuu atu i talafatai o le vasa o le Fa'aaliga
a Bahá'u'lláh ina ia mafai ai _____ ma le
_____ i a tatou sailiga ma ni _____ tatou te faia,
_____ i ni _____ e pei ona faauuina mai
totonu o Tapeleti e le masuia ma le lafita'i a le Atua.
 - c. O faamanuiaga tatou te mauvaega ai mai le vasa o le Fa'aaliga a Bahá'u'lláh e
fua i le _____.
2. O le a le uiga o le 'fegaioia'i' o se tagata? _____

_____.
3. O le a le uiga o le 'tauivi ina ia taunuu atu' i se mea? _____

4. O le a le mea e tatau ona tauivi atu tagata saili uma ina taunuu iai? _____

5. O le a le uiga o le 'fua' o se mea i luga o le isi? _____

6. Ua faailoaina mai e Bahá'u'lláh o le a tatou mauaina ni faamanuiaga mai le vasa o
Lana Fa'aaliga e fua i taumafaiga sa o tatou faia.
 - a. Aumai ni faata'ita'iga o ni taumafaiga tatou te faia ina ia mauaina nei
faamanuiaga: _____

-
-
- b. Aumai ni faata'ita'iga o ni faamanuiaga tatou te mauaina: _____
-
-
-
-
-

VAEGA 3

Ina ua tatou iloa o le Fa'aaliga a Bahá'u'lláh e faapei o le vasa o loo taatitia i lona alititai ni penina e lemafuaia lona tautele, e tatou te tauivi e mauvaega i ona faamanuiaga ma faapena foi ona tatou fesoasoani i isi ina ia ausia lona talafatai. Ae e ao ona tatou fesili pe faapei le mamao o talafatai o lenei vasa mai ia i tatou. Ua fetalai mai Bahá'u'lláh:

“Au ‘au’auna e! O le Atua moni e toatasi o La’u molimau! O lenei Vasa aupito silisili ona tele, e le gafatiaina lona loloto ma le matua fegalua’i lava, e latalata, e ofoofogia lava lona latalata mai tele ia te outou. Faauta e latalata atu lava ia te outou na i lo outou alatoto ola! I se tulaga televave e sili atu na i lo le emo o le mata, e mafai ai pe a outou mananao i ai, ona outou taunuu atu i ai ma mauvaega i lenei fua o le alofa e le mavae, o lenei agalofa Faale Atua, o se meaalofo e le filogia, o se foai aupito silisili ona mamana, ma e le matalatalaina lona pupula.”⁸

1. O le a le mea e faaautu ai le fuaiupu ‘o lenei Vasa aupito silisili ona tele, e le gafatiaina lona loloto ma le matua fegalua’i lava’? _____

2. E latalata mai faapefea lenei vasa ia i tatou? _____

3. O le a se vave e mafai ai ona o tatou taunuu atu i lenei vasa? _____

4. Faauma fuaiupu o i lalo:
 - a. O le vasa aupito silisili o le Fa'aaliga a Bahá'u'lláh e latalata, _____, ia te i tatou.
 - b. O le vasa o le Fa'aaliga a Bahá'u'lláh e _____ nai lo tatou alatoto ola.

- c. E televave e pei _____, pe a tatou mananao i ai, ona _____ i ai ma _____ i le vasa o Lana Fa'aaliga.
- d. E televave e pei o le emo o le mata e tatou te mafai, _____, ona taunuu atu ma mauvaega i le vasa o Lana Fa'aaliga.

VAEGA 4

Ina ua tatou taunuu i talafatai o le vasa o le Fa'aaliga a Bahá'u'lláh, ua tatou mauvaega ai nei i ona oloa taua ma saoloto e faasoa atu e aunoa ma ni tutuuga ana penina o le ta'ita'iga faaleatua, o le faapena ona faaauuina ona tatou maua ia tatou su'esu'ega, talotaloga ma manatunatuga loloto atoa ai ma a tatou taumafaiga e 'au'auna atu i Lana Fuataiga faapea ma tagata soifua. E manaia pe a taumafai e aotaulotoina le upusii o loo i lalo, e avefa ma faamanatu faifaipea o le tulaga mamana ma le faapaiaina o lenei tiute:

"Le tagata malaga e i le ala o le Atua! Ia e aveina lou vaega o le vasa o Lona alofa tunoa, ma ia le faamativaina mai oe i mea o lo'o taatitia lafitai i lona alititai. Ia avefa oe e pei o i latou ua uma ona mauvaega i ona oloa taua. Pe afai o le a pa'u ifo i luga o i latou uma o lo'o i lagi ma luga o le lalolagi, se mataua e tasi mai lenei vasa, o le a lava lava lea e faatamaoigaina ai i latou i le foai alofa a le Atua, le Malosiuma, le Silafia-Uma, le Poto Uma lava. I lima ua vavae ese mai mea uma lava, ina asu mai ai ia le vai o le ola, ma sausau ai mea uma na faia, ina ia mafai ai ona faamamaina i latou mai tuaoi uma faale tagata, ma mafai ai ona latou faalatalata atu i le afioaga matautia o le Atua, o lenei Nofoga paia ma le pupula sauatoa."

VAEGA 5

Ao tatou faasolosolo atu i le polokalame faalea'oa'oga, ma faatinoina a tatou su'esu'ega ma galuega moomia o loo fautuaina, o le a faatuputupulaia o tatou agavaa mo 'au'aunaga, ma o le a mafai ona tatou faatinoina gaioiga faaleauauanaga e aumaia le fiafiaga silisili i o tatou loto ma fesoasoani ia te i tatou e faataunuaina o tatou faamoemoega sautualua – o gaioiga e pei o le faatinoina o vasega mo le a'oa'oina faaleagaga o tamaiti, taiialaina o talavou tauamata i totonu o le polokalame mo lo latou faaaupaina faaleagaga, ma le fesoasoani i se kulupu o uo e su'esu'eina tusi o le faasologa o le polokalame faalea'oa'oga. I laasaga uma o lenei savaliga, o le Upu a le Atua, lea o le a tatou faasoaina i isi, poo le a lava le laititi poo le matutua, o le a avefa ma o tatou faaosofiaga silisili. E matua talafeagai ai lava ona tatou taumafai e manatunatu loloto i lona mana ma lona aafiaga i le loto o le tagata. I le fuaitau o i lalo, ua fetalai ai Bahá'u'lláh i lenei mana:

"O le Upu a le Atua e mafai ona faatusaina i se laau itiiti ma le mu'amu'a, o ona aa ua maua i totonu o loto o tagata. Ua tuuina atu ia te outou e faafaileleina lona ola tuputupua'e, e ala i vai ola o le poto, i upu mama ma le paia, ina ia

mafai ai ona faamautuina tumau ona aa ma ia tutupu lautetele ona lala seia o’o atu le maualuluga i tuluiga o le lagi ma ona tua atu.”¹⁰

1. O le a le mea e mafai ona faatusa iai le Upu a le Atua? _____

2. O fea o totoina ai aa o le laau o le Upu a le Atua? _____

3. E faapefea ona tatou faafaileleina le tuputupuae o lenei laau? _____

4. O le a le maualuga e mafai ona ola ai lenei laau? _____

5. Faamatala i ni nai fuaiupu pe aisea e matua taua ai le faasoaina o le Upu a le Atua ma isi.

VAEGA 6

Tatou mafaufau i le tele ma le anoanoai o mea e alu ai taimi o lo tatou olaga i aso taitasi. Tatou te fafagaina o tatou tino. Tatou te su’esu’e ina ia ausia ni malamalamaaga fou ma faalauteleina o tatou malosiaga faalemafaufau. Tatou te galulue ma atiae tomai fou e mafai ai ona avefa tatou ma tagata galue i totonu o le sosaiete. Tatou te auai i taaloga ma fiafiaga o le olaga. O tele o nei gaioga faapea, e taua uma lava i le atinaeina o lo tatou iloa faalemafaufau ma le auiluma o lo tatou soifuaga faaletino, ma e tele le taimi o le tatou olaga e alu i nei mea. Ae peitai, i aso taitasi e iai taimi faapitoa e faatumulia i se mana faaleagaga, pe afai tatou te tatalo; pe a tatou su’esu’e ma faaloloto lo tatou malamalama i a’oa’oga faaleatua nao tatou pe ma nisi foi o uo, poo soo se auala foi o loo tatou fesoasoani ai i isi o loo i o tatou autafa e sailia penina o loo natia i le vasa o le Fa’aaliga a Bahá’u’lláh. E le’o taimi ea nei e lemafuaia lona taua? E iai se isi fiafiaga silisili atu na i loo le mauvaega i faamanuiaga faalelagi?

E taua lava ona tatou manatua auala sa apoapoi mai ai ‘Abdu’l-Bahá ia te i tatou ia faatoina o tatou tagata mo le manuia auiluma o tagata soifua:

“Ua afaatasia i tatou uma i se faamoemoega Faaleatua e tasi, e leai so tatou naunautaga i mea faaletino, ma o lo tatou manaoga faapelepeleina o le faasalalauina o le alofa o le Atua i le loaloa o le lalolagi!”¹¹

A faapea lava ua maua nei se avanoa e te faasoa ai ma se tasi o uo le upusii lea sa tatou taulotoina le Vaega 1. E mai fea le fiafiaga o loo e lagonaina i lou loto? E le taumate, o le a iai ia te oe le naunautai e lagonaina e lau uo se faaosofiaga e ala i upu a Bahá'u'lláh. Ae faapefea la pe afai e leo atagia mai i lau uo le agaga naunautai lea sa e faamoemoe ai? E faamata o lea ma pogai e mou ese ai le fiafia lea sa i lou loto? Aisea o le a le mafai ai?

VAEGA 7

O le taimi tatou te iloa ai, e mai mea uma o le olaga o loo tatou faia, o taimi tatou se faasoa ai i le Upu a le Atua ma isi o loo afiafi ai se faamanuiaga faapitoa, o le a faapena ai loa ona tatou ausia se malamalama aupito ona taua: o le fiafia o loo tatou maua mai i 'au'aunaga e afua mai lava i lo latou faatinoina. O le mea lea, matou te faamoemoe ai, o le galuega faale'au'aunaga o le a tatou faatinoina o le a fua mai ai ni faaeaga e onomea ma talafeagai, ae a tatou naunau ma pipii mau i nei taunuuga, poo le aafia foi o tatou ona o viiga poo ni faitioga, o le a faapena ona mou atu le fiafia e talai. Aua o le mea e ao ona faaosofiaina i tatou e 'au'auna o le alofa o le Atua, ae le o le naunau ia manuia se taumafaiga, poo le mauvaega foi i ni faamanuiaga, po o le naunau foi e maua so tatou viiga poo le amanaiaina foi o tatou. O le soifua 'au'auna e tumu i le fiafia e moomia ai le vavaeesea mai nei mea uma. O le su'esu'eina o nei upusii o loo i lalo o le a fesoasoani lea ia te outou e tomanatu au i lea autu:

“Le Atalii e, O Vaaiga e lua! Moe le mata e tasi ae pupula le isi. Moe le mata agai le lalolagi ma mea uma o loo iai, ae pupula le tasi i le matagofie faapaiaina o le Pele.”¹²

“Uo E! Ia lē lafoa'ia le Matagofie faavavau i se matagofie e mafai ona mavae, ma ia lē tuuina atu lo outou alofa i lenei lalolagi mavae o le efuefu.”¹³

“Le Atalii e, o le Folafolaga! Liliu mai ou mata i O'u, ma lafoa'i mea uma ae tau lava o A'u, aua o Lo'u mamalu e tumau ma Lo'u malo e lē mavae. Afai e te sailia se tasi na i lo A'u, ioe, afai lava e te saga sailia pea lava le atulaulau, o le a lē aogā lava lau sa'iliga.”¹⁴

“Le Tagata ese fia Faauo e! Sa tutuina le lamapa o lou loto e le aao o Lo'u mana, ia lē tapeina e matagi ese o le manatu faapito ma le tuinanau. O le faamalologa o ou ma'i uma o le manatuaina lea o A'u, ia aua lava nei galo. Ia faia Lo'u alofa ma au oloa taua, ma ia faapelepeleina e pei o lau lava vaaiga ma le ola.”¹⁵

“O le vavaeesea mai mea uma e pei o le la, pe afai e susulu atu i so o se loto lava, e mafai ona tineia ai le afi o mafauauga sese ma le manatu faapito. O le tagata e mafai ona faapupulaina lana vaaiga i le malamalama o Lona silafia, e mautinoa

lava lona vavaeese atoatoa mai o ia lava mai mea lē aoga o le lalolagi...Ia lē avea lea tulaga maulalo o le lalolagi ma ala e te tagitu'i ai. E olioli le tagata e le o faatumuina lona tamaoaiga i viiga lē aoga po'o lona mativa foi i le faanoanoa.”¹⁶

1. Faamata o le vavaeesea mai lenei lalolagi, o lona uiga o le ola toatasi i se nofoaga tu'ufua? _____
2. Faamata e mafai ona vavaeesea mai lenei lalolagi ae umia pea ni meatotino i le taimi lava e tasi? _____

3. Faamata o se tagata ua faatoina ona taimi uma lava i lana galuega o se tagata ua vavaeesea mai mea uma o lenei lalolagi? _____
4. Faamata o se tagata e galue mo na o mea lava e faamalieina ai ona manaoga faaletino ae faama'uma'u isi taimi uma i le na o le nofonofo o se tagata ua vavaeesea mai lenei lalolagi? _____
5. Faamata o se tagata e le mafai ona ia talisapaia le le nofolelei ona le le faamalieina o ona manaoga faaletino i luga o le malae o 'au'aunaga o se tagata ua vavaeesea mai lenei lalolagi? _____
6. E tele lava mea e mafai ona tatou pipii mau atu ai e ese mai tamaoaiga faaletino. Faamata o a mea e te pipii mau atu ai pe ana faapea o oe o se tagata:
 - e manao e togi le solo pe afai na o le fiu lava e faatino 'au'aunaga ae leai lava ma se isi e amanaiaina oe? _____
 - e faavaivaia pe a fai e le taliaina e se tasi o loo e faasoa ai ou manatu? _____

 - e nanā ma ufiufi ona lagona ona e fefe ina nei teenaina o ia e isi? _____

7. O le vavaeesea o lona uiga e le o le alofia o mea faigata po o le nofonofoloa aunoa ma se manatu mamafa i le mea e ao ona fai. O fea o nei fuaiupu o loo i lalo e atagia ai se tagata e le vavaeesea?
 - _____ E fialia pe a vaai atu i le auiluma o isi
 - _____ Musu e toe faatinoina le aoga ona o le ulavavale o nisi tamaiti
 - _____ E tala'i solo ana lava ausiaga
 - _____ E su'esu'e ma le atoatoa ma e faamalieina i le tulaga auiluma ua ia maua

- _____ E galue malosi e atiae ona lava agavaa e ‘au’auna ai mo le lelei lautele
- _____ O le tauivi i mea silisili i lana galuega poo matafaioi
- _____ O le taumafai e ola tumama ma faamama ma faamatagofieina le fale
- _____ O le tausia lelei o ana lava mea totino
- _____ O le tausia lelei o le soifua manuia o isi
- _____ E faavaivailoto pe a le amanaia pe viia e nisi ana taumafaiga

8. E matua lava le vavaeesea ia i tatou uma lava taitoatasi ma o le mea lea e fautuaina ai lou a’otaulotoina o upusii sa faitauina i luga o lenei vaega.

VAEGA 8

Ina ia tatou ausia faamanuiaga o le ola i se olaga fiafia e ‘au’auna mo tagata soifua, e tatau ona tatou loto e faia se faatinoga, ma o a tatou faatinoga e moomia ai se tulaga faatoina. E tatou te fa’aaogaina le upu ‘faatoina’ i le tele o taimi o o tatou olaga. A toe taliu mai se uo mai sana malaga ae taunuu mai le vaveao, e tatou te feala vave e piki mai o ia. E mafai ona tatou faapea sa faatoina nai itula e te moe ai. A gasegase se tasi e pele ia te oe; e faatoina taimi masani e malolo ai e tausi ai lona gasegase. E ai taimi o le soifuaga e moomia ai ona tatou matua galulue punouai, ma e masani ona tatou faapea ane ua faatoina lo tatou nofonofolelei ina ia mafai ona ausia a tatou sini.

E iai uma lava ia te i tatou le naunautaiga ma le faamoemoega e ‘au’auna atu i le Fuataiga, ma ofoina le tele o taimi ma malosi, faapea foi ma le isi itu, o le faaalaina o se vaega o o tatou tamaoaiga faaletino mo le Fuataiga. Ao tatou faatinoina nei taumafaiga, e ao lava ona tatou manatuaina, o le ala o ‘au’aunaga, e tatou te faatoina mea o le lalolagi, ae o le a tatou maua le fiafiaga moni pe a tatou auiluma faaleagaga. O le a iai se taimi o i luma e toe sailiili loloto ai i le uiga o le faatoina pe a su’esu’eina nisi o tusi o muamua o le faasologa. O le mea silisili lava e fia faatauaaina mai le uluai taimi, o le moomia lea o le lafoai ese o mea mauualalalo mo mea mauualuluga, e pei lava ona lafoaiina ma faatoina e le fatu lona atigi ina ia mafai ai tupu ae le laau. O le faatoina na te aumaia le fiafia moni, ma e le mafai ona tatou mauaina lea fiafiaga seia vagana ua tatou loto ai e faatino ni gaiioiga faifaipea.

Ua saunoa Bahá’u’lláh:

“Afai tatou te fia saili atu ia te Ia, e manaomia lo tatou galulue; e manaomia le agaga filifiliga pe a o tatou fia feinu i le meli o le toe faatasia ma Ia; ma, pe a o tatou tofo i lenei ipu, o le a faapena ona tatou lafoaia ese ai le lalolagi.”¹⁷

Ua apoapoi mai foi ‘Abdu’l-Bahá:

“... ia aunoa ona outou malolo, ia aunoa lava ona outou sailia le ola faafifilemu, aua foi nei outou pipi’i atu i ‘oa o lenei lalolagi mavae, ae ia outou saoloto mai pi’itaga uma lava, ma taumafai atu i le agaga ma le loto atoa ia faavaeina mautu i totonu o le Malo o le Atua. Ia outou maua ni ‘oa faalelagi. Ia faapupulaina atili outou mai lea aso i lea aso. Ia outou faalatalata atu pea lava pea i le lotoa o le afaatasiga.”¹⁸

Ua tatou talitonu uma lava, a tatou naunau e ausia a tatou sini, e moomia lava ona tatou faia se gaiioiga. Ae o lenei talitonuga e foliga faigofie ae iai ona aafiaga i tua atu e le tatau ona faagaloina. O le mea muamua, e ao lava ona tatou manatua e iai le fesootaiga o le tele o le malosi e faaaluina ma le tulaga faigata o le sini poo se gaiioiga foi. Ua tatou faase'e lava i tatou lava ia pe afai tatou te manatu e mafai ona ausia se mea i se faiga faigofie e le tele se malosi e alu ai. Ae e le na o le tulaga malosi o a tatou tauiviga e faamoemoe ai. E moomia foi le filifiliga ma le faifaipea. E moomia foi se vaai taulai e le faalavelavea. O le amio masani o le faamea lelei o se galuega, ae le o le me'i mai lea gaiioiga i lea gaiioiga e aunoa ma se faia maeaea lelei, o ni vaega taua tele. O ni mea fai faa-afaafa lona faatinoina e leai ni ona fua. Mafaufau i se vasega mo le aotauina faaleagaga o tamaiti e faia i vaivaso taitasi. E ao e le faiaoga ona faatoina se aofaiga o itula o lona taimi e tapena ai i vasega taitasi, ma tutumau ma le atoatoa i se vaiga taulai e tasi o le fesoasoani lea e siitia le malamalamaaga o tamaiti i lesona taitasi ao faagasolo atu i le polokalame, asiasi i aiga ma matua o nei tamaiti, ma mataitu ma le totoa le gasologa auiluma o taimiti mai lea vaiaso i lea vaiaso. Faamata o le a se taunuuga o se vasega pe afai e seasea saunia lelei le faiaoga, faafuasei ona tuua pe faavave uma le vasega ona ua lelava le faiaoga, ma e na te le ave taimi talafeagai e manatunatu ai i manaoga o tamaiti taitoatasi ma talatalanoa ma matua i lo latou tulaga a'oa'oina? Ae faamata foi e faapei pe afai e tolopo le vasega ona o se tuatuagia o le faiaoga, e fai ma fata'ita'iga o le alu e asi si ana uo faatoa taunuu mai i fafo?

O nei faamatalaga e faamoemoe ina ia mautinoa o loo tatou ave le faamamafa i le aofaiga ma le tulaga lelei o faatinoga e moomia e tatou gaiioiga uma. E faamaoni lenei mea e le gata i gaiioiga faale'au'aunaga o loo tatou auai ai; ae faapena foi i soo se vaega o lo tatou soifuaga. E faapena foi i uiga ma amoga faaleagaga sa o tatou su'esu'eina i le tusi muamua o le faasologa – o le tatalo faifaipea, o le faitauina o Tusitusiga i aso uma, o le manatunatu pe faapefea ona ogatusa o tatou olaga ma a'oa'oga, o le auai ma le loto atoa i mafutaga tatalo – e faalagolago uma i le faaauuina o a tatou taumafaiga. O loo tuuina atu i lalo ni faamatalaga e faatatau i le taumafai e faatino se gaiioiga. Filifili poo fea o nei faamatalaga e moni ma o le a fesoasoani lea ia oe e tomanu atili ai i lea mataupu:

- _____ Afai e te atamai, e leai se mea e te saga galue malosi ai.
- _____ O le a le mea e tau alu ai i le auala umi, taumafai lava e sue le auala alo.
- _____ A le tigā, e le manuai foi.
- _____ Momoo i mea tetele; aua o a au faanaunauga uma o le a taunuu.
- _____ O le maualuga lava o le tau, o le maualuga foi lea o le tauiviga.
- _____ O le maualuga lava o le taumafaiga, o le suamalie foi lea o le tau.
- _____ Afai e le manuia le faiga muamua, toe taumafai ma taumafai pea.
- _____ O le a le mea e galule ai pe a fai e mafai e isi na fai le galuega mo oe?
- _____ A faigata tele ona ausia, o lona uiga e leo lona faamoemoga lea.
- _____ O laasaga laiti – faifaipea ma faaauuina – e mamao lava lona taunuuga.
- _____ O soo se mea lava e mauagofie e leai sona aoga.
- _____ O le tausili i mea silisili e moomia ai le faatoina ma le loto atoa.
- _____ Soo se savaliga lava i le fia afe o maila, na amata lava i le la'a e tasi.
- _____ O le tau lava o le faataunuu, ua lava lea ma totoe.

_____ E le tatau ona tatou faatali i mea ia tutupu; ae tatou ona tatou galulue ia faataunuu.

_____ O soo se faaeaga lava e fua i laki.

_____ E le mafai e maneta ona ausia o tatou faamoemoega sautualua.

_____ E tatau ona faamauina o tatou galuega i aso taitasi.

E tatou te savavali i le ala o ‘au’aunaga, ma tauivi ia ausia lo tatou auiluma faalemaufau ma le faaleagaga ma faisaoaga i le faaliliuina o le sosaiete. Ua manino mai nei o le faatinoga o leni faamoemoe sautualua e moomia ai se tatou taumafaiga iloga. Ua fetalai mai Baha’u’llah:

“Na fausia e le Mataisau lefaatusalia tagata uma mai le efuefu e tasi, ma faasilisiliina lo latou tulaga i luga ae o meaola uma o Lana foafoaga. Manuia poo le toilalo, faasili poo le toesea, o nei mea uma e faalagolago i gaioga a le tagata lava ia. O le tele lava o lana tauiviga, o le maualuga foi lena o lona auiluma.”¹⁹

E manaia foi ae taumafai e aotaulotoina leni upusii pe a afai e te lei aotaulotoina muamua.

VAEGA 9

Ina ia mafai ona tatou maua le fiafia mai a tatou auanaga, e tatau ona tatou faafaileleina nisi o uiga ma amioga taualoa. E fai ma faata’ita’iga, e tatau ona tatou maua le agaga faafetai i faamanuiaga a le Atua ua ia faaeeina i o tatou luga; o se manatu le faavaea pe a tatou faapea ane o loo tatou faia se mea e manuia ai le Atua pe a tatou ‘au’auna i Lana Fuataiga. E tatau foi ona tatou a’oa’oina pe faapefea ona tatou aloese mai mafauauga e atagia ai le maitau masei poo le ave o le faamamafa i mea faaletonu, ae tatau ona tatou ola i se olaga e atagia ai le ave o le taulaiga i mea lelei o le lalolagi. O e mafai ona liuaina maafaalavea aao o loo faavaetuia ai le ala o ‘au’aunaga e ave ma ma’a faafasitepu mo le auiluma manuia. E tusa lava poo a faigata, e tatou tulaia i le lumanai i mata o le faatuatua. O upu nei a ‘Abdu’l-Bahá o loo faamamafa mai ai le faamoemoega ma le tulaia i mea lelei e ao ona faavae ai a tatou gaioga uma:

“I le amataga, poo le a lava le laititi o le fatu, ae i le iuga o le ave ma se laau tele ma le matautia. Ia le vaai atu i le fatu, ae vaai i le laau, ma ona tatupu, ma ona lau ma ona fua.”²⁰

“Ia outou iloa lelei le taua o leni fatu itiiti ua faapena nei e le Tama moni, e ala i aao o Lona alofa mutimutivale, ona luluina i luga o fanua o le Alii, ma faasusu i uaga o faamanuiaga ma faaolaga ma ua faafaileleina nei le mafanafana ma le malamalama o le Fetuao o le Mea Moni.”²¹

“A e vaai atu i se laau o ola ma atiae, ia talotalo mo lona taunuuga. O le a ola ma fua mai i se taimi. A e vaai atu i se laau mago poo se laau matua, e leai lava sona faamoemoega e fua mai.”²²

“O le mea lea e ao ai e le au pele a le Atua, ona galulue le faalogologotiga, e faasusu, ma teu, ma tausī, ma faafailele lenē laau o le faamoemoe i vai o a latou tauiviga.”²³

“A fai e liliu ese le loto ma faamanuiaga e faamatuuina mai e le Atua, e faapefea ona faamoemoe e maua le fiafia? A fai e na te le tuina atu lona faamoemoe ma le talitonuga i le alofa mutimutivale o le Atua, o fea o le a ia maua ai le filemu”²⁴

Ina ia tomanatu i fuaitau o loo i luga, faauma fuaiupu o loo i lalo:

1. I le amataga, poo le a lava le laititi o le fatu, ae i le iuga _____
_____.
2. E le tatau ona tatou vaai atu I le fatu itiiti ae _____
_____.
3. E tatau ona tatou iloa le taua o le fatu itiiti, na tausia e a’oa’o o le alofa mutimutivale o le Atua, _____
_____.
4. A tatou vaai atu i se laau o ola ma atiae, e tatau ona tatou _____
_____.
5. A tatou vaai atu i se laao o ola ma atiae, e tatau ona tatou talotalo ina ia _____
_____.
6. E ala i vai o a tatou tauiviga, ia tatou _____
_____.
7. A fai e liliu ese le loto mai faamanuiaga ua faamatuuina mai e le Atua _____
_____?
8. A fai e le tuina atu e se loto lona faamoemoega ma lona talitonuga i le alofa mutimutivale o le Atua, _____?

O le taimi lenē, mafaufau mo sina taimi: E te taliaina o lo tatou agaga fiafia ma le tumu le faamoemoe pe a tuufaatasi ma le loto maualalo ma le loto faafetai o le a avea ma pogai o le fiafia o isi? Ma ia tatou manatua pea o le tutulai e ‘au’auna i le Fuataiga, o loo tatou tauaveina ma faasalalauina tala fiafia o le tafaoata o le Aso fou, le Aso ua aufaatasia ai nei tagata soifua. Ia taligoligoa nei upu a Bahá’ulláh i o outou loto:

“E fiafia i latou e galulue ; e fiafia i latou e malamalama ; e fiafia le tagata o loo pipii mau atu i le mea moni, vavaeesea mai mea uma lava i le lagi ma le mea uma lava o loo i le lalolagi.”²⁵

REFERENCES

1. *Gleanings from the Writings of Bahá'u'lláh* (Wilmette: Bahá'í Publishing Trust, 1983, 2017 printing), CLIII, par. 5, p. 369.
2. *Ibid.*, CXXXII, par. 3, p. 326.
3. Bahá'u'lláh, *The Hidden Words* (Wilmette: Bahá'í Publishing Trust, 2003, 2012 printing), Arabic no. 2, p. 3.
4. *Gleanings from the Writings of Bahá'u'lláh*, CVI, par. 1, p. 241.
5. *Ibid.*, CIX, par. 2, p. 243.
6. Bahá'u'lláh, in *Women: Extracts from the Writings of Bahá'u'lláh, 'Abdu'l-Bahá, Shoghi Effendi and the Universal House of Justice*, compiled by the Research Department of the Universal House of Justice (Wilmette: Bahá'í Publishing Trust, 1986, 1997 printing), no. 53, p. 26.
7. *The Hidden Words*, Arabic no. 11, p. 6.
8. *Gleanings from the Writings of Bahá'u'lláh*, CLIII, par. 5, p. 370.
9. *Ibid.*, CXXIX, par. 1, p. 316.
10. *Ibid.*, XLIII, par. 9, p. 109.
11. From a talk given on 19 November 1911, published in *Paris Talks: Addresses Given by 'Abdu'l-Bahá in 1911* (Wilmette: Bahá'í Publishing, 2006, 2016 printing), no. 32.2, p. 121.
12. *The Hidden Words*, Persian no. 12, p. 26.
13. *Ibid.*, Persian no. 14, p. 26.
14. *Ibid.*, Arabic no. 15, p. 7.
15. *Ibid.*, Persian no. 32, p. 33.
16. Bahá'u'lláh, in *The Bahá'í World: Volume One, 1925–1926* (Wilmette: Bahá'í Publishing Trust, 1926, 1980 printing), p. 42.
17. *The Call of the Divine Beloved: Selected Mystical Works of Bahá'u'lláh* (Haifa: Bahá'í World Centre, 2018), no. 2.12, p. 17.
18. *Tablets of the Divine Plan: Revealed by 'Abdu'l-Bahá to the North American Bahá'ís* (Wilmette: Bahá'í Publishing Trust, 1993, 2006 printing), no. 13.6, pp. 95–96.
19. *Gleanings from the Writings of Bahá'u'lláh*, XXXIV, par. 8, p. 91.

20. *Selections from the Writings of 'Abdu'l-Bahá* (Wilmette: Bahá'í Publishing, 2010, 2015 printing), no. 40.3, pp. 118–19.
21. *Ibid.*, no. 40.3, p. 119.
22. From a talk given on 11 May 1912, published in *The Promulgation of Universal Peace: Talks Delivered by 'Abdu'l-Bahá during His Visit to the United States and Canada in 1912* (Wilmette: Bahá'í Publishing, 2012), par. 2, p. 153.
23. *Selections from the Writings of 'Abdu'l-Bahá*, no. 206.13, pp. 356–57.
24. From a talk given by 'Abdu'l-Bahá on 21 November 1911, published in *Paris Talks*, no. 34.8, p. 133.
25. Bahá'u'lláh, *Epistle to the Son of the Wolf* (Wilmette: Bahá'í Publishing Trust, 1988, 2016 printing), p. 139.



Talanoaga Faaosofia-Agaga

Faamoemoega

Ina ia maua le agavaa e faaofi ai
talitonuga faavae faaleagaga i talatalanoaga

VAEGA 1

I iunite muamua o le tusi, sa tatou talanoa ai le fiafiaga lemafuatiaina tatou te maua mai le tatou faasoaina lea o le Upu a le Atua ma isi tagata. Ao tatou savavali i le ala o 'au'aunaga, e tele avanoa tatou te maua e tatou te talatalanoa ai ma uo ma e masani i manatunatuga loloto sa tatou maua mai le Fa'aaliga a Bahá'u'lláh. O le ala lea, o se tasi o malosiaga ma agavaa taua e moomia ona tatou atiaaina, o le mafai lea ona tatou auai i talanoaga anoa ma le faaosofia-agaga. O le faamoemoe o lenei iunite ma le iunite mulimuli o le feasoasoani lea ia te oe i le fausiaina o lea agavaa. O i o le a ave ai lau faamamafa pe faapefea ona e siitiaina le tulaga o se talanoaga e ala i le faaaogaina o talitonuga faavae faaleagaga, i soo se avanoa lava e te maua. I le iunite o loo mulimuli mai, o le a e mafaufau ai pe faapefea ona e amataina ma e faaauauina pe se talanoaga faasolosolo e faatatau i nisi o autu ma mataupu, ma avea o les vaega o gaioiga faifaipea ma le faatulagaina lelei mo le fausiaina o se faalapotopotoga uluola i totonu o lou nu'u poo le nofoaga faaletuaai o loo e aumai ai.

O vaega o lo o mulimuli mai o le a tatou tepa ai i se aofaiga o manatu poo folafolaga faatatau i nisi o mataupu, ma e ui e le o ni fuaitau na sii sao mai i Tusitusiga, ae e faavae i luga o nisi o saunoaga ma Tapeleti a 'Abdu'l-Bahá, ma o loo faaaogaina ai nisi o upu ma folasaga sa Ia faaaogaina. E tatau ona e faitauina ma sana faitauina nei manatu poo folafolaga ae le na o le faatasi poo le faalua foi, ma taumafai e iloilo le faasologa o autu o loo faavae ai nei manatu, ma feauauai ma sau paga poo se tasi o sui auai e faamatala leotele nei manatu se ia oo lava ina ua mafai ona faamatala i au lava upu. O lenei galuega o le a fesoasoani ia te oe e tautala atu e aunoa ma se fetotoai pe a maua le avanoa e te faasoa atu ai i a'oa'oga a le Faatuatuaga e siitia ai se talanoaga.

O le a faapena foi ona faaauauina pea le aotaulotoina o nisi o fuaitau mai Tusitusiga, aua o loo afiafiina ai se mana faapitoa e mafai ona ulufia le loto o le tagata, ma e iai lona aafiaga tele i le tagata faalogologo pe a lalaga faatasi ma au upu. O le sii sa'o mai lava o mau mai Tusitusiga e ao ona faaaogaina ma le atamai. O le mea taua lava o le faautauta, o le paleni o le faaaogaina sao mai o Tusitusiga ma le faaaogaina o au lava upu e faamalamalama ai a'oa'oga a le Faatuatuaga. Ina ia ausia lea fua faatatau, e moomia ona tele lou taimi ma lou malosi e faaluina i le su'esu'eina o Tusitusiga, ina ia mafai ai ona avea ma alafua e fua iai ou manatu ma lagona.

VAEGA 2

O le uluai mataupu ua faatonuina ai oe ina ia e su'esu'e i ai, o le a avea ma fesoasoani tele ia te oe i au talanoaga, o le mataupu lea e faatatau i le manaomia o se Faiaoga.

A o tatou manatunatu i vaega uma lava o le soifuaga, tatou te iloa ai ma le le tufesiligaiina le manaomia pea o se faiaoga. E moomia e le togalaau le faitogalaau. Ina ia maunoina le lemafaitaulia o le seleselega, e moomia e le fanua le faifaatoaga. Afai ete tuulafoaiina se tagata i le vaomaoa, o le a faapena ona ia faia uma aga a manu. Afai e a'oa'oina o ia, o le a mafai ona ia ausia ni matatia aupito sili ona maualuluga o taumafaiga uma. Aua pe ana le seanoa le faiaoga, e leai se soifuaga auiluma o le tagata soifua.

E tolu ituaiga A’oa’oga: o le faaletino, faaletagata, ma le faaleagaga. O a’oa’oga faaletino e faatatau tonu lea i faiga e atinae ai le tino. O a’oa’oga faaletagata e faatatau i le soifuaga lautele ma le auiluma. E gafa ma mataupu tau i faigamalo, puleaga, galuega fesoasoani, feafaatauaiga, o faiva o tufuga ma faiva alofilima, o le faasaianisi, o matatia o le fausiaina o mea fou ma su’esu’ega o auala fou. O a’oa’oga faaleagaga e faatatau lea i le ausia o faaatoatoaga faalelagi uma. O lenei le a’oa’oga moni, aua, o lana fesoasoani o le a atinaeina ai le netia maualuga o le tagata, o lona aano moni lea faaleagaga.

Ina ia mafai ona ia auilumai le potu ma le malamalama, e manaomia e le tagata soifua se faiaoga o lo’o iai le pule manino e avea ai ma faiaoga faaletino, faaletagata ma le faaleagaga. Afai o le a faapea mai se tasi: “Ua ia te au le potu atoatoa, ma ou te le moomia se faiaoga”, o lona uiga, ua ia faafitia le mea manino ma le faamaoni. Aua ua faapei o ia o se tamaitiiti e faapea mai, “Ou te le manaomia se a’oa’oga; aua ou te galue e tusa ai ma lou lagona ma lou potu, ma o le a ou oo atu ai lava i le faaatoatoaga sili i a’u lava taumafaiga.”

Sa moomia pea e le tagata soifua se faiaoga e sili ona atoatoa, o se tasi e fesoasoani atu ia te ia i le faatulagaina o mataupu e faatatau i le tausiga ma le ola maloloina o lona tino, o le faaosofiaina i lona loto o le potu, o le atamai e fausiaina ai mea fou ma fuafuaina ai auala fou, ma le itu aupito sili ona taua, o le manavaina i totonu ia te ia o le ola moni faaleagaga. E leai se tagata e pei o i tatou e mafai ona ia faataunuuina ia galuega aupito tetele. Ua na o FaiFa’aaliga lava a le Atua ua iai le mana e faataunuuina ai. O i Latou nei o Agaga ua filifilia ma auina mai e le Atua mai lea taimi i lea taimi e fai ma Faiaoga A’oa’o o le tagata soifua

1. Faitau ma sana faitau lelei le manatu o loo i luga i totonu o lau kulupu ma fesoasoani le isi i le tasi i le auiliiliina lelei lona uiga. E tatau ona outou fetufaai i ni fesili e fesoatai atu i manatu ua tolaulauina mai i totonu o fuaitau ma faata’ita’i ona faamatala e aunoa ma se fetoitioai pe faaupu foi i au lava upu.
2. O le gaioga o le a sosoo, o le faasoia lea i totonu o lau kulupu pe faapefea ona faaofi manatu lea sa e a’oa’oina le faapefea ona faamatala auiliili i totonu o se talanoaga. O le mea moni, e le faapea o le a tei lava ua e faafuaseia lou faiatu i au o le A’oa’oga e tolu ona ituaiga. O le mea lea, e talafeagai ai lou manatunatu i ituaiga o fesoataiga, mafutaga poo talanoa e fetau lelei lava ma nei manatu. Masalo o se tasi o mataupu e talanoaina o le tulaga vaaia lea o le mou malie o le amio pulea ma aga tauagafau mai le sosaiete poo le faasoia lea pe faapefea ona outou galulue mo le lelei o le lalolagi. Tomanatu i le tele o talanoaga e te auai ma uo, o lou auaiga ma e masani. Mai le tele o mea e mamafa tu i o latou mafaufau, e i ai se vaega o nei mea e ono maua ai le avanoa e faaofi atu ai nei manatu sa e su’esu’eina i luga i sa outou talanoaga?

3. E tele lava ina tuufesili tagata pe a talanoa nei manatu e pei o le manatu lea faatoa maea ona e su'esu'eina. O le a sau tali pe a faapea ifo se isi ia te oe: "O ai la nisi o nei Faiaoga e te faimai ai?"

4. O loo i lalo se vaega o upusii mai Tusitusiga a Bahá'u'lláh e fesootai lelei ma le manatu lea sa tatou su'esu'eina i luga, o le moomia lea e tagata soifua o se Faiaoga. Tomanatu i nei fuaitau ma taumafai e aotaulotoina se tasi o nei upusii. I lenei auala, o le a mafai ai ona e lalagaina faatasi nei fuaitau mai Tusitusiga i au faamatalaga i le taimi talafeagai.

"O tagata uma lava na foafoaina latou te uunaia i luma se lalolagi e faaauupea lona auiluma."¹

"O le Faamoemoega o le Atua moni e toatasi, ia faaneeneina Lona mamalu, i le faaalua o Ia lava i luma o tagata, o le fofolaina atu lea o na ma'a taua sa natia i totonu o le lua o lo latou lava tagata moni i totonu."²

"O le faamoemoe o le auina mai e le Atua o Ana Perofeta e sautualua. O le tulaga muamua o le faasaolotoina mai lea o fanau a tagata mai le pogisa o le valea, ma ta'ita'iina i latou i le malamalama o le poto moni. O le tulaga lona lua o le faamausaliina lea o le filemu ma le toafimalie o tagata soifua, ma le tuuina mai o mea uma ina ia mafai ai mauituina lona faavaeina."³

"E moomia e tagata soifua i taimi uma lava ma i lalo o soo se tulaga lē o le a siitiaina i latou, ta'ita'iina i latou, faatoina ma a'oa'oina i latou."⁴

VAEGA 3

O parakalafa o lo'o sosoo mai o lo'o faamatalaina mai ai, o le Atua e faatoa mafai ona o tatou iloaina ina ua ala mai i Ana Faifaaliga ma o le a fesoasoani ia te oe pe a e talanoa atu i au uo:

Manatunatu i le atulaulau e le gata. Faamata e fetau pe a faapea o le lalolagi sa foafoaina e aunoa ma sona Mataisau? Ae a pe a faapea o le Mataisau o lenei lalolagi le gata e augapiu ma se poto o iai? Ua faapea mai i latou o e su'esu'e faalenatura, o le tagata sa faapogai mai le natura. E leai se poto o iai i le natura. Faamata e talafeagai lona fausiaina o le tagata soifua o le o lo'o iai lona poto salalau? Afai e mataituina lelei lava le foafoaga atoa, tatou te iloa tino ai, soo se mea maualalo lava o i ai na te le mafai ona faatoilaloina se malosiaga o i se mea e maualuga atu. O lona uiga, o le maa, laau, manu, e tusa poo le a le tele o se mea sa faapogai mai ai, latou te le mafai lava ona o latou laasiaina atu le uiga moni o le tagata ma e le mafai foi ona o latou fuafuaina lona malosi. O lea, o le a faapefea la e le tagata o le sa foafoaina ona ia malamalama i le uiga moni o le Mataisau?

E ui ina le mafai ona oo atu lo tatou malamalaaga i le Atua, e le o taofia mai ai tatou mai le tatou iloaina o Ia. Mai lea taimi i lea taimi e afio mai ai se Tagata iloga i le fogaeleele o le FaiFa'aaliga a le Atua. O le faaatoataaga uma, le faamanuiaga ma le susulu mai le Atua o lo'o vaaia pea i totonu o Faifaaliga Paia, faapei o le susulu o le la o loo atagia manino mai lava i se faaata ua faamamaina. O le tatou faapea ifo o nei faaata o loo atagia mai ai le la, e le mafai ona tatou faauigaina o le la lea ua faatoto ifo mai lona maualuga sa iai ae o lenei ua tuufatasia ma le faaata. E tutusa lelei lava ma le Atua, e le afio mai i lenei fogaeleele mai le lagi o faapaiaina. O le uiga o lea mea: O suafa ma ta'u uma lava ma le atoaga o le Atua e iloa, a'oa'oina ma malamalama ai le tagata, e afua mai i Aa FaiFa'aaliga Paia.

A maea ona faitauina ma toe faitauina faalausosoo lenei fuaitau i totonu o la outou kulupu ma ua taliina uma fesili sa tufa atu ai le tasi i le isi e faatatau i lona uiga, ua tatau loa ona e faamasani i le faaaogaina o nei manatu i au lava upu.

1. O le taimi lenei e fetufaai ai i lau kulupu pe faapefea ona faaofiina nei manatu sa e su'esu'eina i talanoaga i se auala talafeagai. E faigofie ona fai lenei mea, e fai ma faata'ita'iga, pe afai o se talanoaga e faatatau i le afio ai o le Atua poo le faamoemoega o lo tatou ola. O a nisi mataupu ma fesili e ona tulai mai i se talanoaga i totonu o lou aiga ma au uo e maua ai le avanoa e te faasoa ai i nei manatu sa su'esu'eina?

2. O lea ua maua nei le avanoa e te faaofi atu ai manatu sa e su'esu'eina i sau talanoaga ma uo. E faapefea ona e tali atu pe afai e fesili se tasi faapea: "O a nisi o mea tatou te iloa faatatau i le Atua e ala mai i ana FaiFa'aaliga?"

3. Atonu o le a faapena ona e naunau e taulotoina nisi o vaega mai Tusinga a Bahá'u'lláh o lo'o i lalo ina ia mafai ona e sii sao maia pe a e talanoa atu i au uo e faatatau lava i lenei mataupu:

"O Ia o le poto, o Le o le Pogai o mea uma ma o le taunuuga o mea uma ua ia te Ia, o le a le talafeagai lava, vagana ua ui atu i le poto ma taunuu atu i nei Meola faapupulaina o e ua faatotoina mai le La o le Mea Moni."⁵

"O le Tagata o le FaiFa'aaliga sa avea lava ma sui vaaia ma fofoga fetalai o le Atua. O Ia lava i le Mea Moni, o le Puna Aso o Ao aupito silisili ona atoatoa a le Atua, ma o le Nofoga o le Nofoga o le Tafaoata o Ona Tau Silisili."⁶

“Ia outou mautinoa, e le gata o galuega ma gaoioiga taitoatasi a nei FaiFa’aaliga uma a le Atua, ma o so o se mea foi e tuuina atu ia te i latou, po’o mea uma foi o le a latou faaaliga mai i le lumanai, sa auina uma mai lava i le Atua, ma o se toe faaatagiaina atu lea o Lona Finagalo ma Lona Faamoemoega.”⁷

VAEGA 4

O le tafatasi o tagata soifua o se mataupu e naunau ai le toatele, ma e fesoasoani tele nei manatu i nisi o avanoa e te maua e faasoa ai:

E tatu ona avea i tatou ma pele o le malamalama tusa lava poo le a le lamepa e susulu mai ai. E tatau ona avae i tatou ma pele o le rosa tusa lava poo fea le togalaau o loo totogo mai ai. E tatau ona avea i tatou ma tagata saili o le mea moni tusa lava poo fea e faapogai mai ai. O le pipii mau atu i se lamepa se tasi e mafai ai ona taofia i tatou mai le iloaina o le malamalama o loo susulu mai le isi. I le sailiina o le mea moni, e tatau ona tatou lafoaiesea uma talitonuga tuai o loo ia i tatou ma alo ese mai soo se ituaiga o faiga faailoga tagata. Afai e tutumu a tatou utu i a tatou lava manatu, o lona uiga e leai lava ma se avanoa mo le vai o le ola e utuina ai.

O Tapuaiga o le malamalama lea o le lalolagi. E na te ta’ita’ia a tatou laasaga uma ma tatalaina mo i tatou le faitotoa o le fiafia e le mavae. A tatou su’esu’eina a’oa’oga o tapuaiga teletele uma, e aunoa ma se taotaomia o i tatou mai talitonuga mapo lotu ma mafauaiga faivavale, o le a tatou iloa o tapuaiga uma nei o loo taoto i luga o le faavae e tasi. O i latou uma o loo faaaliga lea o le Atua. O lo latou faamoemoe autasi o le siitia auiluma lea o le lalolagi o tagata soifua.

Ae e i ai lava eseese e i tulafono ma faatonuga mo le soifua manuia lautele e folafolaina e nei tapuaiga taitasi e tusa ma manaoga o lea taimi ma lea nofoaga. Ae peitai o lo latou aano moni lava e tasi. E latou te uunaiaina le faatuatua, atamai, loto mautinoa, faamasinogatonu, aga tausili ma le tauagafau, mafauaiga matatala ma le fetalai, faatuatua ma le talitonuina, alofa i le Atua, ma le alofa agalelei. E a’oa’o mai foi le mama aiai, vavaeesea, loto mauualalo, lotomau, onosai ma le filifiliga. O Tisipenisiona uma lava e faafouina ai nei uiga faaleatua.

Ae paga lea, o le malosi o le faailoga tagata ma mafauaiga faivavale ua afua ai ona le iloa e le toatele le tafatasi o loo faavae ai nei tapuaiga uma. O le ta’ita’iga a le Atua mo tagata soifua o le mea moni, ma o le mea moni e leai ni ona faavasegaga pe faavaeaeai foi, ae tafatasi. A tatou su’esu’eina nao i tatou lava le mea moni ma le matua saoloto o o tatou mafauaiga mai i talitonuga e faavae i masalosalo, o le a taunuu atu le tatou su’esu’ega i le aufaatasiga. O tapuaiga e tatau ona fusia faatasia i tatou, e tatau ona faavaeina sootaga o le alofa i le va o tagata. Ae a fai e tausolomua ai le faatupuina o le fetauai ma le feeseeseai, ua sili ai lava pe ana le toe iai nei tapuaiga.

1. E pei lava o le vaega sei mavae atu nei, e fautuaina oe e faitau ma sana faitau le manatu o i luga i lau kulupu, ma fetuafaai i fesili e faatatau i le manatu lenai, ma faata’ita’i ona faamatala i au lava upu.

2. Manatumantu i lau kulupu pe faapefea ona e taumafai e lalagain nei manatu ua e su'esu'eina i ni talanoaga, e fai ma faata'ita'iga o ni talanoaga e faataau i feeseeseaiga i le va o tapuaiga, o loo tele ina mafaufau ai tagata. Ae e iai foi le taimi e tou te talanoa ai ma nisi o au uo ae lagaina ae le mataupu o le sailiiliina o le mea moni e aunoa ma le aafia i faiga faatosina ua matele ina ufitia ai le mea moni. Toe tepa i tua i se tasi o nei talanoaga ma au uo poo lou tuaoi foi, poo tagata faigaluega poo nisi foi tou te masani. O a nisi o faafitauli poo mataupu o loo latou mafaufau ai e ono fesoasoani nei manatu o i luga e faamalamalama atili?

3. E faapefea ona e tali atu pe a faapea e uma ona faasoa atu manatu o i luga ae fesili mai se tasi, "O a nisi o mea moni o loo maua i tapuaiga uma?"

4. E fautuaina oe e taulotoina se tasi poo le sili atu foi o fuaitau o loo i lalo mai Tusitusiga a Bahá'u'lláh:

"E leai lava ma se masalomia o tagata uma lava o le lalolagi, i soo se ituaiga, lanu poo tapuaiga, e maua mai lo latou faaosofiaga mai le Pogai faalelagi e tasi, ma e auga uma atu lava i le Atua e tasi."⁸

"Ia mafuta atu i tagata talitonu o tapuaiga uma lava i le agaga o le fefaauoai ma le mafuta faatasi."⁹

"O le faamoemoega faavae o loo faaatagiaina e le Faatuatuaga a le Atua ma Ana Tapuaiga o le puipui malu lea o le manuia ma le faalauteleina o le afaatasiga o tagata soifua . . ."¹⁰

"O le tapuaiga a le Atua e mo le alofa ma le afaatasiga, ia le avea ma pogai o fetuaiga poo fevaevaeaiga."¹¹

VAEGA 5

O le sootaga o le faasaienisi ma tapuaiga o le isi mataupu ua fautuaina oe e su'esu'eina.

E tatau i tapuaiga ona ogatusa ma le faasaenisi. Ua faaeeina ia i tatou uma taitoatasi e le Atua le potu e mafai ai ona tatou iloa le mea moni. O le faasaenisi ma tapuaiga ua iai se faamoemoega ina ia o la ausia tulaga maualuluga o le potu. O le mea lea, e ao lava ona iai se maliega talafeagai i le va o nei mea e lua. Aua o apaau ia e lua o le a mafai ai e le atamai faaletagata ona lele ae i tumutumu maualuluga, o apaau e lua o le a mafai ai ona siitia maualuga le tulaga o tagata soifua. Afai e tasi le apaau, e le mafai ona lele.

O le faasaenisi o se faaoloaga mai le Atua. E na te sailia tapu faalenatura o loo faavaeina ai le lalolagi faaletino ma mafai ai ona o tatou foia nisi o noanoataga ua faaeeina e le lalolagi faalenatura i o tatou luga. Ona o le fesoasoani a meafaigaluega faasaenisi ua mafai ai ona vaai atu i mea e le mafai e o tatou mata ona iloa, ma ua mafai ai foi ona tatou fesootai atu i nofoaga mamao lava i se taimi vave. E tuufaatasia e le faasaenisi le taimi nei ma taimi ua tuanai, ma auililiina misiterio o le lumanai. O le auiluma o ni tagata e faalagolago lea i o latou ausiaga faasaenisi.

O le tapuaiga a le Atua e folafolaina le mea moni, e lagolagoina le potu, ma e faamaopopoina le nofolelei o tagata soifua. A leai tapuaiga, e avea le faasaenisi ma meafaigaluega e siitia ai le tulaga faananau o le tagata e meafaletino, ma oo ai lava ina taunuu atu i le matelaina. A teena e tapuaiga le faasaenisi, o le a avea ma talitonuga le faavaea poo talitonuga faanuupo. Ae afai e o faatasi tapuaiga ma le faasaenisi, o le a mafai ona tafiesea le tele o feitanaiga ma le puapuaga o loo feagai nei na tagata soifua.

1. E pei ona masani ai i vaega ua mavae, faitau ma sana faitau nei manatu, mai lea parakalafa i lea parakalafa, ma tuufesili le isi i le tasi se ia oo lava ina mafai ona e malamalama lelei i le aano o nei manatu ma mafai ona e faamatalaina i au lava upu.
2. E faapefea ona e tali atu i se tasi e faapea mai: “O tuanai atu aso o tapuaiga ma ua le toe aoga mo le taimi nei; o faafitauli uma lava o loo feagai ma tagat soifua e mafai on foia e le faasaenisi.” Faamata o le a fesoasoani lou faamalamalamaina o tapuaiga e le tutusa lea ma talitonuga le faavaea poo le faanuupo, ma e ono avea ai tapuaiga ma ia tulaga pe a fai e le ogatasi ma le faasaenisi, ma e ono avea foi le faasaenisi ma pogai o le matelaina o tagata ona o faanaunauga faaletino pe a le ogatasi ma tapuaiga? E mafai ona e faamatala ni faata’ita’iga o se tou talanoaga faapea ma isi?

3. E fautuaina oe e taulotoina se tasi poo le sili atu foi o fuaitau o i lalo mai Tusitusiga a Bahá’u’lláh:

“O le mea muamua lava ma le silisili i faamanuiaga na faaeeina e le Atua i luga o le tagata, o le meaalofa o le atamai... O lenei meaalofa ua foaiina ai i le tagata le

malosiaga e auililiina ai le mea moni i totonu o mea uma lava, ma mafai ai ona ia iloa le mea sa’o, ma fesoasoani ai ia te ia e iloa mea lilo o le foafoaga.”¹²

“Tagai i le lalolagi ma manatunatu loloto mo sina taimi i ai. E na te susueina lona lava tusi i luma o ou mata ma faaalua mea na tusia i ona itulau e le Peni a lou Alii, le Mataisau ma le Silafia-Uma.”¹³

“O le poto o apaaui ia o le soifuaga o le tagata, ma o le apafai mo lona alu a’e. O lona sailiaina o se poloaiga ua faaeeina i luga o tagata uma.”¹⁴

VAEGA 6

O le tafatasi o tagata soifua o se mataupu e taua tele i loto o tagata i soo nofoaga i nei onapo, ma e toatele o le a faapena ona fiafia e tou te talatalanoa i manatu ua taua i lalo.

O se togalaau e tutusa ona foliga ma ona lanu e leai sona matagofie, ma e paauli ma e leai sona felanulanuai. O se togalaau manaia i le vaai o se togalaau lea o lo’o ola i ona itu uma fugalaau felanulanuai ma e matua sasala o latou manogi. O lo’o avea ma fetaulaiga aupito faafiafiaina o lanu o lo’o avatua i le togalaau lona matagofie ma lona lalelei. E ui lava ina eseese, ae o nei fugalaau taitasi o lo’o faasusuina e le timu e tasi, ma mauaina le mafanafana o le la e tasi. O lenei faatusatusaga e fetautu tonu lava foi i le tagata soifua. O lo’o fausiaina tagata soifua i ituaiga ma lanu eseese. Peitai, e faapogai uma mai i latou mai le Atua e tasi, e faapea ai ona tasi lo latou mafuaaga. O le felanulanuai o lo’o iai i le aiga a tagata soifua, e tatau ona avea ma pogai o le alofa ma le fegalegaleai, faapei ona iai i ni pesega, ma o latou nota eseese, ae o lo’o faafefiloiina faatasi ina ia maua se fati malie ma le faamalieina.

E talafeagai ona maua le afaatasiga. O le alofa, o le faapogai moni lea o le soifuaga uma o lo’o i le lalolagi faaletino ma o lo’o faalagolago lo latou ola i luga o le afaatasiga. O elemeni o lo’o fausia ai i latou ua fusia faatasi uma i le tulafono o le maneta. O lenei tulafono na te aumaia faatasi ni elemeni i ni foliga o se fugalaau matagofie. Ae afai e aveesea lenei maneta, o le a faapena loa ona pala le fugalaau ma le toe vaaia lava. E faapena foi i tagata soifua. O le tosina atu i faatasiga feoeoeai ma le afaatasi o malosiaga latou te tapueina faatasi mai ai tagata soifua.

Ua tusia e Bahá’u’lláh se alafua mo le faatasiaina o tagata uma o le lalolagi. E tatau ia i tatou ona faia taumafaiga uma ina ia faaofiina atu ai lenei alafua i totonu o lenei lio o le afaatasiga. Afai tatou te feiloai atu i tagata o ituaiga, atunuu, tapuaiga, po’o le faalogo foi i manatu eseese, e le tatau ona o tatou aumaia nei eseese e avea ma papupuni i le tatou va. E tatau ona o tatou manatua, o i latou o rosa lanu eseese o lo’o ola i totonu o se togalaau matagofie o tagata soifua ma ia e fiafia e te faatasi i ai ma i latou.

1. A maea ona su’esu’eina manatu o loo i luga e pei foi ona outou faia i isi vaega ua mavae atu, mafaufau i le tele o talanoaga o loo faapena ona tutupu i la outou siosiomaga. O a nisi o mea o loo faafatuulu i mafaufau o tagata e maua ai le avanoa e te faasoa ai le nei manatu e faitauina i luga?

2. O se talanoaga i le tafatasi o tagata soifua e ono oo atu ai i se talanoaga i le taua o le afaatasiga i totonu o la outou lava faalapopotoga. E mafai ona e faamatala pe faapefea e i tatou uma taitoatasi ona fisaofaga i lenei mea?

3. Atonu e te fia taulotoina se tasi poo le sili atu foi o upusii o loo i lalo ina ia mafai ona e faaaogaina pe a e faasoa atu i lenei mataupu i au uo:

“Ua faatuina nei le tapeneko o le afaatasiga, aua ne'i outou manatu o le tagata ese le isi tagata. O outou o fua o le laau e tasi ma laulaau o le lala e tasi.”¹⁵

“E uiga ese le malosi o le malamalama o le afaatasiga e mafai ona faapupulaina ai le lalolagi atoa.”¹⁶

“Ia taulai atu o outou mata i le afaatasiga, ma ia faasusuluina atu le pupula o lona malamalama ia te outou. Ia outou faapotopoto faatasi ma ia outou feutagai ona o le Suafa o le Atua, e liaia i luga le tafue o fevaevaeaiga uma o lo'o ia te outou.”¹⁷

“Ua poloaina tagata ina ia pipii mau atu i le mea o le a faalauiloaina ai le fegelegaleai, feoeoeai ma le afaatasiga.”¹⁸

VAEGA 7

O le manatu o loo mulimuli mai o le a fesoasoani ia te oe e fisaofaga ai i talanoaga e faatatau i le faamasinogatonu, o se tasi o mataupu aupito sili ona mamafa i loto o tagata:

O le eseese i malosiaga ma agavaa o tagata taitoatasi uma, o se vaega talafeagai lea i le soifuaga. E le mafai ona tutusa tagata i mea uma o le soifuaga. Ae a oo loa i mataupu a tagata ma mea uma o lo latou soifuaga, e tatau ona faafoeina i lalo o le talitonuga faavae o le faamasinogatonu. O le faamasinogatonu o se mea paia ma o aia tatau uma lava a tagata taitoatasi e tatau ona puipui malu.

O le faamasinogatonu e le faatapulaaina, ae o se uiga a'oa'o e fusia uma ai tagata. E tatau ona faafaigaluegaina i laasaga ma vaega uma o le sosaiete. E ao i tagata uma lava ona mauvaega i faamanuiaga uma lava o auai ai o se sui o le sosaiete, aua o tatou uma lava e aofia i totonu o le tino o tagata soifua. Afai e feagai se tasi o sui o lenei tino ma faafitauli poo mafatiaga, o le a faapena lava ona lagona e tagata uma le

mafatia. E faapefea ona nofolelei se isi vaega pe afai o loo feagai isi ma puapuaga? O le sosaiete i le taimi nei ua maitau ai le mou atu o tu ma aga o le fegalegaleai ma le fuafua tataua lelei; ma e leo atoatoa le lelei o lona faavasegaina. E moomia tulafono ma talitonuga faavae e puipuia ai le nofolelei, auiluma ma le fiafia o le aiga atoa o tagata soifua.

Ua faavaeina le faamasinogatonu i luga o poutu o faamanuiaga ma faasalaga. O faigamalo e puleaina e tagata e leai so latou faatuatua, ma e leai foi so latou matatau i le faasalaga a le Atua, e latou te faia tulafoni le amiotonu. O le naunau i faamanuiaga ma le fefe i le faasalaga o ni mea e moomia pe afai e le manao e oo mai puapuaga. E tataua i le au faitulafono ma e o lo'o puleaina tulafono ona nofo uta i aafiaga faaleagaga o a latou faaiuga. Afai e mautinoa lelei e le tagata faitulafono le tuuaia o i latou i a latou lava gaioiga o lo'o faia i lenei olaga faaletino pe oo i le lalolagi atali, o le a faapena foi ona faaosofiaina o ia ina ia galue ma le amiotonu. O le ta'ita'i na te iloaina o le a fuaina ana faaiuga i le talafeagai tonu ma Faamasinoga Faapaiaina e mautinoa o le a ia tetee atu i soo se faiga e atagia ai le pule saua ma le puapuaga.

1. A maca loa ona a'oa'oina pe faapefea ona e faamatalaina nei manatau i au lava upu, manatunatu poo a mataupu talanoaina e ono maua ai le avanoa e faasoa ai i manatunatuga loloto o loo i luga.

2. E faapefea ona e tali atu i se tagata e talitonu e le mafai lava ona mavae atu amioga le tonu?

3. Lorem ipsum dolor sit amet, consectetur adipiscing elit. Maecenas porttitor congue massa fusce posuere magna.

“O le faamasinogatonu ua avea ma malamalama o le tagata. Ia aua nei faaumatiaina i matagi o le pulepuletutu ma sauaga pe a oo ina agi mai. O uiga moni o le faamasinogatonu, o le vaaia lea o le afaatasiga i le va o tagata soifua.”¹⁹

“E leai se malamalama e mafai ona faatusatusaina atu i le malamalama o le faamasinogatonu. O le faamaopopoina mai o le lalolagi ma le soifua lelei o tagata soifua e faalagolago lea i luga o le faamasinogatonu.”²⁰

“O le na te a'oa'oina le lalolagi o le Faamasinogatonu lava lea, aua o lo'o puipuia lelei e ni poutu se lua o faamanuiaga ma faasalaga. O nei poutu e lua ua avea ma malosiaga o le ola mo le lalolagi.”²¹

VAEGA 8

O le va o le au maumea ma le au matitiva o loo faatuputupulaia pea lona lautele i aso taitasi, ma o le a feasoasoani manatu o loo i lalo ina au talanoaga ma au uo e faatatau i lenei mataupu.

O nei aso, ona o le mou atu o sootaga fegalegaleai ma le fetufaai i le va faaletagata, ua avea ma pogai o le mafanafana lava o le isi vaega o le sosaiete i le matua nofolelei ma le anoanoai o le tamaoiga ae o loo matelaina le toatele i le fia aai ma le leai o se mea nonofo ai. O nisi ua tulagaese lo latou tamaoiga ae o isi ua matua tulaga ese lo latou matitiva.

E ao ona faavaeina ma faamalosi tulafono o le sosaiete i se aua e le mafai ai e se vaega toaititi ona latou uumiaina le tulaga maoae o le tamaoiga ma puipuia mai ai isi mai le matelaina. O leo le uiga o lenei faamatalaga ia tutusa tagata uma, aua o le eseese o malosiaga ma agavaa o se vaega o le natura o le foafoaga. Ae o le soona faatuputupulaia o le tamaoiga ma oo atu ia i tulaga le talafeagai o le mativa o se mea e mafai ona foia. Afai e talafeagai i le tagata faipisinisi le ausiaina o se vaega o lona tamaoiga, e tatau foi ona faatauaina le ausia e le tagata faigaluega o le tamaoiga e mafai ai ona tali i ona manaoga. O le mea lava e iai le mativa ma le matelaina, tatou te vaaia ai foi sauaga.

E ao ona atagia i tagata soifua le aano moni o lenei mataupu o le faamasinogatonu Faaleatua. O faavae o le lufilufiina o le tamaoiga lautele e iai lona faasinomaga faaleagaga ma e tele lona sootaga ma le lalolagi o le loto ma le agaga. E ao e le au maumea ona atu ma le loto fuatiaifo; e ao ona favaivaia o latou loto ma faafaileleina le atamai foai alofa. E ao i loto uma ona faamausaliina, e tatau ona malosi le alofa e unaia ai le au maumea e faia ni gaioga e faatuina ai le faatinoga talafeagai maumaututu mo le faavasegaina o le tamaoiga i se tulaga talafeagai. E tatau ona o latou iloa lelei e le o se mea tonu poo se aiatatau lo latou umiaina o se vaega tele o le tamaoiga ao loo iai le mativa i totonu o le faalapotopotoga. I lenei vaaiga, o le a mafai ai e le tagata mau mea ona foai atu ma le loto atoa lo latou tamaoiga, ae tuu lava na o se vaega e mafai ona maua lo latou nofolelei.

1. Faitau le manatu o loo i luga ma su'esu'eina e latou kulupu e pei ona masani ai i isi vaega ua mavae atu. E tele mea o loo mamafatu i mafaufauga o tagata ona o lenei mataupu o le tamaoiga ma le mativa – e pei o galuega, totonu o tagata faigaluega, fale e nonofo ai, e fai ma faata'ita'iga. E mafai ona e mafaufau i nisi mataupu e talanoaina e ono maua ai le avanoa e te faasoa ai manatu e pei ona taua i luga?

2. E faapefea ona e tali atu pe a faapea mai se tagata sa faalogo o e tautala i nei manatu : “O le uiga o lau faamatalaga o le a usitaia ma lagolagoina e tagata maumea tulafono malolosi o lafoga, ma o le a latou totogiina ma e fiafia le aofaiga e tatau ona latou totogia? Aisea ua e faimai e mafai ona ausia lea mea ?”

-
-
-
3. E fautuaina lou aotaulotoinna o se tasi poo le sili atu foi o upusii mai Tusitusiga a Bahá'u'lláh:

“... e tatau ona outou foi atu le fua lelei ma le matagofie, ina ia mafai ai ona maua e maua faapea foi ma isi le manuia. Ua faatonuina outou uma taitoatasi e faatino ni galuega ma matafaioi faatufugaga, aua o i tonu o loo taoto ai le mea lafitai o le tamaoaiga. Outou e tagata o le malamalama!”²²

“Afai e liliu atu o outou mata i le alofa mutimutivale, lafoaiese mea e te manuia ai ae pipii mau atu i mea e manuia ai tagata soifua. Ma afai e liliu atu ou mata i le faamasinogatonu, ia filifilia mo lou tuaoi le mea e te filifilia mo oe lava.”²³

“Aumuia le tagata e na te faamuamua lona uso na i loo ia lava.”²⁴

“E leai lava se galuega lelei e mafai ona mou atu, aua o galuega alofa o oloa taua ia e faamalumuina e le Atua mo le manuai o i latou uma e galulue.”²⁵

“... ia faitete ina nei tafiese tuaoi o le amio pulea, ma faanumerain ai outou ma i latou ua soona fai le ola.”²⁶

VAEGA 9

O loo tuuina atu i lalo nisi o manatu e fesoasoani ia te oe pea e auai i ni talanoaga e faatatau i le faailoga tagata.

O le faailoga tagata i ona itu uma – faaletapuaiga, lanu, itupa, tupuaga, faaletamaoaiga – e na talepeina le faavae o tagata soifua ma e le ogatusa ma faatonuga a le Atua. E faitau afe tausaga o feagai tagata soifua ma le mala matuia o taua ma le toto masaa e faapogai mai i se tasi o nei ituaiga o le faailoga tagata. Ma e le mafai ona maua se toafilemu o tagata soifua seia vagana ua tafiese le faailoga tagata.

E tasi lava le faamoemoe na auina mai e le Atua Ana Perofeta o le fausiaina lea o le alofa ma afaatasiga. O Tusi paia uma o upu tusitusia o le alofa. Afai e avea ma pogai o le faatagataeseaina, ua leai sona aoga. O le mea lea, o le faailoga tagata e afua mai i talitonuga faaletapuaiga e mamao ese ma fulitua mai le finagalo ma faatonuga a le Atua.

O le faailoga tagata e afua mai i le tulaga faaleatunuu e matua le talafeagai lava ma e le taliaina foi. O le lalolagi o se eleee e tasi, ma o le atunuu e tasi. O laina ma tuaoi ua tuueseeseina ai atunuu taitasi o ni mea e faavae mai i mafaufau o tagata; e lei foafoaina e le Atua. Ua tusiaaoina e le tagata le vaitafe e avea ma tuaoi o le isi atunuu ma le isi atunuu, ma faaigoa itu taitasi, ae o le mea moni lava o le vaitafe na faia mo

atunuu uma e lua ma o se punaoa o le alamanuia mo tagata uma. E leo le valea ea ma mafaufauga faivavale lenei ua avea ai tuugaoa o le ola ma pogai o fetuaiga ma faatafunaga?

O le faailoga lanu o ni mafaufauga e le faavaea. O le lanu o le pa'u o se tagata e afua mai i le tulaga na sau'a'i ai ona tuua i le fia afe ma afe o tausaga e fia i le tau ma le siosiomaga na soifua ai. O le tulaga moni lava o le tagata o ona uiga taualoa ma le tautamalii. O le ausia o mea silisili e le faalagolago lea i le lanu o lou pa'u poo lou tupuaga. O le faatuatua, mama ai o le loto, galuega lelei ma upu tauleleia o mea ia e taliaina i le nofoalii o le Atua.

Ua fai lava sina umi o avea pea tamaitai ma itupa e maualalo atu na i loo alii ma avea ai ma mafuaaga o lo latou agaleagaina. O le eseese o alii ma tamaitai o se tulaga e patino lava i manaoga o le lalolagi faaletino; ae i le lalolagi o le agaga e tutusa lelei lava i laua. I le silafaga a le Atua e leai lava ma so la eseese e tusa lava poo se alii poo se tamaitai. O tagata uma lava ua faauuina e le Atua i le potu ma malamalama. O tagata uma lava e iai le agavaa e ausia uiga lelei. E leai lava ma se tulaga talafeagai o iai i nei onapo e mafai ai ona faailogaina ma faeseaina se tagata ona o le itupa e iai .

E pei ona tatou faitauina i le Feagaiga Tuai, sa fetalai mai le Atua, "Ina tatou faia ia o le tagata i lo tatou faatusa, ia foliga ia i tatou". O loo manino mai ii e aofia ai foi ma tamaitai. Ua faia e le Atua le tagata i Lona faatusa; o lona uiga ua atagia ma faaaliaina i le tulaga moni le tagata tau ma uiga faaleatua. E moni lenei mea mo tagata uma lava. O se folafolaga le faamaoniaina le manatu ifo o se isi e nao le tasi lava le lanu, tupuaga poo se atunuu na faia e le Atua i lona faatusa. O ni mafaufau vaivai tele pe faapea e manatu ifo se isi e nao tagata mauoloa na faia i le faatusaga o le Atua poo le faapea foi o le ausia o se tulaga maualuga i totonu o le sosaiete o le a faalatalata atu ai le tagata i le Atua. E le mafai e tagata soifua ona maua le malamalama seia vagana ua lafoaiese le faailoga tagata ma ausia uiga ma ta'u lelei o le Malo.

1. Talanoa ma su'esu'eina lenei manatu e pei ona masani ai i isi vaega ua mavae atu ma mafaufau i nisi o luitau sa lagaina mai e au uo ma tuaoi i talanoaga o loo atagia ai se manaoga e tafiese faiga faailoga tagata o loo iai nei.

2. O le a sau tali pea fesili ifo se tagata sa faalogoina oe o e faasoa i nei manatu o i luga: "E mafai ona maua ia i tatou le faailoga tagata ae tatou leiloa o loo tatou faatinoina?"

3. E ono maua le avanoa i au talanoaga i nei manatu e te faaaogaina ai se tasi po le sili atu foi o upusii o loo i lalo mai Tusitusiga a Bahá'u'lláh :

“O le lalolagi o se atunuu e tasi, ma o tagata soifua uma o ona tagatanuu.”²⁷

“O tatupu uma o le lalolagi na ola ae mai le Laau e tasi, ma o mataua uma e mai le Vasa e tasi, ma e tasi lava le Pogai o le ola o tagata uma.”²⁸

“O tagata moni lava o se tasi ua faatoina lona tagata i lenei aso e ‘au’auna ai mo tagata soifua uma lava.”²⁹

“O le malamalama o le tagata lelei e sili atu na i loo le malamalama ma le pupoula o le la.”³⁰

“O le tulaga silisili o le tagata e le faalagolago i oa ma tamaoiga, ae faamoemoe i le amio lelei ma le malamalama moni.”³¹

“Ia fingingalo le Atua ina ia lagolagoina ma le agalelei oe i lalo o soo se tulaga e faatamaia tupu o mafauauga le faavaea ma saeia ese ufimata o mafauauga faivavale o tagata.”³²

“O le tagata e aupito sili ona leaga i tagata uma lava, o ia lava lea e finau valea ma taumafai e faasili ae o ia i luga o lona uso.”³³

VAEGA 10

Pe a outou talatalanoa ma au uo, e ono tele ina maua avanoa e te faaaogaina ai manatu o loo tusia i lalo e faatatau i le aia tutusa o alii ma tamaitai:

O le la faaletino, e ala mai lona malamalama ma lona vevela, o le a faaalitino ai tulaga moni o mea uma o i luga o le fogaeleele. O le fua o loo natia i totonu o le laau o le a faaalua i ona lala ona o le mana o le la. E faapena foi, i le La o le Mea Moni, pe a susulu mai i lona pupula sauatoa i le lagi mamalu, e faamalamalama ai tulaga moni o mea uma e lei mafai ona iloa i le taimi ua tuana'i. O le mafuaaga lea, i lenei augatupulaga, o le talitonuga faavae o le aia tatau o alii ma tamaitai ua mafai nei ona iloa atoatoa ma ua avea o se manatu ua mausali ona faatuina.

Ua saunoa ma le manino Bahá'u'lláh e faapea, i le silafaga a le Atua, e matua leai lava se eseese i le va o alii ma tamaitai. O le tulaga eseese o lo'o vaaia pea i totonu o augatupulaga fai mai, e le afua ona o le tulaga silisili o alii, ae ona o le le mauaina e tamaitai o avanoa e faapei ona tuuina atu i alii e atinae ai o latou malosiaga uma. E ui lava la ina vaaia pea le le amanaiaina o la tatou itupa, ae o lo'o faamauina pea i totonu o le talafaasolopito ni talaaga o soifuaga o le tele o tamaitai na ausiaina ni matatia aupito i maualuluga.

O le uluai tamaitai sa ia taliaina le Moni o le Fa'aaliga fou a le Atua, o le fatu solo tautaua lea mai Peresia o Tahirih. Na soifua mai o ia i le amataga o le seneturi 1800 i se atunuu e matua faasilasilina lava alii nai loo tamaitai. O ia o le uluai tamaitai na taliaina le moni o le Fa'aaliga fou a le Atua. Ao ia molimauinaina le tafaoata o se Aso Fou, sa faapena ai foi ona mautinoa ma le atoatoa ia te ia, ua oo mai le taimi e faatauaaina ai le aia tutusa a alii ma tamaitai. Sa faatoina atu lona tagata atoa e

folafolaina lenei mea moni. O lona poto ma lona atamai sa matua le mautonu ai alii aupito i popoto sa iai i ona taimi. E ui i le matautia o malosiaga sa faasagatau atu ai tupu saua ma se vaega o le au failotu faasausili ma le le taupulea ia te ia, ae le i mafai ai ona faamaimauina sina vaega o ona taimi mai le manava atu i le tautauina o le mea moni. I le iuga o ana taumafaiga sa ia ofoina atu ai lona ola mo le Faatuatuga fou sa ia taliaina atoatoa ma le tutumau.

O le talitonuina o mea sa le i finagalo i ai le Atua o se manatu sese ma ni mafaufauga le faavaea. Ua tatau ai i nei aso ona tatalaina atu i tamaitai avanoa uma mo a'oa'oga sa momoo i ai ina ia tutusa ai ma alii i vaega uma o taumafaiga a le tagata soifua. O le a le ausiaina lava se auiluma moni mo tagata soifua, vagana ua avea le aia tutusa o alii ma tamaitai ma vaaiga moni i lenei lalolagi e pei ona iai i le nofoalii faaleagaga.

1. E pei ona masani ai, su'esu'e lenei manatu ma taumafai e faata'ita'i ona faamatala ia oe lava upu. E iai ni a outou talanoaga lata mai ma au uo e ono fesoasoani ai nei manatu e faapupula atili? O a nisi o mataupu sa outou talanoaina?

2. O a nisi o talitonuga ma amioga o loo taatele i le sosaiete i nei onapo e tatau ona suia pe afai ua tatou talitonu e ao ona ausia e tamaitai le tulaga tutusa ma alii i soo se vaega lava o le soifuaga?

3. O loo tuuina atu i lalo nisi o upusii mai Tusitusiga a Bahá'u'lláh e ono mafai ona e taulotoina:

“E tutusa ma o le a faaauauina pea le tutusa o tamaitai ma alii i le silafaga a le Atua.”³⁴

“Tou te iloa ea le ala na Matou faia ai outou mai le efuefu e tasi, ina ia le faasili ae e se tasi o ia na i loo le isi.”³⁵

“Ua faapea lava e le Aao o faamanuiaga faapaiaina i nei aso ona tafiese feeseeseaiga uma. O ‘au’auna tane ma ‘au’auna fafine a le Atua ua tuufaatasia uma i le laoi e tasi.”³⁶

VAEGA 11

O le manatu mulimuli ua fautuaina oe e su'esu'eina e faaautu i le mataupu o le a'oa'oina a'oa'o:

O le faalateleina o a'oa'oina o se tasi lea o vaega aupito i moomia e o tatou taimi. E matua le mafai lava e se atunuu ona ausiaina sona tamaoaiga vagana ua ave le faamamafa i a'oa'oga. O le mafuaaga muamua o le solo i tua o tagata o le utiuti o avanoa e mauvaega ai i le potu.

O A'oa'oga e tatau ona amataina mai tausaga mu'amu'a o le tagata. O le tiute tauave o tama ma tina o le taumafai lea i auala uma e a'oa'oina ai a latou fanau, ina ia faamasani atu o latou uiga e tusa ai ma tulafono ma tu faaleagaga, ma ia a'oa'oina i latou i galuega a'oa'o ma le faasaenisi. O tina o i latou ia o uluai faiaoga o le tagata soifua, latou te tausi i tamaiti ma i lo latou pepe meamea ma faafaiileina i le suasusu o le potu. O soo se tamaitiiti lava ua matua alagataua ona a'oa'oina, ma o se tiute e le mafai ona teena. Afai e gafatiaina e matua ona totogi i le aoga, ua alagataua loa ona faataunuu lenei tiute. Ae afai e le mafai, ua tatau loa i le faalapotopotoga ona sailia ni auala mo le faagaioia o le aoga a le tamaitiiti..

E tatau i tagata soifua ona o latou atinae se naunautaiga mo A'oa'oga ina ia mafai ona o latou ausiaina ni lelei aupito silisili. E tatau ona o tatou tatou tosina atu i le atoatoaga faaletagata ma saili atu i ai ma le faanaunau. E tatau ona tatou momoo atu i le ausiaga o matatia sili faaleagaga, ma iloa i tatou ona o uiga lelei o le lalolagi o tagata—ona o le faatoina, faamaoni, 'au'auna i tagata soifua, o le alofa ma le faamasinogatonu. E tatau ona tatou saili atu ina ia tulagaese i tatou ona o a tatou taumafaiga i le faalauiloaina o le filemu ma le afaatasiga, aemaise o le tautapueina mai o se soifuaga a'oa'oina. O le ta'ita'iina atu o tagata i luga o lenei ala o se matafaioi moni e patino i le a'oa'oina.

1. A maea ona su'esu'eina lenei manatu i la outou kulupu, taumafai e iloilo nisi o manatu o loo mamafa i loto o au uo e faatatau i le a'oa'oina. E faapefea ona fesoasoani manatu o i luga e foia o latou lagona?

2. E fautuaina oe e autauloto se tasi poo le isi atu foi o upusii o loo i lalo mai Tusitusiga a Bahá'u'lláh:

“E le taliaina le iai o se tagata e tuulafoaiina e aunoa ma se potu poo se tomai o iai ia te ia, aua o ia lava ua na o se laau e le fua mai.”³⁷

“Gauai atu o outou mafaufau ma manatunatuga i le a'oa'oina o tagata ma ituaiga uma o le lalolagi. . .”³⁸

“O galuega a’oa’o, galuega taulima ma le faasaenisi o vaega uma ia latou te siitiaina ae le lalolagi o tagata, ma e matua taua tele mo lona lava mamalu. O le poto e pei o ni apaau i le soifuaga o le tagata ma o se apafai mo lona malaga ae.”³⁹

“O le mea moni, o le poto o le oloa taua moni lea mo le tagata, ma o le puna o le mamalu, faamanuiaga, le olioli, faaneetaga, fiafia ma le faamalie loto ia te ia.”⁴⁰

VAEGA 12

O se tasi o manatu e mamafa i loto o tagata uma lava o le filemu. O lona faavaeina o se galuega taua ma le moomia vave. Ua maea nei ona e manatunatu i nisi o talitonuga faavae sa talanoaia i vaega ua mavae atu, ma o le a fesoasoani tele ia te oe i au tomanatuga i fesili faatatau i le filemu a’oa’o.

O le mea moni, e tele le faalagolagomaga i luga o malo ina ia faia ni laasaga maumaututu e tafieseaa ai taua. E matua taua lava maliega aloaia faalemalo e foia ai feeseeseaiga ma tuuititia ai le gaosiaina o mea tau i le sailiaina o le filemu, e faapena foi ma le tele o auala eseese e galulue felagolagomai ai atunuu taitasi o le lalolagi. Ae peitai, e poo le a lava le taua o nei faatinoga, e le mafai lava ona taunuu atu ai i le filemu pe afai e leo mafai e talitonuga faavae e pei ona talanoaina muamua ona faavaeina mausali i le loaloa o le lalolagi. E tatou ona tatou fesili lava i tatou ia i tatou lava, faamata e tumau pea nei fetauaiga ua autasaga sei iloga lava ua taumafai tagata e iloilo ina le tulaga moni ma taunuu ai i se malamalamaaga e tasi lava le mea moni? E tutusa uma lava lo tatou tupuaga. E puipuia e le Atua i tatou uma lava taitoatasi ma e Na te a’oa’o ina foi i tatou uma lava e ala i Ana Faifaaliga. O a Latou a’oa’oga e fausia i luga o le faavae e tasi o le alofa ma le fegalegaleai. Sei vagana lava ua taliaina le tafatasi o tapuaiga faatoa mafai ona taofia fetauaiga i le va o tapuaiga ma mafai e le malamalama o tapuaiga ona faapupulaina le ala o le filemu. E le talafeagai ea le ogatusa o tapuaiga ma le faasaenisi ina ia mafai ona tafieseaa ao pogisa o le valea ma faaalua le sese o soo se ituaiga o faailoga tagata ua avea nei ma pa puipui o le ausiaina o le filemu? O le isi fesili, e mafai ea ona fausia se lalolagi filemu pe afai e lei foia lava tulaga ogaoga o le va o tagata matitiva ma tagata mauoloa i itu uma o le lalolagi? Ma seiloga lava ua mafai ona faasaolotoina tamaitai e ofi atu i soo se matata ma vaega o le soifuaga e tutusa lelei ma alii faatoa mafai lea ona tuuavanoa sauaga ua leva ona pogatia ai le talasolopito ae ausia le filemu ma le manuia moni. O augatupulaga fai mai e tatau ona a’oa’o ina e tusa ma nei talitoniga faaleagaga. A le faia leni mea, o le a le aoga faamoemoega uma lava mo le filemu. E te ono manao e taulotoina nei upu a Bahá’u’lláh ina ia mafai ona e faaaogaina pe e faasoa atu i isi faatatau i le lumanai o tagata soifua:

“O le soifua manuia o tagata soifua, lona filemu ma lona saogalemu, e le mafai ona ausia sei vagana ua faavae mausali lona afaatasiga.”⁴¹

REFERENCES

1. *Gleanings from the Writings of Bahá'u'lláh* (Wilmette: Bahá'í Publishing Trust, 1983, 2017 printing), CIX, par. 2, p. 243.
2. *Ibid.*, CXXXII, par. 1, p. 325.
3. *Ibid.*, XXXIV, par. 5, p. 89.
4. *Tablets of Bahá'u'lláh Revealed after the Kitáb-i-Aqdas* (Wilmette: Bahá'í Publishing Trust, 1988, 2005 printing), no. 11.1, p. 161.
5. Bahá'u'lláh, *The Kitáb-i-Íqán: The Book of Certitude* (Wilmette: Bahá'í Publishing Trust, 2003, 2018 printing), par. 151, p. 131.
6. *Gleanings from the Writings of Bahá'u'lláh*, XXVIII, par. 2, p. 77.
7. *Ibid.*, XXIV, par. 1, p. 66.
8. *Ibid.*, CXI, par. 1, p. 246.
9. *Ibid.*, XLIII, par. 6, p. 106.
10. *Ibid.*, CX, par. 1, p. 244.
11. *Tablets of Bahá'u'lláh Revealed after the Kitáb-i-Aqdas*, no. 15.4, p. 220.
12. *Gleanings from the Writings of Bahá'u'lláh*, XCV, par. 1, pp. 219–20.
13. *Tablets of Bahá'u'lláh Revealed after the Kitáb-i-Aqdas*, no. 9.13, p. 141.
14. *Ibid.*, no. 5.13, p. 51.
15. *Gleanings from the Writings of Bahá'u'lláh*, CXII, par. 1, pp. 247–48.
16. *Ibid.*, CXXXII, par. 3, p. 326.
17. *Ibid.*, CXI, par. 1, p. 246.
18. *Tablets of Bahá'u'lláh Revealed after the Kitáb-i-Aqdas*, no. 7.20, p. 90.
19. *Ibid.*, no. 6.25, pp. 66–67.
20. Bahá'u'lláh, cited by Shoghi Effendi, *The Advent of Divine Justice* (Wilmette: Bahá'í Publishing Trust, 2006, 2018 printing), par. 42, p. 41.
21. *Tablets of Bahá'u'lláh Revealed after the Kitáb-i-Aqdas*, no. 3.23, p. 27.

22. Bahá'u'lláh, *The Hidden Words* (Wilmette: Bahá'í Publishing Trust, 2003, 2012 printing), Persian no. 80, p. 51.
23. *Tablets of Bahá'u'lláh Revealed after the Kitáb-i-Aqdas*, no. 6.19, p. 64.
24. *Ibid.*, no. 6.37, p. 71.
25. Bahá'u'lláh, in *Huqúqu'lláh—The Right of God: A Compilation of Extracts from the Writings of Bahá'u'lláh and 'Abdu'l-Bahá and from Letters Written by and on Behalf of Shoghi Effendi and the Universal House of Justice*, compiled by the Research Department of the Universal House of Justice (Wilmette: Bahá'í Publishing Trust, 2007), no. 16, p. 16.
26. *Gleanings from the Writings of Bahá'u'lláh*, CXVIII, par. 2, p. 283.
27. *Ibid.*, CXVII, par. 1, p. 282.
28. Bahá'u'lláh, cited by Shoghi Effendi, *The Promised Day Is Come* (Wilmette: Bahá'í Publishing Trust, 1996, 2018 printing), par. 279, p. 187.
29. *Gleanings from the Writings of Bahá'u'lláh*, CXVII, par. 1, p. 282.
30. *Tablets of Bahá'u'lláh Revealed after the Kitáb-i-Aqdas*, no. 4.11, p. 36.
31. *Ibid.*, no. 6.3, p. 57.
32. *Ibid.*, no. 6.3, p. 58.
33. *The Hidden Words*, Persian no. 5, pp. 23–24.
34. Bahá'u'lláh, in *Women: Extracts from the Writings of Bahá'u'lláh, 'Abdu'l-Bahá, Shoghi Effendi and the Universal House of Justice*, compiled by the Research Department of the Universal House of Justice (Wilmette: Bahá'í Publishing Trust, 1986, 1997 printing), no. 54, p. 26.
35. *The Hidden Words*, Arabic no. 68, p. 20.
36. Bahá'u'lláh, in the compilation *Women*, no. 3, p. 3.
37. Bahá'u'lláh, in *Excellence in All Things: A Compilation of Extracts from the Bahá'í Writings*, compiled by the Research Department of the Universal House of Justice (London: Bahá'í Publishing Trust, 1981, 1989 printing), no. 5, p. 2.
38. *Gleanings from the Writings of Bahá'u'lláh*, CLVI, par. 1, p. 378.
39. Bahá'u'lláh, *Epistle to the Son of the Wolf* (Wilmette: Bahá'í Publishing Trust, 1988, 2016 printing), p. 26.

40. *Tablets of Bahá'u'lláh Revealed after the Kitáb-i-Aqdas*, no. 5.13, p. 52.
41. *Gleanings from the Writings of Bahá'u'lláh*, CXXXI, par. 2, p. 324.



Mataupu Autu mo Faalolotoga

Faamoemoega

Ia atiae le uiga masani o le asiasi i uo ma tuaoi
ma talatalanoa i mataupu taua faaleagaga

VAEGA 1

O lenei iunite lona tolu, e faapei o le iunite faatoa mavae atu, e faaautu i lo tatou agavaa e faatinoina ai ni talanoaga aanoa ma le faaosofiaina. O le autu na taulai ai la tatou su'esu'ega i le iunite lona lua o le faaaogaina lea o avanoa eseese tatou te maua e siitia ai se talanoaga e ala i le faamatalaina o talitonuga faavae. I lenei iunite, o le a taulai la tatou su'esu'ega i asiasiga tatou te faatinoina i maota ma laoa o a tatou uo ma tuaoi e auiliili faatasi ni mataupu autu e taua i le soifuaga o le faalapopotoga.

I totonu o nuu ma nofoaga faaletuaoi eseese i le loaloa o le lalolagi, o loo vaaia ai le auai malosi o kulupu o uo i ni gaiouga eseese ae fesootai lelei e aofia ai le faatinoina o mafutaga tatalo faifaipea, o vasega mo le a'oa'oina faaleagaga o tamaiti, mafutaga a talavou tauamata, lio o su'esu'ega, toalaupiga a talavou ma le tele o gaiouga faakemupeni. Ao faavaeina mausali a'a o nei galuega i totonu o se nofoaga ma faatuputupulaia le aofaiga o tagata e auai i nei gaiouga faaleauauanaga, o le a faalateleina foi ma faatuputupulaia le malosi o le vaega autu o uo i totonu o nei nofoaga. O le faatulagaina lelei o se polokalame mo asiasiga i anoanoai ma tele o aiga i totonu o se nofoaga poo se nuu o se vaega taua tele o le gaiouga mo le atinaeina o se faalapopotoga uluola ua faatuputupulaia nei lona auiluma. E tele autu ma mataupu e talanoaina i nei asiasiga. E fai ma faata'ita'iga, e ao e le faioaga o se vasega a tamaiti ona asiasi pea lava pea i matua o tamaiti e talatalanoa i mataupu faatatau i le a'oa'oina. E faapena foi le faatauaina o asiasiga i aiga o talavou tau amata ma talavou a animeta ma taiala e talatalanoa i mataupu faatatau i luitau ma avanoa o loo feagai ma lenei augatupulaga ao i ai i nei tausaga taua o lo latou soifua. O talanoaga ma sui o aiga i mataupu e faalolotoina ai lo latou malamalamaaga i le Fuataiga e ao foi ona faatauaina. O nei mea uma, o le a fausiaina ai le aganuu fegalegaleai ma le afaatasi i totonu o se faalapopotoga e le mafai ona tuuitiitia lona taua.

VAEGA 2

Mo le faamoemoe o lenei iunite, o le a tatou tagai ai i se nofoaga tuaoi faalemafaufau o loo atagia ai tulaga auiluma o gaiouga e pei ona taua i luga, ma o le a tatou faaaogaina e auiliiliina ai ituaiga o talanoaga e mafai ona faatinoina i taumafaiga faifaipea e asiasia aiga o lenei nofoaga.

O Alejandra o se tamaitai talavou e tausaga lona tolu i le iunivesite. E la te nonofo ma lona tuagane o loo aoga foi faatasi ma o la matua i totonu o lenei nofoaga tuaoi o loo tatou mafaufauina, i le fale sa faananau ma ola ai. O latou uma e toafa faatasi ai ma se ulugalii talavou faatoa o ane i lea nofoaga e aumau ai e fai ma a latou masani e vaiaso taitasi le omai faatasi e fai tatalo faatasi ma talatalanoa i le tulaga auiluma o gaiouga o loo faatinoina i lenei nofoaga o loo aumau ai ni tagata e 8,000 le faitau aofai. E iai nisi uo toatolu e masani foi ona auai i lenei mafutaga i vaiaso taitasi ma amata ona mafaufau i le galosoga lelei e le gata i a latou lava 'au'aunaga taitoatasi ae faapea foi le aotelega o le gaiouga mo le atinaeina auiluma o le faalapopotoga: o se tasi o se faiaoga o se vasega a tamaiti na amata i le tusa ma le ono masina talu ai, ma le isi toalua o ni talavou e tai sefulu fitu tausaga o loo fesoasoani i le taialaina o taumafaiga a se kulupu o talavou tauamata faatasi ai ma le lagolago a le tuagane matua a Alejandra, lea sa avea ma animeta o la la kulupu ao laiti ma asia o la matua i le tele o taimi.

O le uluai ituaiga o talanoaga o le a tatou su'esu'eina e faatatau lea i le va o Alejandra ma le ulugalii o Mr ma Mrs Sanchez, o se tasi o aiga lauiloa ma le faaaloologia i totonu o lea nofoaga. O lea ulugalii ua tai onosefulu le matutua, ma ua matuatua si a la fanau ma malaga ese, ae nonofo na o laua i se tasi o magaala e le mamao ese ma le fale o Alejandra. O lea tama ma lea tina e iloa faitautusi ma tusitusi ae lei maualuga tele so la tulaga a'oa'oina i aoga e pei ona masani ai le lautele. O le faaaloologiaina ma le amanaiaina o lenei ulugalii e le lautele ona o le faautautaga loloto ua sa ausia atoa ma lo la soifua alofa ma galuega mama sa o la faatinoina. Ua fai sina leva o faalogo ma malamalama i a'oa'oga Baha'i ae o lea faatoa i ai so laua naunautaiga e su'esu'e atili e aunoa ma se faatuai. O le vaiaso talu ai, sa o la faailoa ai i matua o Alejandra lo laua faanaunauga e auai i le faalapotopotoga. Ua fuafuaina nei se faatasiga e faafeiloai aloaia ai o laua ma ua malilie uma o le a asia e Alejandra i laua i vaiaso taitasi e fesoasoani e faalolotoina lo laua malamalama i le Faatuatuga. Ao tatou su'esu'e la i le faagasologa o nei asiasiga o le a mafai ai ona e iloiloaina nisi o autu ma tomanatu lava i le taimi e tasi i fasoloaga auiluma o le talanoaga i nei asiasiga.

VAEGA 3

Ua fuafuaina nei e Alejandra e faaautu lana uluai talanoaga ma lenei tama ma le tina, o Mr ma Mrs Sanchez i se faamalalamamaga pupuu o le mataupu, o le Fegaiga faavavau a le Atua.

O le Mataisau o mea uma na faia o le Atua, Le Tasi, le Le Faatusalia, le Puna o le Ola. Ua a'oa'oina mai e Bahá'u'lláh ia te i tatou o le uiga moni o le Atua e le mafai e le tagata ona magafagafaina, aua e le mafai e se mea mavae ona gafagafaina se mea e leai son mutaaga. O faatusa ua faia e tagata e tau faamatala ai le Atua ua na oni fua o a latou lava mafauauga. O le Atua e le o se tagata, ma e le o Ia foi o se malosiaga o loo salalau solo i le atulaulau. O upu uma foi e tatau ona tatou faaogaina e ta'uta'u ai le Puna o lo tatou olataga, e pei o le Tama i le Lagi, o le Mana Faalelagi, o le Agaga Silisili, e tofu lava ma le Fa'aaliga o se tasi o Ona ta'u ma uiga o loo mafai ona gagana i ai le laulaufaiva o le tagata, ae leai se atoatoa o i ai i nei faaupuga uma e mafai ona faamatalaina ai o Ia.

Ua tatou faitauina mai totonu o le Upu Lilo e faapea:

“Le Atalii e o le Tagata! Ou te alofa i lou foafoaina e pei ona ‘Ou faia oe. O lea, ia e alofa mai ia te A’u, ina ia ‘Ou faaigoaina oe ma faatumuina lou loto i le agaga o le olataga.”¹

I totonu o lenei fuaitau, ua faamatala ai e Bahá'u'lláh o le alofa o le Atua mo i tatou, o le mafuaaga tonu lea o lo tatou ola. E tatau ai lava ona o tatou lagona lenei alofa lea o lo'o puipuia ai i tatou, o lo'o faatumuina ai i tatou ma faatumuina ai i tatou i le agaga o le ola. I taimi o faigata po'o le to'afilemu, o faanoanoaga po'o le olioli, e tatau ona tatou manatua ai, o lo'o liligi mai pea e le muta Lona Alofa i o tatou luga.

Ma i A'oa'oga Bahá'í, ua o tatou iloa ai ina ua maea ona foafoaina e le Atua i tatou, sa Ia faavaeina ai se Feagaiga ma i tatou, o le a tumau pea i tupulaga fai mai i le lumanai. O le uiga o le upu “Feagaiga” o se maliega po'o se tautoga ua faia i le va o ni tagata se to'alua po'o le sili atu foi. E tusa ai ma le “Feagaiga Faavavau” a le Atua,

e le'i mafai lava ona tu'ulafoaiina i tatou e le Mataisau le Foa'ialofa-Uma, ma, mai lea taimi i lea taimi, sa Ia faailoa mai ai Lona Finagalo ma Lona Faamoemoega ia i tatou e ala mai se tasi o Ana FaiFa'aaliga.

O le uiga o le veape lea o le "faaali", o le faailoa atu, o le faailoa atu lea o se mea e le'i iloa muamua. O FaiFa'aaliga la a le Atua, o Tagata faapitoa ia latou te faaali mai ia i tatou le Upu a le Atua. O i latou o Faiaoga A'oa'o latou te a'oa'o mai ia i tatou pe faapefea ona o tatou ola ia tusa ma le Finagalo o le Atua, ma pe faapefea ona o tatou maua le fiafia moni. O nei FaiFa'aaliga ua aofia ai Kirisina, Mose, Soroasa, Puta, Keriso, Moameta, atoa ai ma le Báb ma Bahá'u'lláh, o FaiFa'aaliga Masaga a le Atua i lenei augatupulaga o le talasolopito o tagata soifua.

O le mea lea, i le Fegaiga faavavau a le Atua, o loo Ia faataunuina lava Lana vaega. O se tasi o fesili taua tele e tatau ona tatou fesili ai ia i tatou lava, "E faapefea ona faataunuina la'u vaega o le Fegaiga?" O le tali tatou te maua mai i tusitusiga uma a tapuaiga taitasi: o le taliaina o le FaiFa'aaliga a le Atua ma le usitaia o Ana a'oa'oga. O lenei tali e atagia mai ai le faamoemoega o lo tatou olaga, o le iloa lea o le Atua ma tapuai atu ia te Ia. I le Tatalo Faapoloaiga Pupu'u, o loo tatou folafolaina ai:

"Le Atua e, ou te molimau atu na faia e Lau Afio au, ina ia ou iloa oe ma tapuai atu ia te Oe. Ou te tautino atu i lenei itula, lou augavale ma Lou malosi, o lou mativa i le ma Lou tamaoiga.

"E leai lava se tasi Atua na o Oe, o le Fesoasoani i Puapuaga, o le Puna-o-le-Ola."²

Talu ai ua na o Ana FaiFa'aaliga e mafai ai ona o tatou iloa le Atua, o lona uiga e faatoa mafai ona faataunuina le faamoemoega moni o lo tatou ola pe a o tatou taliaina Ana FaiFa'aaliga ma mulumulitai i o Latou a'oa'oga. O lenei aso, ua taumasuasua o tatou loto i le agaga faafetai i le faaeaga o le ola i lenei taimi, ao faataunuina ai folafolaga o Tusi Paia uma o le faavaeina o le filemu ma le amiotonu i luga o le fogaelele. Ua fetalai Bahá'u'lláh:

"O le Aso lenei na faamaligiina mai ai i luga o tagata le finagalo alofa sili, atoatoa o le Atua, le Aso na faatotoina mai ai lona alofa tunoa aupito malosi i mea uma na faia. Ua tuuina atu nei i luga o tagata uma o le lalolagi ina ia teuteuina o latou feeseeseaiga, ae nonofo i lalo o le ata o le Laau o Lana tausiga ma Lona alofa-galelei i le afaatasi atoatoa ma le filemu."³

Ae lei faauuina le tatou tala, e tatau ona toe faitauina le faamaninoga o i luga ma tomanatu i lea parakalafa ma lea parakalafa ma isi sui auai o la outou kulupu. E mafai ona fesili le isi i le tasi ma tali faatasi se ia oo lava ina mafai e outou uma taitoatasi ona ausia se tulaga ua mafai ai ona outou faamatalaina nei manatu i se auala faigofie. O le a'oa'oina o upusii e matua taua tele lava, aua o le faasoaina o fuaitau mai Tusitusiga i taimi o talanoaga faapenei e matua le magafagafaina lona taua. O faatinoga o loo i lalo o le a fesoasoani ia te oe e mafaufau i manatu o loo taua i lenei vaega ma le uiga o le fuaitau poo le upusii sa su'esu'eina:

1. E faapefea ona e faamatalaina i se tagata le uiga moni lemagafagafaina o le Atua? E fesoasoani le parakalafa muamua o i luga ia te oe i lea mataupu.

2. O le a le mafuaaga na faia ai i tatou e le Atua? _____

3. O le a le uiga o le upu “feagaiga”? _____

4. O le a le mea ua folafolaina e le Atua i Lana Feagaiga faavavau ma tagata soifua?

5. O le a le faamoemoega o lo tatou ola? _____

6. Afai e le mafai lava ona tatou malamalama i le uiga moni o le Atua, o le a la le uiga o le faamoemoega moni o lo tatou ola o le iloa o le Atua? _____

7. O le a le uiga o le upu “faaaliga”? _____

8. Ta’u mai nisi o FaiFa’aaliga a le Atua: _____

9. O a mea e tatau ona tatou faia ina ia faataunuaina la tatou vaega i le Feagaiga?

10. Faamaea mai fuaiupu o loo i lalo:
 - a. I lenei Aso ua faamalagiina mai ai i luga o tagata le _____
_____ o le Atua.
 - b. I lenei Aso ua faatotoina mai ai le, _____ o le
Atua i mea uma na faia.
 - c. I lenei Aso e tatau i tataou ona _____ o tatou feeseeseaiga
uma ma, i le afaatasi atoatoa ma le filemu _____
_____.

11. O le a mea ua fetalai Bahá'u'lláh i tagata uma o le lalolagi e tatau ona latou faia?
-

VAEGA 4

E le nao le mataupu poo le autu sa fuafuaina e Alejandra e faasoai ai ma Mr ma Mrs Sanchez sa mamafa i lona mafaufau. O lona faamoemoega o le fausia lea o se sootaga faaleuo malosi ma lenei ulugalii. Na ia nofouta i nisi o a'oa'oga sa ia mauina i aafiaga o le faailogatagata ma le vaai mauualalo i isi e masani ona tutupu ai feeseeseaiga. Ma o le a taumafai lava e aloese mai nei uiga; e lei mafai e ana a'oa'oga mauualuluga ona faaititia lona lotomauualalo. E leai lava se isi mea i lona loto ae na o le alofa lefaatuaoia ma le vaai mauualuga i lenei ulugalii. Ao mafaufau pe faapefea ona ia faamatalaina le autu muamua, sa ia manatunatu i lona lava loto o le amataga lenei o se talanoaga o le a faaauauina pea i le tele o vaiaso. Ua ia iloa lelei foi, e ui i le taua tele o le faasoai atu o le faasologa o manatu e faatautu i autu ua ia filifilia i se tulaga manino ma le malamalama, ae ao foi ona vavae foe i nisi o taimi ma faalogo totoa i se finagalo e fia faasoai mai ai si nei ulugalii. "Oute taumafai lava ia maua lo'u lototoa," o le musumusuga lea Alejandra i lona lava loto, "aua a 'ou popole ma le toa lo'u loto e faapena foi ona o'u tautala ai lava ma tautala ai lava ma le maua ai se avanoa e manua'e ai se talanoga" o mafaufauga nei o Alejandra mo se taimi umi ao faasauni atu lava i lana asiasiga. Ana faapea lava o oe o Alejandra, o fea o nei manatu o loo i lalo e talafeagai e mafaufau ai?

- _____ O la'u matafaioi le faatonuina o le au Sanchezes i ala o le Faatuatuaga ma ia mautinoa o loo la malamalama lelei i mea o loo 'ou a'oa'oina ai i laua.
- _____ O se faamanuiaga le mafai lea ona mafuta ma nei tagata tausafia ma fefaasoai ma i latou i nisi o fuaitau mai Tusitusiga.
- _____ Oute iloa le taua tele o lenei asiasiga. Ae le aveia lea ma mea e faaumiumi ai aua e tele isi a'u mea e fia fai.
- _____ E faigata tele le upusii mo laua. E manaia lava lo'u faamatalaina o ni nai manatu faigofie. O le mea taua lava o le faaali iai o le alofa.
- _____ Ona o le tulaga matua o lo la soifua, ailoga e tele se mea e mafai e lenei ulugalii ona a'oa'oina.
- _____ Ua tuai lava ona oo mai la'u asiasiga sei o'u faalologo i o la finagalo faaalii pe a matou talatalanoa i nei autu ma tomanatu faatasi i upusii.
- _____ O la e la te iloa faitau tusi. E manaia nao lo'u faasoai lava o le mataupu ona tuu a lea o laua e su'esu'e ma faasoai i upusii.
- _____ Ao faasoai manatu taitasi, e tatau ona vavae foe ma tuuavanoa i le tele o taimi ina ia mafai ona matou su'esu'e faatasi ma fefaasoai i upusii.
- _____ Talosia e leai se isi e faalavelave ao faia la'u folasaga ona ou te manao e faasoai atoa le matupu i le taimi e tasi ae tuu iai le avanoa e fai mai ai ni fesili pe a uma.

E mafai ona e mafaufau i nisi o manatu e tatau ma manatu e le tatau ona ulufia ai lou loto ao e sauni atu i sau asiasiga?

VAEGA 5

Na sologa lelei le uluai asiasiga a Alejandra i le maota o le au Sanchez. Na maitauina e le ulualii foliga popole o Alejandra ma la taumafai ai e faatotoa ma faamafanafa ia te ia i le agalelei ma le alofa. Sa o la faalogo ma le toto ma auai atoatoa i fefaasoai aemaise lava i fetufaiga faatatau i le upusii. Na o le pau lava le taimi sa faafaigata ai o le taimi mulimuli ina ua faateia Alejandra i le fesili a Mrs Sanchez e faapea: “E faamata e tatau ona ou faagaloina Keriso pe afai oute auai i le faalapotopotoga Bahá’i?” E iloa lelei e Alejandra le tali o le fesili lea ae sa faaumiumi lava se taimi o tau mafaufau pe faapefea ona faamatala. Na ata Mr Sanchez ma fesoasoani i lana fesili: “Ua avea lo’u su’esu’eina o a’oa’oga a le Faatuatuga Bahá’i ma mea ua faatuputeleina ai lo’u alofa ia Keriso.” “Ma o le toatele na o tagata i lalolagi,” o le faaopoopo atu lea a Alejandra. “Ua faatuputupulaia lo latou alolofa ia Mose, Keriso, Kerisina, Buddha, Sorasa ma Moameta ona o a’oa’oga ua a’oa’oina mai e Baha’u’lláh e faatatau i le tafatasi o le Atua, le tafatasi o tapuaiga ma le tafatasi o tagata soifua.”

E aoga pe a vavae ii foe o le tou su’esu’ega ae talatalanoa i la outou kulupu po o a nisi o uiga lelei ma uiga tauagafau sa mafai ona faafaileleina i asiasiga a Alejandra ua mafua ai ona tamaoai. O uiga aupito i maualuga e ao ona outou manatunatu ma talatalanoa ai o le loto maualalo. O le faavae o le loto maualalo uma o le faamaualalo atu lea i le Atua. E mai lenei, o le puna a’e ai le loto maualalo mai Ana mea uma na faia. E leai se isi taimi e sili ona taua e faaataia atu ai le loto maualalo nai loo le taimi e te ta’u atu ai i isi le Atua ma Ana FaiFa’aaliga. E tatau ona outou manatunatu i nei upu a Baha’u’lláh o loo i lalo ma taumafai i lo outou malosi atoatoa e taulotoina:

“O i latou o pele a le Atua, i soo se nofoaga latou te faapotopoto ai ma soo se tasi latou te feiloai, e ao lava ona latou faaalai i o latou manatunatuga aga’i i le Atua, ma le uiga latou te faamanatuina ai Lona viiga ma le mamalu, se agamalu ma se agaga gaua’i atoatoa e mafai ai e iota uma o le efuefu i o latou vae, ona molimauina le loloto o a latou tapuaiga. O le felafolafoaiga o loo faia e nei tagata faapaiaina e ao lava ona ulufia i se malosiaga, e mafai ai e nei lava iota o le efuefu, ona maofa i lona aafiaga. E tatau ona pulea a latou amioga i se uiga o le a le mafai ai ona faatagaina le lalolagi o loo o latou savavali ai, ona faapea ane i ai latou i upu nei : “Ia faasiliina a’u nei ia te outou. Aua e te molimauina, lo’u onosai i le tauaveina o le avega na tuuina mai e le galue fanua i o’u luga. O a’u lava le mea faigaluega sa foaiina atu pea i tagata ola uma faamanuiaga e pei ona tuuina mai ia te a’u e Le o le Pogai o le alofa tunoa uma. Ae ui i lenei le mamalu na faaeina mai i o’u luga, ma faamaoniga le faitaulia o lo’u tamaoai—le tamaoai o lo o faamalieina ai manaoga o le foafoaga uma lava—ae faauta i le fua o lo’u agamaualalo, molimau i le matua gaua’i atoatoa na Ou tuuina atu ai a’u lava ina ia solia i lalo o vae o tagata. . . .”⁴

E pei ona taua i luga, o le loto maualalo i luma o isi o ou uso a tagata e pogai mai lea i le faamaualalo i luma o le Atua. O lenei lava loto maualalo e afua ai ona tatou faaalai le agaga tatalo pe a tatou asiasi atu i le fale o se uo poo lou tuaoi e faasoa ma faaloloto faatasi lo tatou malamalamaaga i nisi o mataupu. Ao faatino lenei talanoaga, e liliu atu o tatou mafaufauga i le Atua i taimi i taimi uma lava, ma faatoga atu ia te Ia ina ia faapupulaina o tatou mafaufau ma loto faapea ma mafaufau ma loto o i latou uma o lo tatou faatasi. E tele fuaitau ma fuaiupu mai tatalo e mafai ona tatou aotaulotoina mo lenei lava faameomoe. Ua na o ni nai fuaitau ua tuuina atu i lalo:

“Faapupulaina o matou loto, tuuina mai ia i matou ni mata e mafai ona vaai atoa ma ni taliga fia faalogo.”⁵

“Le Alii e! Aumaia ia i matou Au faamanuiaga e le mavae ma faasasaoina le malamalama o Lau ta’ita’iga pupula.”⁶

“Tatalaina faitotoa o le malamalama moni ma faia le pupula o le Fuataiga ia susulu malosi”⁷

“Le Alii e! Faapupulaina o matou mata ina ia mafai ona matou iloa atu Lou malamalama.”⁸

“Oute liliu atu ma le atoatoa i Lau Afio, ma aioi faatauana i Lau Afio ma lo’u loto atoa, ma lo’u mafaufau ma lo’u laulaufaiva, ina ia malutia a’u mai i mea uma e le ogatusa ma Lou finagalo i lenei taaviliga o Lau afaatasiga faaleagaga . . .”⁹

VAEGA 6

Sa matua faatumulia le loto o Alejandra i le fafia ina ua maea lana uluai asiasiga i le maota o le au Sanchezes ma le latou fefaasoai i le mataupu o le Feagaiga faavavau. “O le asiasiga o le a sosoo ai,” o ona mafaufauga nei, “o se avanoa lelei lea mo i laua e faalolotoina ai lo la malamalamaaga i le soifuaga o Bahá’u’lláh.” O le a ia faaogaina le folasaga o loo i lalo:

Sa soifua mai Bahá’u’lláh i le aso 12 Novema 1817 i Terana, i totonu o le taulaga tele o Peresia. Ma i Lona laititi, sa Ia faaalua ni uiga e tulaga ese, ma o Lana amio na mautinoa ai e Ona matua ua ia te Ia se lumanai aupito silisili ona iloga. O le tua’ā o Bahá’u’lláh o se tasi o minisita taualoa i totonu o le taupulega a le tupu, sa matua alofa naunautai o ia i lona Atalii. I se tasi po, sa ia miti ai o lo’o aau Bahá’u’lláh i se vasa tele e leai se mutaaga, ma o Lona tino o lo’o susulu atu ai le malamalama ma faapupulaina ai le vasa laolao. O le faataamilo o Lona ao o lo’o felefele solo mai ai Ona lauulu uumi uliuli, ma tafefea solo i itu uma. Sa potopoto mai ‘au i’a e tele e le mafaitaulia ma siosio ia te Ia, e taitasi ma pipii i se tasi o ona lauulu. E ui i le tele o nei i’a, ae leai sina lauulu e pa’u ese mai le ao o Bahá’u’lláh. Ae i Lona sa’oloto ma le le faalavelavea, sa Ia fealua solo ai i luga o le vai ma faapena ona mulimuli atu ai ia te Ia i latou uma. Sa fesiligia e le tua’a o Bahá’u’lláh se tagata ua lauiloa i lona tomai e faamatala ai miti ia na faailoa mai le uiga o lea miti. Ma sa faailoa atu e lea tagata ia te ia, o le vasa laolao, o le lalolagi lea o tagata ola. I Lona tuto’atasi ma le galue to’atasi, o le a manumalo ai ma pulea e Bahá’u’lláh lenei lalolagi. O ‘au i’a e tele o le faatusa lea o vevesi matautia o le a Ia lagaina a’e i tagata o le lalolagi. Ae o le a ia te Ia le puipuiga le toilalo a le Malosiuma, ma e leai se mea o le a afaina ai o Ia.

E atoa ane le sefulu tolu poo le sefulul fa o tausaga o Bahá’u’lláh, ua logologoa o Ia i totonu o le taupulega a le tupu i Lona atamai ma Lona a’oa’oina. Na maluu Lona tua’ā ina ua lua sefulu lua ona tausaga, ma faapea ai ona ofoina atu e le Malo le tulaga maualuga sa iai lona tua’ā i le Malo ia te Ia. Peitai, e leai se faamoemoe na ia Bahá’u’lláh e faaalu ai Lona ola i le vaaia o mataupu faalelalolagi nei. Sa Ia tuua le taupulega a le tupu ma ona minisita ina ia mulimuli atu i le ala ua faataoto mai e Malosiuma mo Ia. Sa faapea ai ona faaalu Lona ola e fesoasoani atu ai i tagata ua

sauaina, e mama'i, ma le matitiva, ma e le umi ae lauiloa o Ia o se toa manumalo o le fuataiga o le faamasinogatonu.

Ina ua lua sefulu fitu Ona tausaga, sa maua ai e Bahá'u'lláh, e auala i se avefeau faapitoa, nisi o Tusitusiga a le Báb o Le sa folafolaina le latalata mai o le Aso o le Atua, le Aso o le a aumaia ai e se FaiFa'aaliga a le Atua i le lalolagi le filemu, aufaatasiga ma le faamasinogatonu ua leva ona faatalitali i ai tagata soifua. Sa matua taliaina e Bahá'u'lláh le Savali a le Báb ma avea ai o Ia ma se tasi o Ona so'o aupito sili ona faamaoni. Ae paga lea, o ta'ita'i sa pulea tagata o Peresia i na ona po na matua sagai atu i le pouliuli o latou loto i o latou lava tu'inanauga faapito, e sauaina tagata e talitonu i le Báb i ni aga aupito sili ona matuia ma le mataga. E ui lava foi ina lauiloa Bahá'u'lláh i Lana amio malualii, ae e le'i faasaoina mai ai o Ia. I se taimi faatauvaa e itiiti ifo i le valu tausaga talu ona faia le Folafolaga a le Báb, ma le lua o tausaga talu ona fasiotia faamaturu o Ia, sa lafoina ai loa Bahá'u'lláh i totonu o se lua pogisa ua faaigoaina o le Lua Pogisa. O le mamafatu o filifili sa saisaitia ai Lona ua sa matua le mafai ai ona ea a'e i luga Lona ao. Sa iai Bahá'u'lláh i lona nofoaga i ni masina e fa o ni puapuaga matuitui ma le faigata. Peitai, o totonu lava o lenei lua na faatumulia ai Lona agaga i le Agaga o le Atua ma faaalii ai ia te Ia o Ia lava o Le na Folafolaina mai augatupulaga uma. Mai lenei falepuipui pogisa, sa faapena ona oso ae ai le La o Bahá'u'lláh ma faamalalama ai le foafoaga atoa.

Ina ua mavae masina e fa i le Lua Pogisa, sa fao uma ese ai meatotino a Bahá'u'lláh ma faaunuua esea o Ia ma Lona aiga mai Peresia. I le matuitui o se taumalulu tele, sa o latou faimalaga atu ai i atumauga i sisifo o Peresia ma agai atu ai i Pakatata, se tasi o aai tele o le Malo Tele o Otomeni ma o lea ua avea nei ma taulaga o le Malo Iraka. E le mafai e upu ona faamatalaina o latou puapuaga a'o o latou savalia le faitau selau o maila o laueleele sa ufitia i le mafiafia o le kiona ma le aisa i le ala agai i lona aai e tumu i puapuaga.

E le'i umi ae salalau solo talalelei o le logologoa o Bahá'u'lláh i totonu o Pekatata ma isi faoa aai o lona laueleele, ma ua faaopoopo mai foi le toatele o tagata e o mai i le faitotoa o lenei Pagota faaunuuaaina, i lo latou fia maua o Ana faamanuiaga. Peitai, sa iai lava se vaega toaititi sa matua lotovale i Lona tautaua. I lenei vaega, sa aofia ai ma se uso fai lava o Bahá'u'lláh, o le alii o Mirza Yahya, o le sa i lalo o Lana tausiga alofa. O le manatu sa ia Mirza Yahya, o lona faasagatau atu ia Bahá'u'lláh, o le a talia ai o Ia e tagata talitonu Babi o e sa matua faaalii lo latou faaloalo ia te ia, ma faapena ona latou avea ai o ia ma o latou ta'ita'i. Peitai, sa ia matua leiloa lava, o lona faasagatau atu i le FaiFa'aaliga a le Atua, o le a ia faatoilaloina ai lava ia. Aua a o'o ina soifua mai se FaiFa'aaliga Faalelagi, e na o i latou lava e ola ma 'au'auna faamaoni ia te Ia, o le a iai se faamoemoe mo tulaga silisili moni. E o'o lava i Ona aiga e aupito latalata ia te Ia, e le mafai ona latou faagaloina, e tumaoti ese mai lava o Ia mai isi tagata ola uma, ma ua ia te Ia se tulaga e le mafai ona maua e se tasi.

O faufauga a Mirza Yahya sa avea ma mafuaaga o le fevaevaeai o tagata talitonu o le Báb, ma sa matua faanoanoa tele ai Bahá'u'lláh. I se tasi o po, sa Ia tuua ai Lona aiga e aunoa ma le ta'uina atu i se tasi, ma agai atu i atumauga o Kurtistan. O iina sa Ia nofo ai i se soifuaga matua vavaeesea mai mea uma ae ua na o le tulaia atu i talosaga ma manatunatuga loloto. Sa nofo o Ia i totonu o se ana vaapiapi ma sa tausia i ni nai meaai pito sili ona maua gofie. E leai se tasi na malamalama i Lona tupuaga, e aunoa foi ma se isi na iloina Lona igoa. Peitai ane, e le'i umi ae amata loa ona ta'uta'u e

tagata “Le e Leai se Igoa”, o se Tagata Paia sili ua iai le potu ua faamaligiina atu i Ona luga e le Atua. Ina ua oo atu tala aave o lenei Tagata Paia i le Atalii matua o Bahá'u'lláh, o ‘Abdu'l-Bahá, sa vave lava ona Ia iloa ai faailoga o Lona Tama pele. Sa tuuina atu ni tusi ma se avefeau faapitoa ia Bahá'u'lláh ina ia toe foi mai i Pekatati. O nei tusi na Ia taliaina, ma faamutaina ai loa le vaitaimi o le teteaga tiga ua alu ai le lua tausaga.

A’o alu ese Bahá'u'lláh, sa vave ona matua pa’ū maualalo tulaga na o’o iai le faalapotopotoga Babi. O lea na toe sagai atu ai Bahá'u'lláh e liligi atu i agaga o lo o sauaina ma le fememea’i o tagata Bábi se agaga ola fou. E ui lava foi ina le’i folafolaina atu e Ia Lona Tulaga sili, ae o le mana ma le potu o Ana upu na amata ai ona toe manumalo i le usitaia faamaoni e le toatele o tagata Babi na faaopoopo mai pea, ma le viia e so’o se ituaiga o tagata lava. Peitai, o ta’ita’i lotu loto ma’a ma Lona uso loto matau’a o Mirza Yahya sa le mafai lava ona ia vaai atu i le mao’e tele o le aafiaga o aofaiga tetele o tagata ia Bahá'u'lláh. Sa o latou faitio ma saga faitio pea i ta’ita’i o le Malo, seia o’o ina auau faatasi lima o le Malo Peresia ma nisi o ta’ita’i o le Malo Otomeni ia latou tulia mamao ese Bahá'u'lláh mai Lona atunuu moni, ma o le a faaunuu o Ia i le aai o Konesetatinopole.

O Aperila i le 1863 o se masina faanoanoa tele i tagata o Pakatata. Ona o Ia o Le ua latou iloa ma alolofa i ai ua tuua nei lo latou aai, ma ua agai atu i se nofoaga e le’i iloa e i latou. I ni nai aso a’o lumanai ona malaga ese atu o Ia, sa agai atu ai Bahá'u'lláh i se tasi o togalaau e i fafo atu o le aai, ua to ai Lona fale ie, ma faapena ona tali malo ai mo aso e sefulu lua i le anoano o e sa asiasi atu e faamavae ma ofo alofa atu ia te Ia. Sa o ane so’o o le Báb i lenei togalaau ma o latou loto ootia tele, o nisi o le a auai faatasi ma Bahá'u'lláh i le isi lenei o laasaga o Lona faaunuuaina, a o le toatele o le a nonofo pea ma o le a motusia la latou mafutaga vavalalata ma Ia. Peitai ane, e le i finagalo le Atua ia ave lenei sauniga o se mafutaga faanoanoa. Ae o faitotoa uma o Ana faamanuiaga le uma na tatalaina faalatele ma folafolaina atu ai e Bahá'u'lláh ia i latou uma o lo’o siomia o Ia, o Ia lava lea o Le sa valoiaina mai e le Báb – o Ia, o Le o le a faaalua mai e le Atua. Sa faapea ai ona suia nei faanoanoaga i le olioli tele e le faatuaioia; ma ua faagaetiaina ai loto i le fiafia ma faamumuina ai foi agaga i le afi o Lona alofa Mo seneturi e fia i le lumanai, o le a faamanatuina ai nei aso e sefulu lua mai le aso 21 o Aperila i le aso 2 o Me, e tagata Bahá’i i so’o se nofoaga, o le Faamanatuga Sili o le Risivani, o le faamanatuga o le Folafolaga a Bahá'u'lláh o Lana Misiona fua ao i le lalolagi atoa.

O Konesitatinopole, o le laumua lea o le Malo tele o Otomeni. O iina foi, na toe amata ai ona tosina mai se vaega tele o tagata i le potu maoae ma uiga toafilemu o Bahá'u'lláh. “E le tataua ona Ia toe nofo umi i Konesitatinopole”, o le gugulu lea o faufauga leaga a ta’ita’i o le Tapuaiga Isalama, o e na o latou tala tauanauina le faamasinoga maualuga ia tulia o Ia i le aai o Atinopole. O totonu o Atinopole, sa tusia ai e Bahá'u'lláh ni Tapeleti i tupu ma ta’ita’i o le lalolagi o lo’o valaauina ai i latou ina ia soloia uma ala o pulega saua, ae faatoina atu lo latou ola mo le manuia lautele o o latou tagata. E lei mamao, ae tuuina atu loa e Ona fili se faasalaga aupito sili ona matautia ia te Ia. O le faatafea lea o Ia ma Lona aiga i Akori, le nofoaga e sili ona ogaoga ai sauaga i pagota uma o le malo atoa i na onapo. O lea faaiuga sa faia ma le mautinoa o le a faatoilaloina ai o Ia ona o puapuaga matuia i totonu o lea aai o pagota, ae peitai o nei manatu pumo’omo’o o le tagata, ua latou faamoemoe e taofia ai le alafua ua uma ona faataoto e le Atua mo Lona Finagalo.

E le faitaulia le anoanoa'i o puapuaga faigata sa oo ia Bahá'u'lláh i totonu o Akori. Sa amata mai le faafalepuipua toatasi o Ia i totonu o se sela pogisa, ma e o'o i Ona alo sa faasa ona oo atu ia te Ia. Sa matua leai lava se mapusaga mo Ia, aua sa siosiomia o Ia e ona fili i le ao atoa ma le po. Peitai ane, e le'i umi ae amata ona suia malie nei tulaga i totonu o le falepuipui. Na iu ina iloa e tagatanuu ma le pulega i totonu o Akori le mama mai tu'ua'iga leaga o lenei vaega toaitiiti o Bahá'í ua faatafea atu i lo latou aai. Ona faapea lea ona tosina atu o latou agaga i le atamai ma le alofa o lenei Alii Malualii e ui ina o le to'atele o i latou e le malamalama i Lona Tulaga maualuga. Ina ua mavae ni nai tausaga sa tatalaina loa faitotoa o le falepuipui sa faafalepuipua ai Bahá'u'lláh ma Ona so'o. Mulimuli ane, ua faatagaina foi o Ia i Lana lava faitalia ia aumau i ni siosiomaga e sili ona lelei lea ua tatou iloa i aso nei o le Maota i Bahjí. O iina na maliu ai o Ia i le masina o Me o le 1892 a'o iai o Ia i tumutumuga o Lona mamalu ma le pupula.

Sa sisiina a'e e Bahá'u'lláh le tagavai o le filemu a'oa'o ma le fealofani, ma faaalua mai le Upu a le Atua. Ma e ui ina aufaatasi vaega au a Ona fili ma faasagatau ia te Ia, ae na Ia manumalo i o latou luga e pei ona folafola atu e le Atua ia te Ia a'o saisaitia o ia i filifili i totonu o le falepuipui o Terana. A'o soifua o Ia, sa faaolaina agaga o le faitauafe o tagata i Lana A'oa'oga ma e toatele sa fasiotia i Lona Ala. Ma o le aso, o lo'o faaauau pea ona salalau atu Ana A'oa'oga i le loaloa o le lalolagi. E leai se mea e mafai ona taofia o Ia mai le faataunuaina o Lona faamoemoe, o le aufaatasiga o tagata soifua i lalo o se Fuataiga e tasi, o le Faatuatuaga e tasi.

O le tala o loo i luga e faatatau i le soifuaga o Bahá'u'lláh e fai lava sina umi. Ae tatou te le'i agai i galuega faatino o loo i lalo, e tatau ona toe faitauina parakarafa taitasi i la outou kulupu ma fesili le tasi i le isi seia oo lava ina ia e malamalama lelei i vaega eseese o lenei tala ma mafai ona e faamatalaina i au oe lava upu. O le faafanua o loo i lalo o le a feasoasoini lea ia te oe e te manatua ai le ala sa uia e Bahá'u'lláh i le taimi o Lona faaunuuaesea ma e manatua ai mea na tutupu i nei nofoaga taitasi.



1. O le a feasoasoani ia te oe le tusia i le avanoa o i lalo ifo le faasologa o mea matautia na tutupu i le soifuaga o Bahá'u'lláh e tusa ma le faamatalaga o i luga.

2. I soo se talanoaga e faaautu i le soifuaga o Bahá'u'lláh e iai vaega taua e ao ona matua auiliiliina ae le na o le faasologa o mea na tutupu. O se vaega aupito i taua o le tomanatu lea i puapuaga sa feagai ma Ia ona o Lona alofa i tagata soifua, e faapena foi ma le anoanoai o faaiega manumalo sa ausia e Lana Faatuatuga ao feagai ai ma le tele o osofaiga. Ia teufatuina nei upu i lou mafaufau ma lou loto:

“Sa malie lava le Matagofie Anamua e noanoatia o Ia i filifili ina ia faasaolotoina mai tagata soifua i lona pologa, ma talia e aveia ma pagota i totonu o lenei Olo aupito matautia ina ia mafai e le lalolagi atoa ona taunuu atu i le saolotoga moni. Sa Ia inuina lava e oo i ona alu le ipu o faanoanoaga, ina ia mafai ai e tagata o le lalolagi ona maua o le olioli tumau, ma faatutumuina ai pea i le fiafia. O lenei lava le alofa mutimutivale o lo outou Alii, le Mutimutialofa, le Alofa Mutimutivale Silisili. Tagata talitonu e, o le Afaatasiga a le Atua, sa Matou taliaina le faatoilaloina atoa ma le mafatia i puapuaga sautualasi, ina ia faaeaina outou ma outou maua le manuia ma le saogalemu. O Ia o Le na afio mai e fausia ia fou le lalolagi atoa, ae faauta i le ala ua latou tauaveina faamalosi ai le Atua

ma faamalosia ai o Ia ina ia nofo i totonu o se aai aupito silisili ona faatafunaina!”¹⁰

3. A tatou tautatala i puapuaga o Bahá'u'lláh, e ao ina o tatou faaeteete ina nei mea ane ua tatou faamatalaina o Ia o se tagata ua leai se faamoemoe i sauaga a Ona fili. Sa Ia taliaina lava le noanoatiaina o Ia e filifili ina ia saoloto tagata soifua. E ui ina faatumulia talaaga o Lona soifua ia puapuaga matautia, ae o lo latou aano moni o nei mafatiaga o le manumalo lava lea. E ala i le feasoasoani a le taiala o la outou kulupu, e faamata e mafai ona e saunia se tautalaga poo se folasaga pupu'u e faatatau i puapuaga ma manumalo sa feagai ma Bahá'u'lláh e tusa ma lou iloa ua iai nei i Lona soifuaga. O le a feasoasoani fesili o loo tuuina atu i lalo ia te oe.

a. Aisea na malie ai le Matagofie Anamua e noanoatia i filifili? _____

b. Aisea na taliaina ai e Bahá'u'lláh le avea o ia ma pagota? _____

c. Aisea na inu ai Bahá'u'lláh mai le ipu o faanoanoaga? _____

d. Aisea na taliaina ai e Bahá'u'lláh Lona faamaualaloina? _____

e. Aisea na mafatia ai Bahá'u'lláh i le anoanoai o nei puapuaga matautia? _____

f. Pe na taliaina ea e Bahá'u'lláh tiga ona e leai se malosia ia te Ia e suia ai? _____

g. Afai sa iai le malosia ia Bahá'u'lláh e teena ai Ona fili, aisea la na Ia talia ai tiga ma puapuaga? _____

VAEGA 7

O le asiasiga lona lua a Alejandra i le maota o le aiga o Sanchez sa faatumulia i le fiafia e faapei lava foi o lana asiasiga muamua. Ma e ui ua iloa ma malamalama Mr ma Mrs Sanchez i nisi o mea na tutupu i le soifuaga o Bahá'u'lláh, ae sa fiafia ua faalolotoina lo la iloa mai le folasaga a Alejandra ma ua matua ootia lava o laua lagona i talaaga o puapuaga na feagai ma Bahá'u'lláh. “E foliga mai,” o manatunatuga ia a Mrs Sanchez i se isi taimi, “e faapuapuagatiaina lava Faifa'aaliga a le Atua i lima o i latou e naunau i le pule ma le malosia faalelalogi nei.” Sa manatu ifo Alejandra o le avanoa lelei lava lea e na te faasoaina ai le fuaitau ua ia taulotoina – e pei foi ona e taulotoina mai la outou su'esu'ega i le vaega ua

mavae atu – o loo saunoa ai Bahá'u'lláh i Ona puapuaga sa Ia tauaveina mo le manuia o tagata soifua, ina ia faasaolotoina mai i latou mai sauaga ma ausia le fiafia faavavau. Ua matua faaosofiaina lava nei uo uma e toatolu i fetufaa'iga o lena aso.

Ao mafaufau po o le a le autu o le isi ana asiasiga, sa vave maua lava lagona o Alejandra, o le tulaga o 'Abdu'l-Bahá, o se mataupu autu talafeagai lea mo se talanoaga. O vaega taua la nei ua ia mafaufau e tataua ona talanoaina:

O le Atalii matua o Baha'u'llah, o 'Abdu'l-Bahá o se tagata aupito sili ona tulagaese i totonu o le talafaasolopito o tagata soifua, ma e matua leai lava se tagata e pei o Ia i tapua'iga ua mavae. Sa Ia iloaina le tulaga faapa'iaina o Lona Tamā a'o tamaititi lava ma faapena ona tauaveina faatasi ma Lona Tamā Lona fa'aunuuaaina ma Lona faapuapuagatiaina. Ina ua mavae le ola o Bahá'u'lláh, sa Ia tuua i lalo o le ta'ita'iga a 'Abdu'l-Bahá le puipuiga ma le malutiaga o le faalapotopotoga Bahá'i. E lē mafai ona tatou amanaiaina atoatoa lenei faamanuiaga lēmafuatia ua tuuina mai e Bahá'u'lláh mo tagata soifua e ala lea i le aumaia e lē gata o Lana Fa'aaliga silisiliese ae faapena foi Lona Atalii, lea sa Ia faapea mai, e tauala mai Lona poto ma le atamai, le ta'ita'iina ma le faapupulaina o le lalolagi.

Pe a o tatou su'esu'eina le soifuaga ma tuleiga a 'Abdu'l-Bahá, tatou te maua ai se malamalamaaga faatatau i le tulaga ese o lo o Ia tauaveina i lenei Tisipenisiona. E tolu ni vaega taua o lenei tulaga e ao ona o tatou manatuaina pea.

Muamua, o 'Abdu'l-Bahá o le Ogototonu o le Feagaiga a Baha'u'llah. Sa faia e Baha'u'llah se feagaiga ma Ona tagata mulimuli ma valaauina ai i latou e tagai atu o latou loto agai i le ogatotonu ma ia . I Lana Ta'utinoga ma le Mavaega, sa faailoa mai ai e 'Abdu'l-Bahá, o Shoghi Effendi, le Faatama o le Fuata'iga, o le ogatotonu lea e liliu uma atu iai tatou pe a mavae o Ia. O nei ona po, o le ogatotonu o le Maota A'oa'o o le Faamasinogatonu, lea ua faavaeina e tusa ai ma faatonuga maioio ma le manino a Baha'u'llah aemaise o faatonuga manino sa aumaia e 'Abdu'l-Bahá ma le Faatama. O le malosiaga o le Feagaiga o le a fusia atoa ai le faalapotopotoga Baha'i ma puipuia mai ai i le fevaevaea'i ma le faataapeapeina.

Lona lua, o 'Abdu'l-Bahá o le Faaliliuupu le masese o afioga a Baha'u'llah. E matua lautele le Fa'aaliga a Baha'u'llah, ma e matua loloto lava uiga o loo afiafiina ai Ana saunoga, ua faapena ai ona Ia finagalo e tuuina i tua se faamatalaupu, ma o se Tasi Lava o loo faaosofia ai Ia lava. Aua, e faapena lava i augatupulaga o fai mai, ona mafai e tagata soifua ona malamalama i a'oa'oga a Baha'u'llah e ala i le su'esu'eina o faauigaga a 'Abdu'l-Bahá i le tele ma le anoanoa'i o Ana Tapeleti ma le o tusitusiga o Ana saunoaga. O le Faatama o le Faamatalaupu lea o a'oa'oga a Bahau'llah i le maea ai o 'Abdu'l-Bahá; ma o ia ua faaatoatoaina ai le galuega o le faamatalaupu, ma e leai se isi o iai se faatanaga e na te faamatalaina ai afioga a Baha'u'llah mo le toega o Lana Tisipenisiona.

I tausaga ua mavae, o tapuaiga uma ua faapena ona maua i le fevaevaea'i i le eseese o faauigaga o fuaitau mai i a latou Tusitusiga Pa'ia. Ae peitai i lenei Tisipenisiona, pe a tulai mai se le mautonu i se uiga o se faamatalaga a Baha'u'llah, e faapena ona liliu uma atu tagata i le faauigaga a 'Abdu'l-Bahá ma le Faatama. Pe a faapea o loo iai lava se le mautonu, e mafai e se tasi ona liliu atu i le Maota A'oa'o o le Faamasinogatonu mo se faapupulaga. Ma e matua leai lava se avanoa e maua ai se

feeseeseaiga i luga o se faauigaga o a'oa'oga, ma ole afaatasiga o le Faatuatuaga o le a puipuia lava.

O le lona tolu, o 'Abdu'l-Bahá o le Faata'ita'iga sili o a'oa'oga a Lona Tama. E ui lava ina le mafai ona o tatou faamoemoe e ausiaga sea tulaga o le faaatoatoaga, e tatau lava ona o tatou tuuina o Ia i luma o o tatou vaimata ma taumafai e mulimuli i Ana faata'ita'iga. Pe a o tatou faitau i Tusitusiga faatatau i le alofa, e mafai ona o tatou liliu atu ia 'Abdu'l-Bahá ma mafai ai ona o tatou vaia le ute o le alofa ma le agalelei. Pe a o tatou faitau faatatau i le loto mama, faamasinogatonu, amio sao, olioli ma le agaalofo, e mafai ona o tatou saga'i atu ia te Ia ma manatunatu i Lona soifuaga, ma o tatou iloa ai pe na faapefea ona Ia faaalua maia nei ta'u i se tulaga matua atoatoa.

O le faailoga o le olaga o 'Abdu'l-Bahá, e moni lava, o Lona soifua 'au'auna. O le uiga o le igoa 'Abdu'l-Bahá o le "'au'auna o le Malamalama", ma o le ta'u lea sa Ia finagalo e faaogaina nai loo isi uma ua faatatauina mo Ia. O upu o loo mulimuli mai a 'Abdu'l-Bahá o se Fa'aaliga o Lona manaoga faatatau i le 'au'auna :

“O Lo'u igoa o 'Abdu'l-Bahá. O Lo'u agavaa o 'Abdu'l-Bahá. O Lo'u tulaga moni o 'Abdu'l-Bahá. O Lo'u viiga o 'Abdu'l-Bahá. O le pologa i le Faaatoatoaga Faamanuiaina o lou lea, ma o le 'au'auna atu i tagata soifua uma o lau tapuaiga tumau.... E leai se igoa, leai se faalupega, leai se ta'u, leai se faamalo ua ia te au, ma o le a leai lava, vagana ai 'Abdu'l-Bahá. O lo'u moomooga lea. O lo'u moomooga silisili lea. O lo'u ola e faavavau. O lo'u mamalu e faavavau.”¹¹

Ua manino mai lava o le fuafuaga ua tapena iai Alejandra e faasoai ma Sanchezes i le isi ana asiasiga ua le o se isi lava ae o se folasaga amata faatatau i se agaga tulaga ese; ma o lo latou amanaiaina o le tulaga ua tauaveina e 'Abdu'l-Bahá i lenei Tisipenisiona o le a faaauau pea ona auiluma i tausaga a sau. I lou lava olaga, ao e savalia ai le ala o auauanga, o le a tele ni avanoa e te mauaina e toe manatua ai Ana faata'ita'iga ma tomanatu i Ana upu. Ua maea, i le iunite faatoa maea atu, ona faamasania oe lava I nisi o Ana saunoaga, ma sa faalaeiaiuina oe e a'oa'o e faailoa atu i le tualga e pei ona Ia faia manatu ua faataatitia mai Ana Tapeleti ma saunoaga i nofoaga lautele. Mo le taimi nei, ina ia faamautuina lou silafia ua maua faatatau i Lona tulaga, e tatau ona outou soalaupule ma isi sui o la outou kulupu faatatau i manatu autu ua ta'ua atu i luga ma faata'ita'i ona faaalua manino i latou. O le tomanatu foi i le fuaitau ua siina atu o le a faaosofia ai oe i au lava taumafaiaga e auiluma i le ala o 'au'aunaga.

VAEGA 8

O se faafesili sa iai pea i le mafaufau o Alejandra talu ona ia amata asiasia Mr ma Mrs Sanchez e faatatau lea poo a ni manatu autu o ni soalaupulega o le a fesoasoani tele ia i laua e faamautuina ma aveai i laua ma ni poutu malolosi i le polosesi mo le fausiaina o faalapotopotoga i totonu o le nofoagatuaoi. I le tasi itu, e iai autu e pei o le tatalo, o le ola faavavau o le agaga, ma le tutumau i le alofa o le Atua ua ia faamoemoe e talanoaina ma i la'ua, aua o le faavae o o la'ua olaga faaleagaga e tatau pea ona faamalosi faifaipea. Ae i le isi itu, e taua tele mo i laua le maua lea o se vaaiaga mamao o le ituaiga faalapotopotoga ua

faapena lava ona atina'eina ifo ma ia iloa e mafai ona o latou faia ni sao taua i lona faatinoga. A'o latou soalaupule ai ma Mr ma Mrs Sanchez faatatau i le tulaga o 'Abdu'l-Bahá, sa faapena lava ona manatunatu Alejandra i le autu o le isi ana asiasiga. "Ua iai so la'ua malamalamaaga tele faatatau i le faamoemoe o le Faatuatuga e afaatasia tagata," sa ia manatunatu ane ai. "O lona uiga la, o le autu ua tatau nei ona o matou su'esu'eina o le faapefea lea ona fausia ma faatumauna se faalapotopotoga afaatasi."

Sa amata e Alejandra lana asiasiga lona fa i le faamatalaina lea o gaioiga o loo faapena ona tutupu i le taimi lea e se fuainumera laititi o uo i totonu o le nofoagatuaoi. "Ao siitia ai lo tatou faitau aofai," sa ia faamalamalama mai, "o le matafaioi o le a luitauina i tatou uma e tauaveina o le taumafai pea lava pea lea e afaatasi i a tatou upu, i o tatou manatu, ma i a tatou gaioiga. Afai e te lua finagalo iai, o le aso, o le a o tatou vailiiliina faatasi ai le autu o le afaatasiga."

"O loo mafai ona ou vaai le taua tele o le afaatasiga i le atinaeina o le tatou faalapotopotoga," sa tali mai ai Mrs Sanchez.

"Aua o le mea moni lava o le savali a Baha'u'llah faatatau i le afaatasiga lea muamua lava tosina atu ai o maua loto i Ana a'oa'oga," sa toe saunoa mai ai Mrs Sanchez.

"O lea ua ou filifilia se fuainumera o manatu ma ua maua mai foi ni upusii faatatau iai latou ta'itasi," sa fai mai ai Alejandra. "Pe a faapea e te lua finagalo ai, e mafai ona o tatou talanoaina ma vailiili i latou ta'itasi."

O loo i lalo le faasologa o manatu o Alejandra:

- Mo le tatou faalapotopotoga ina ia afaatasi moni lava, e tatau ai i ai tatou taitoatasi uma ona alofia feteenaiga ma fevaevaeaiga. Ua saunoa mai Baha'u'llah:

"E leai lava se mea e mafai ai e pele a le Atua i lenei Aso ona faaee atu i luga o lenei Fuata'iga se leaga sili na i lo finauga ma taua, fefinauaiga, fevaevaeaiga ma le faapalapala. Faasaoloto mai outou, e ala i le mana o le Atua ma Lana fesoasoani sili, ma outou taumafai e fusia faatasi loto o tagata, i Lona Suafa, le
„12

- E tatau ona iai tatou uma le alofa mo tagata uma o le faalapotopotoga, o le alofa o se faata o lo tatou alofa mo le Atua. Ua saunoa mai 'Abdu'l-Bahá:

"Ia atoatoa lo outou afaatasi. Aua lava nei ita le tasi i le isi.....Alofa i mea ola uma ona o le Atua ae le mo i latou lava. O le a le mafai lava ona e ita pe le lava le onosai pe a alofa iai latou ona o le Atua. E le atoatoa tagata soifua. E tofu foi le tagata ma lona faaletonu, ma o le a faapea lava ona e le fiafia pe a e vaai i tagata lava ia. Ae afai e te vaai atu ile Atua, o le a e alofa ma e agalelei iai latou, aua o le lalolagi a le Atua o le lalolagi o atoatoaga ma le alofa mutimutivale uma."¹³

- Afai, I le alofa lea e tatou te lagona mo le tasi ile isi, tutupu mai ni faafitauli, ia tatou manatua pea lea fuaitau mai ia 'Abdu'l-Bahá:

“Ou te faiatu ia taula’i manatunatuga uma o o outou loto ile alofa ma le afaatasiga. A tupu mai ni mafaufauga o fa’afitauli, tetee atu ile malosiaga o manatunatuga fifilemu. Ia tatou faaumatia le manatu o le inoino I le malosiaga o manatunatuga alofa. O mafaufauga le aoga o le a le maua ai se fealofani, soifua manuia, filemu ma le fiafia.

“O manatunatuga alofa o le a fausiaina ai mafutaga o uso, filemu, fefaauoi, ma le fiafia.”¹⁴

- Ae afai, ae taumafai ile malosiaga e pulea ai I latou, o lea vaaia ae sopoia e a tatou tuinanauga I tatou lava ma maua ai ni faafitauli I le tatou va ma isi, e tatau ona tatou faamanatuina ia upu mai ia Baha’u’llah:

“A tutupu mai ni feeseeseaiga ia te oe, faauta mai ia te au o loo tu I ou luma, ia faagalo sese o le tasi I le isi ona o au ma e fai ma mau faailoga o lou alofa I la’u Fa’aaliga ma le a’oa’oga pupula .”¹²

- O a’oa’oga faaleagaga e aua ai ona o tatou vaai i sese o isi, o le taulai i o latou uiga tauleleia ma matua vavaeesea mai i latou mai uiga taufaaleaga o se auala e sili ona taua e taofi ai le le logotasia o tagata. E faigofie ona tatou manumalo i tuinanauga o manatu taufaaleaga pe a alofa le tasi i le isi. Ia tatou manatua e aua nei o tatou vaai i sese o o tatou uso a tagata ma mafai ai ona vaai atu ia i latou e aunoa ma so tatou manava atu i o latou agasala. Ua fetalai mai ‘Abdu’l-Bahá.

“O le mata e le atoatoa e vaai i vaivaiga. O le mata o loo ufiufi mai ma sese e vaai ile Atua ole foafoaga o agaga. O ia sa fausiaina i latou, a’oa’o ma tausii ia i latou, faamanuia i latou i le tomai ma le ola, vaai ma le faalogo ; o lea, o i latou o faailoga o lona mamalu. Ia e alofa ma agalelei atu i tagata uma, tausii i e matitiva, puipui i e vaivai, faamalolo i e mamai, a’oa’o ma faatonu le valea.”¹³

Ua faamalosiua mai Baha’u’llah ia i tatou:

“Le Soa e o lo’u nofoalii ! Aua le faalogo i le leaga, ma aua le vaai i le leaga, ia le faalumaina oe lava ia, poo le mapuea ma le tagi. Aua le tautala i le leaga, ina ia e le faalogo mai ai ua fai atu ia te oe, ma ia le faalauteleina sese o isi nai lo ou lava sese; ma ia le manatu atu ile faalumaina o isi, ina ia le folasia mai ai lou lava faalumaina. Ia ola i aso o lou olaga, e itiiti ifo nai lo sina taimi puupuu, faatasi ma lou mafaufau lelei, lou loto le eleelea , ou manatu mama, ma se natura faapaiaina, ina ia, malie ma saoloto, ia mafai ai ona tuu ese lenei tino faletino, ma toe fausia i se parataiso lilo ma tumau ai i le malo e faavavau.”¹⁴

Ma ua ia tau mai ia i tatou:

“Tagata malaga e! O le laulaufaiva sa ou fuafuaina i le tautauina o au, ia le faaleagaina ona ole aveesea. Afai e manumalo le afi o le tagata ia te oe lava ia, ia manatua ou lava sese ae le o sese o o’u tagata, o le a sili atu ona iloa e outou ia lava nai loo ia ma lona iloa o isi.”¹⁵

- O le afaatasiga e le na o se leai o se feeseeseaiga ma se fouvale, ma ia faaalua le alofa ae le na o upu. E tasi lava le auala e mafai ai ona o tatou tautino atu e maua ai le

aufaatasiga moni o le faaliliuina lea o lo tatou alofa e ala atu I ‘au’aunaga I faalapotopotoga ma ia pulea a tatou gaioiga faaatasi ai ma le agaga o le galulue faatasi ma le felagolagomai: Ua fetalai mai ‘Abd’u’l-Baha.

“Ia le malolo, e tusa lava pe mo sina taimi, ma ia le sailia se faamafanafanaga, e oo lava i sina minute ; ae ia galue i le loto ma le agaga ina ia mafai ona e tuuina atu ‘au’aunaga faatoina i uo taitoatasi uma ma tuuina atu foi le fialia ma le olioli i a latou loto malamalama. E moni lenei mea, ma ua avefa ai fofoga o ‘Abd’u’l-Baha ma faailoga pupula. Ia fai oe ma au uo ma ”¹⁶

Ma ua ia fetalai mai:

“O le manaoga aupito sili mo tagata o le galulue faatasi ma le felagolagomai. A tumau pea le malosia o le sootaga i le mafutaga ma le lotogatasia i totonu o tagata, o le a faatuputeleina le mana o le aoga ma le ausiaina i tulaga uma o gaioiga a tagata .”¹⁷

- O se ki e sili ona taua i le manuia o gaioiga i faalapotopotoga o le feutagaiga sao ma le alofa i totonu o mataupu uma. I totonu o ia feutagaiga, o auala eseese tatou te tau fai tilotilo ai i se faafitauli ua tuufaatasia, ma tatou iloa ai le ta’ita’iga e tataua ona tatou mulimulita’i ai i a tatou faatinoga tuufaatasi. E ausia ai foi le afaatasi o manatu, ma o lea faatinoga, o lea fausiaina mai ai ni peleni ola mo le auiluma o faalapotopotoga. Ua fetalai mai Abd’u’l-Baha i e feutagai :

“O uluai tulaga e manaomia mo i latou o e fefautuaai faatasi o le mama atoatoa lea o faamoemoega, o le agaga faasusuina, e vavaeesea mai mea uma lava vagana ai le Atua, tosina atu i Ona Sausau Manogi Faalelagi, lotomauualalo ma le faamaualalo i luma o Ona tagata peleina, onosai ma lavatia puapuaga ma ‘au’aunaga i Lona Laoai faaneeneina. Pe afai e lagolagoina alofa i latou e mauaina nei uiga ma amioga, o manumalo mai le Malo leavaia o Baha o le a faamaonia lava i o latou luga.”²¹

- O le autasi o manatu o le a le mafai lava ona ausiaina peafai e le faaliliuina i ni gaioiga faifaatasi. O le galue foi i le afaatasi e le faapea foi o lo tatou faia o le gaioiga e tasi E ese mai ai, o le galulue faatasi i taleni eseese o sui o le faalapotopotoga e faaogaina iai ma le atoatoa. O o tatou malosia e faateleina pea, ae tusa foi pe itiiti le tatou faitauaofai, e mafai lava ona o tatou ausia ni vaega e le mafai ona ausia e ni fuainumera tetele ma faalapotopotoga malolosi i le lalolagi. Sa saunoa mai ‘Abdu’l-Bahá:

“Soo se taimi lava e tutulai ai agaga paia ma faalagolago atu i mana o le lagi ma tutulai ma nei uiga o le agaga, ma savavali faatasi, faatulaga i tulaga ,o nei agaga uma taitoatasi e faatusaina i le toaife, ma o galu fafati o lena vasa matautia o le a faatusaina e pei o au e tietie solofanua i le Aupaia i luga.”²²

Ina ua maea ona e faitauina ma le faateete ma talanoaina manatu autu mai lea manatu i lea manatu ma sui o lau li’o su’esu’ega, o le a e manao e fesoasoani le tasi i le isi e faata’ita’i ona faaaliga manatu autu e pei ona e faia i vaeaga e tolu ua maea atu. O le a fesoasoani nisi o vaega o le galuega o loo mulimuli mai i au taumafaiga.

1. Faatumu fuaiupu o loo mulimuli mai:
 - a. E leai lava se mea e mafai ai e pele a le Atua i lenei Aso ona faaee atu i luga o lenei Fuata'iga se leaga sili na i lo _____ ma taua, feinauaiga, fevaevaeiga ma le faapalapala.
 - b. E leai lava se mea e mafai ai e pele a le Atua i lenei Aso ona faaee atu i luga o lenei Fuata'iga se leaga sili na i lo fetauaiga ma _____, feinauaiga, fevaevaeiga ma le faapalapala.
 - c. _____ mafai ai e pele a le Atua i lenei Aso ona faaee atu i luga o lenei Fuata'iga se leaga sili na i lo fetauaiga ma taua, feinauaiga, fevaevaeiga ma le faapalapala.
 - d. E leai lava se mea e mafai ai e pele a le Atua i lenei Aso ona faaee atu i luga o lenei Fuata'iga se leaga sili na i lo fetauaiga ma taua, feinauaiga, fevaevaeiga ma le _____.
 - e. E leai lava se mea e mafai ai e pele a le Atua i lenei Aso ona faaee atu i luga o lenei Fuata'iga se leaga sili na i lo fetauaiga ma taua, _____, fevaevaeiga ma le faapalapala.
 - f. E leai lava se mea e mafai ai e pele a le Atua i lenei Aso ona faaee atu i luga o lenei Fuata'iga se leaga sili na i lo fetauaiga ma taua, feinauaiga, _____ ma le faapalapala.
 - g. E leai lava se mea e mafai ai e pele a le Atua i lenei Aso ona faaee atu i luga o lenei _____ se leaga sili na i lo fetauaiga ma taua, feinauaiga, fevaevaeiga ma le faapalapala.

2. I le upusii lona lua, sa tau mai ai e 'Abdu'l-Bahá ia i tatou:
 - a. E tatau ona tatou nonofo i le _____ atoatoa.
 - b. E le tatau lava ona avea i tatou _____ ipu _____.
 - c. E tatau ona o tatou alolofa I tagata uma lava mo le _____ ae le mo na o I latou lava.
 - d. O le a le avea lava i tatou _____ po o le _____ pe afai tatou alolofa I tagata mo le _____.
 - e. E le _____ tagata soifua.

- f. O lea avea pea I tatou _____ pe a taou vaai agai _____
_____.
- g. A tatou vaai atu _____ o le a tatou _____ tagata
ma avea ai _____ ia I latou.
3. I le upusii lona tolu, o loo ta'u mai ai e Abd'u'l-Baha ia I tatou.
- a. Ia taula'I manatunatuga uma o o outou loto I le _____ ma le _____.
- b. A tupu mai ni mafaufauga o faafitauli, ia tatou tetee atu i le _____
_____.
- c. Ia tatou faaumatia le manatu o le inoino i le _____
_____.
- d. O mafaufauga le aoga o le maua ai se _____, _____,
_____ ma le _____.
- e. O manatunatuga alofa o le a fausiaina ai _____,
_____ ma le _____.
4. O le a se mea e tatau ona e faia pe a e vaaia ni feeseeseaiga e tulai mai i le va o oe ma
isi i totonu o se faalapopotoga ? _____

5. Faamatala le aoaiga faaleagaga e fesoasoani ia te oe e maua ai le lotogatasia i totonu
o lou faalapopotoga. _____

6. O fea mea nei e maua ai le afaaastasia:
- _____ Vaai I faaletonu o isi
- _____ Le amanaiaina o sese a isi
- _____ Faamatala atu I se uo ni faaletonu o se isi tagata
- _____ Faateleina po o le suia o se tala e faaleaga ai le isi tagata
- _____ Mafauafau I sese o isi

7. Aisea tatou te faitioina ai nisi tagata pe a latou faia ni mea sese, ae le o isi pe a latou faia le mea lava lea e tasi? _____

8. Faamata e mafai ona maua se aufaatasiga i totonu o se faalapotopotoga pe afai o loo iai ni tagata e taufaaleaga i le isi: _____

9. O le ta'u atu o se pepelo e uiga i se tasi e mautinoa lava le sese. Ae e mafai ona faia ni faamatalaga taua e uiga i se tasi i isi mo mea sa latou faia? _____

10. O le a le eseese i le va o le faitala, taufaaleaga ma le faitio i isi? _____

11. O a ni aafiaga o le faitala, ma le faitioga faifaipea o le maua i totonu o se faalapotopotoga? _____

12. E faapefea ona aveesea nei mausa mai o tatou olaga? _____

13. O le a se mea e tupu pe afai e tatou talanoa e uiga i tagata ae o loo latou iai? _____

14. A tatou taufaaleaga i luma o tamaiti, o le a se aafiaga o le maua ai i latou? _____

 _____.
15. O fea e maua mai ai le matele ile faitatala ma le faia o le taufaaleaga? _____

 _____.
16. Ua apoapoi mai Baha'u'llah ia i tatou; " Afai e manumalo le afi o le tagata ia te oe lava ia, ia _____ ae le o _____, o le a sili atu ona iloa le outou _____ nai loo ia _____.
17. O le alofa e le na o upu e faamatalaina ai. O le a le isi mea e manaomia? _____
 _____.
18. E faatatau i le afaatasiga ma le alofa, ua valaauina i tatou e Abd'u'l-Baha. " _____, e tusa lava pe mo sina taimi, ma _____ e oo lava i sina minute; ae ia _____ ina ia mafai ona e tuina atu _____ i uo taitoatasi uma ma _____ i a latou loto malamalama. Ma sa ia faalatele mai: "O le manaomia aupito sili mo tagat o le _____ ma le _____. A tumau le malosi o le sootaga i le _____ ma le _____ i totonu o tagata, o le a faatuputeleina le mana o le aoga ma le ausiaina i tulaga uma o gaioiga a tagata."
19. O le a le ki e sili ona taua mo le manuia ai o gaioiga i faalapotopotoga? _____
 _____.
20. Ua fetalai mai Abd'u'l-Baha i latou e feutagai. "O uluai tulaga e manaomia mo i latou o e fefefautuaai faatasi o le _____', _____', _____', _____'.

_____, _____,
_____ i luma o Ona tagata peleina,
_____ puapuaga ma
‘au’aunaga i lana _____. Pe afai e lagolagoina
alofa i latou e mauaina nei uiga ma amioga, _____ mai le Malo le
vaaia o Baha o lea faamaonia lava i o latou luga.”

21. E faatatau i le mana o le galulue faatasi, ua fetalai mai Abd’u’l-Baha ia i tatou: “Soo se taimi lava e tutulai ai agaga pai ama faalagolago atu i le _____ ma tutulai ma nei _____, ma _____, faatulaga i tulaga, _____ o nei agaga uma taitoatasi e faatusaina i le _____, ma o galu fafati o lena vasa matautia o lea faatusaina e pei _____ i le _____.”

VAEGA 9

Ao ia iai I lana asiasiga lona fa ia Mr and Mrs. Sanchez, sa maua e Alejandra le fiafia e faafeiloai atu ai ia Beatrice, le tama teine a le tama sa sau e latou te nonofo faatasi ma aoga ai I le aoga e lata ane. O loo fiailoa lava e Beatrice le autu o le afaatasiga ma naunau ai lava e fia auai I le latou talatalanoaga. In aua faaiuiu le latou talanoaga, sa tufatufa mai ai e Mrs Sanchez ipu ti ma fasi keke mo I latou uma. O le taimi lea ua maua ai e Alejandra le avanoa e fia iloa tele ai Beatrice, ma ua ia fuafua ai e toe feiloai atu ia te ia i le isi aso e sosoo ai e talatalanoa ai I se taumafaiga e fausiaina ai se faalapotopotoga I totonu o lea pitonuu. “Atonu e fiafia o ia e su’esu’eina le faasologa autu o mataupu,” o le manatu lea a Alejandra. “E mafai ona ou fesoasoani ia te ia e su’esu’e ni nai tusi muamua I se faiga saosaoa tumau. Atonu o le a manao ai e faatino se aoga tamaiti pe feasoasoani foi e taitoaluaina au I le faatinoina o le kulupu talavou tauamata I lea pitonuu. I lena tulaga, e mafai ona ia tauaveina auauai le tele o tiute tauave mo le kulupu a o ia alualu ai pea I luma seia oo atu ile Tusi 5 , lea o le a avea ai ia e ‘au’auna atu ai faaanimeta.” Sa auai Alejandra I le tele o faatasiga a talavou, lea na taulai talanoaga I ni autu faapiitoo, ma faatupulaia ai le toatele o e sa auai I le faasologa o ia polokalame faalea’oa’oga. O lea ua ia tonu ai o lea ia mulimuli lava I le faasologa lava lea o manatu I le la talanoaga ma Beatrice I le aso e sosoo ai. E faapea le amataga o le talanoaga:

Tatou te mananao uma e vaai I se lalolagi e sili atu le lelei. E vaavaai I se lumanai o le a faavaeina ai se filemu lautele ma le ola ogatasi o tagata I totonu o aiga. O se lumanai faapena e le ua na o se miti, e mafai lava ona o tatou galulue faatasi uma e faisaofaga atu ai I le fausiaina o se lalolagi fou. Mai I le taele o o tatou fatu, e maua uma ia I tatou le lotu manao e ‘au’auna atu ai I totonu o o tatou faalapotopotoga. O le mea e tatou te manaomia o le atinaeina lea o lo tatou tomai e ‘au’auna atu ai e aunoa ma se manatu faapito mo le lelei masani.

E mafai ona o tatou manatunatu I a tatou ‘au’aunaga I tagata lautele e ala lea I le tatou vaai faalemafaufau I ala o ‘au’aunaga e tatou te savavali faatasi ai. O lea ala e mo

tagata uma lava. E filfili lava le tagata ia pe auai ai ma faaauau ai pea le alualu i luma o ana laasaga. E le na o tatou e mafai ona savalia lenei ala o ‘au’aunaga ; e tatou te ‘au’auna faatasi ma o tatou uo, e a’oa’o faatasi ma taitoalua le isi i le tasi. O a tatou laasaga taitasi uma o le a maua ai le fiafia ma le mautinoa, ma o tatou taumafaiga uma e aumaia ai le faamautuuga paia.

E fiafia Beatrice i lea mea ua ia faalogo ai, ma sa sosoo mai ai se talanoaga ola ina ua uma lea a’oa’oga puupuu. Ao lei tatou faagasolo, e tataua ona tatou manatunatu i le natura o le fegalegaleaiga i le va o nei uo e toalua. Ua manatu ai Alejandra e faia se talanoaga i mea taua ina ia mafai ai ona valaaulia Beatrice e auai i le faagasologa o polokalame faalea’oa’oga. Aisea o le a le lava ai mo ia le na ona tau atu ia Beatrice o le tele o tusi o loo ofoina atu e le inisitituti ma valaaulia ai o ia e auai faatasi ma i latou ?

VAEGA 10

Sa faaauauina pea le talanoaga a Alejandra ma Beatrice mo le isi 2 itula. O loo i lalo nisi o metotia faaopopo a Alejandra sa faasoa atu ai i lana uo fou. Tatou te mlamalama uma, e na te le faia ni a’oa’oga le faalavelaveina umi. O le taimi atoa sa o laua faaogaina e mafaufau ai i ni metotia fou lea o loo ootoina atu i nei parakarafa:

O tatou o talavou, o loo o tatou maua le malosi, ma e maua foi e tatou le ola naunautai. O loo faapea tagata e tatou te le o popole. Ae e faaseseina na masalosologa ; aua o loo iai tatou le popolega i le pagatia o tagata soifua ma o loo iai tatou foi le naunautaiga e vaaia ai se suiga fou i totonu o le sosaiete. E tataua foi ona tatou mafaufau i o tatou lava olaga---a’oa’oga, galuega, uo ma aiga. Ao tatou ola tuputupuae ai i tausaga taitasi, o le tele foi lena o galuega tauaveina o le a feagai ai ma tatou, o loo iai le faamoemoega tele o matua mai ia i tatou. Soo se taimi lava oute mafaufau ai i au galuega tauave, ou te lagona le lofituina. Ona ou manatua lea o le tasi o upusii mai tusitusiga Bahai le sa ou talotoina : “O le olaga o le tagata e i ai le taimi e tautotogo ai ma ua faaeeina i ai le mamalu ofoofogia. O le vaitaimi o le olaga talavou e faailoga i le malosi ma le naunautai ma e tulaga ese o se taimi sili ona taua i le olaga o le tagata.”

O le mea lea ou te fia faasoa atu ai ia te outou, o le toatele o tupulaga laiti i le lalolagi atoa i faalapotopotoga e pei o i tatou, ua iloa e mafai ona ta’ita’ia lo latou malosi i faamoemoega e lua : e pulea ai lo latou ola tuputupuae faaleatamai ma le faaleagaga ma faisaoaga atu ai i le suiga o le sosaiete. E fesootai nei itu e lua o a tatou faamoemoega. Ao tatou iai i le fausiaina o a tatou lava agavaa, e sili atu pe a o tatou

‘au’auna atu mo isi, ma o le fesoasoani atu i le tasi i le isi, o le tatou ola taitoatasi lea ma faamalasia ai uiga auau mama o loo tatou mauaina.

O ii o loo aumaia ai le metotia o ala o ‘au’aunaga sa ou taua i le taimi ua sola. O le savali e le ua na o se mea e tatou te faaopoopo i lo tatou olaga, o loo aumaia ai ni uiga i meauma tatou te faia. O ‘au’aunaga i le faalapotopotoga e fesoasoani iai tatou e malamalama atili i faamoemoega o a tatou a’oa’oga, ma faamanino ai o tatou sini mo le lumanai, atinaeina tulaga lelei e tatou te tofu sao ai mo le soifua manuia o tatou aiga. E faatumauina ai le malosi o tatou faigauo. E taumafai foi ia tatou tau mamao mai malosiaga o saililiga le aoga.

I le manatunatu ai I lo tatou ola tuputupuae faaleatamai ma le ola faaleagaga, e tatau ona tatou nofouta I le tele o malosiaga e mafai ona uunaia ai I tatou. O nisi o nei malosiaga, o malosiaga o le poto, o le faamasinogatonu, ma le alofa, e ta’ita’ia ai tatou I le ala sa’o, ma ia tatau foi iai tatou ona o tutusa nei malosiaga. O isi o malosiaga, e faapei o le malosiaga faalelalogagi ma le manatu faapito, aua nei manatu ai ma ia tetee atu ai. E tatau ona tatou taumafai e ausia se tulaga sili ona lelei ma iai le faatuatua o le a faamanuiaina a tatou taumafaiga I se faamautuuga paia.

O le manatunatu ai foi i lo tatou sao i le suiga o le sosaiete---sua le lalolagi o fita ma puapuaga, o le mativa, ma le pologa i se lalolagi filemu, ola manuia, ma le fealofani--e tatau ona tatou mafaufau i le auailuma o le itu faaletino ma le itu faaleagaga. O le auiluma o le itu faaletino mo tagata uma o lea le mauaina pe afai e le faatinoina le itu faaleagaga. O lea mafai ona ausiaina se lalolagi sili atu le lelei pe a o tutusa nei itu e lua. E iai le isi upusii ou te manatua ma le loto iai : ‘’ O le malo faalelagi e faatusa o se lamepa, ao le malo faaleagaga e faatusa i le moli o loo faasusuluina ai le lamepa. A aufaatasi le malo faaletino ma le malo faaleagaga, ona tuufaatasia lea o le malamalama ma le lamepa, ma o lona taunuuga o le a atoatoa.’’

Ao tatou savavali ai I ala o ‘au’aunaga, e tatau ona o tatou a’oa’o ma galulue faatasi I ni kulupu o tagata taitoatasi, aemaise lava I tamaiti laiti ma talavou tauamata, fesoasoani ia I latou e pue tomai ma agavaa aemaise ai itu o uiga faaleagaga. Ia tatou iloa foi ona faatumauina le aufaatasiga I totonu o faalapotopotoga. O tagata taitoatasi, aiga, ma le tele o isi faatasiga o loo naunau e tofu sao I le auiluma o se faalapotopotoga, e tatau ona soalaupule faatasi. Ia tatou faafesoai e fausiaina se vaaiga mamao ma se faamoemoega ae tuu I tua auala o faafitauli.

E taua, ona, i le avea ai ma talavou, tatou te atinaeina ni mausa o faatinoga lotogatasi ma isi. Ia avea tatou o ni uo: taitoaluaina le isi I le tasi I galuega tatou te faia, talia faatasi o oulua saofaga, faamalosiau ma lagolago le isi I le tasi, vaai I malosiaga a le isi ma le tasi, sailia ma le tuuina atu o fautuaga I le isi I le tasi, ma olioli faatasi I mea ua o oulua ausia. I le savalia ai o ala o ‘au’aunaga, ia o tatou faatino, tomanatu I a tatou faatinoga, fefaasoai ma su’esu’e faatasi.

I le aluga ai o nai tausaga ua mavae. Sa faatuina ai e le faalapotopotoga Bahai se tasi o polokalame faalea’oa’oga faapitoa lava i atunuu uma o le lalolagi. O nei polokalame faalea’oa’oga e pei ua matou faaigoaina ai, e ofoina mai ai mataupu e mafai ona faalateleina ai o tatou tomai e ‘au’auna atu ai I faalapotopotoga. I le su’esu’eina ai o nei mataupu, o le a tatou mauaina mai ai malamalamaaga faaleagaga ma le tomai faatino e moomia le o faatasi aua le auiluma ai o a tatou ala o ‘au’aunaga.

Ao tatou auiluma ai pea e ala atu I ia tusi, o le a faatuputeleina ai lo tatou tomai e faatino ai le tele o ‘au’aunaga. I lea taimi atoa, tatou te o faatasi ma i latou e mauagavaa atu, ma, e iai foi le taimi, o lea tatou taitoaluaina ai uo e le o mauagavaa tele. Mai i le amataga, o tatou uma o poutu o tatou lava ia ma suiga faagafesootai, o le manatu naunautai i tiutetauave mo lo tatou lava a’oa’oina ma le ‘au’auna atu i faalapopotoga.

“O le avefa ai ma poutu” o lona uiga ua ia oe le loto e ola manatunatu ai, tumau ai i a tatou taumafaiga, ma maua mai ma le faaogaina ai o le poto i laasaga uma. O le poutu e leo se tagata e taliaina nao ona lava manao ae o se tagata e naunau e fai sao atu i le auiluma. Ia e iloa ona faatino galuega taulamua o le fatufatuai ma le pulea lelei. O ia polokalame faalea’oa’oga e fesoasoani tele iai tatou e faaleleia o tatou agavaa e avefa ai ma tagata faamatala aua le auiluma ai o le faagasologa o le fausiaina o se faalapopotoga.

E tatau ona faaalu sina o tatou taimi e tomanatu ai I manatu mai parakarafa ua maea su’esu’eina o loo i luga . E pei lava ona ta’ua mai I le amataga o lea vaega, e le’i faapea sa tuuina sosoo atu e Alejandra ona manatu ae sa tu’u taitasi atu ina ia mafai e Beatrice ona manatunatu ai ma fai ai foi sona ia sao i totonu o le laua talatalanoaga. O le a se mea e te ono manao e mafaufau iai—a uma ona faasoa ia parakarafa i totonu o lou kulupu ma maea faamatalaina ma lou iloa nei metotia— pe ua oo le talanoaga i le tulaga o le a lagona ai e Alejandra lona mautinoa i le faasoaina atu ai o ni nai upu e uiga i nisi o tusi o le polokalame faalea’oa’oga, ma valaauliaina ai Beatrice e auai i le su’esu’eina o le Tusi 1. E mafai ona e tusia i avanoa o loo i lalo se tala e te ono faasoa atu ai ia Beatrice pe a fai o oe o Alejandra? E faapefea ona e faamatalaina galuega o ‘au’aunaga o loo taua mai i le Tusi 1 ma le 2? O loo faapea ona faamatala auiliili mai i tusi o loo sosoo mai ai galuega o ‘au’aunaga—aemaise lava le a’oa’oina o vasega I le a’oa’oga faaleagaga o tamaiti ma le faafaiileleina ai o kulupu talavou tauamata seia oo lava ina avefa ai ma animeta—e le masalomia o lea fesoasoani e maua ai se vaaiga mamao a Beatrice mo se ‘au’aunaga o loo ia faamoemoe e faatinoina mo le lumanai. I totonu o lo outou kulupu, o lea taitoaluaina oe e la outou faiaoga i le tusiaina o ni nai fuaiupu i nei galuega o ‘au’aunaga, e tutusa ma le tala e te manatu e ono faaopoopo e Alejandra i le valaauliaina o Beatrice e su’esu’eina le Tusi 1.

VAEGA11

Ua mavae atu le lua vaiaso ma ua toe alu foi le isi asiasiga a Alejandra i le aiga a le au Sanchez. I le na taimi, ua mafai ona auai atu Beatrice I le tasi o su'esu'ega faifaipea ma maea su'esu'eina ai iunite e lua muamua o le Tusi 1. O lea ua ia faatinoina le iunite lona 3 faatasi ai ma uo e toalima e faalua i le vaiaso ona latou feiloai i le latou pitonuu. E manatu Alejandra o lona avanoa lelei lea e faasoa atu ai i le aiga i le uiga o le tatalo ma fai ai ia Beatrice pe na te fia taitoaluina ia. E mautinoa ua o outou maea su'esu'eina le iunite lona lua o le Tusi 1, o le a le tau avatua se aotelega o lea mataupu sa su'esu'eina e Alejandra ma Beatrice i le taimi o le laua asiasiga. A uma ona iloiloina lea iunite, e tataua ona mafai ona e faatulagaina mai manatu autu e te ono faaalua atu i taimi o soalaupulega e faatatau i lea autu. O loo tuuina atu i lalo avanoa e tusi ai lava o oe manatu ma ni metotia.

VAEGA 12

Sa faauuaua ai pea le asiasiga a Alejandra I le aiga a le au Sanchez mo nai vaiaso oe sosoo ai, ma maua ai le avanoa e faafesoai ai I le tele o autu sa mauaina mai I le latou faafesoaaiga ai I luga o le tau le tatalo—le ola o le agaga, atinaega o uiga mama faaleagaga, usitaia o tulafono ma sauniga a le Atua ma tumau i lona alofa. I se tasi taimi, sa latou talanoa ai e uiga i polokalame faalea’oa’oga o le faatulagaina o ta’ita’iga, aemaise lava i le Fono Tau Nuu ma le Fono Tau Atunuu. Tatou te le manaomia ona mafaufau i le mataupu o loo aofia ai i taimi o asiasiga o loo sosoo ai. Ae peitai, e iai, fesili e lua e masani ona fesiligia e tagata i le faasologa ai o talanoaga e pei lava o le mea o loo tatou tulimataia. O le fesili muamua e faatatau i le natura o fonotaga e faatautaia e le faalapotopotoga ma le lona lua e faatatau I punaoa tautupe. O le a tatou talanoaina mataupu o fonotaga, ae patino lava i le Sefuluiva aso o le Tausamiga, i totonu o lea vaega ma sosoo ai le vaavaai i fesili tautupe.

O manatu nei o lea fausiaina ai se faavae mo se talanoaga e faatatau i le autu o le 19 aso o le Tausamiga :

- I totonu o le faalapotopotoga Bahai, e fai faatasiga mo soo se faamoemoega—mo talotaloga, mo su’esu’ega, faamanatuina o faatasiga faapitoa, soalaupule mataupu tau faalapotopotoga ma ‘au’aunaga I le sosaiete, talanoaina peleni o galuega. Sa faia e Baha’u’llah le folafolaga o loo I lalo:

“Ona o Lo’u ola ma La’u Fuata’iga! E tusa lava poo le a le faatasiga e ulufale atu i ai uo a le Atua, ma oo ina manu ae ai la latou taufaitagi ao latou Viia ma Faaneeneina le Atua, o le a siosiomia i agaga o uo talitonu moni ma au agelu uma ua faatosia mai.”²²

- O le faalogo ai i upu o Le Atua i totonu o soo se faatasiga ma uo aumaia ai ai le olioli i o tatou loto ma faatumaui le malosi o le sootaga o le afaatasiga. O loo apoapoai mai Baha’u’llah ia i tatou:

“E tatau i uo uma poo fea lava le laufanua e iai, ona faamaopoopo faatasi i fonotaga, ma ia tautala lelei faatasi ai ma le potu, ma faitau tusitusiga a Le Atua, aua o upu a Le Atua o loo faamumuina i le afi o le alofa.”¹⁸

Ua tusia e Abd’u’l-Baha:

“Faia faatasiga ma a’oa’o ma lagiina a’oa’oga faalelagi, ma faapea o le a faasusuluina ai le atunuu i le malamalama o le upu moni ma avea ai lea laufanua, i le faamautuuga o le Agaga paia, ma parataiso filifilia, mo le tausaga leni o le seneturi a Le Atua o le Mamalu-Uma, ma o le fati o le tagatasi o le lalolagi o tagata soifua o le a oo atu i taliga o e o loo i sasae ma sisifo.”¹⁹

- I fonotaga uma a le Bahai, e faapitoa ai lava le tauaina o le Sefuluiva Aso o le Tausamiga. O le kalena Bahai foi e sefuluiva masina ma aso I totonu o masina taitasi, ma, I soo se nuu lava, e faatasi lava I le masina ona faatasitasi tagat Bahai mo lea sauniga e pei lava ona faatonuina mai ai e Baha’u’llah:

“E moni, ia o outou ofoina atu le tausamiga, e faatasi lava i le masina, e ui e nao le vai lava o le a tufa atu ai ; aua o le faamoemoega a Le Atua ia tuufaatasia loto, e ui lava i auala uma faalelalolagi ma le faalelagi”²⁰

- O le Sefuluiva Aso o le Tausamiga e tolu ona vaega. O le vaega muamua o le faiga sauniga, e faia ai tatalo ua uma ona taulotoina ma faitauina ai Tusitusiga Paia. O le vaega lona lua o le avanoa mo e e ta’ita’ia le faalapotopotoga, i le soalaupulega mataupu o le faalapotopotoga. O le vaega lona tolu o le talatalanoaga lautele.
- O loo faataata mai le taua o le vaega o le sauniga o le Sefuluiva Aso o le Tausamiga i upu mai ia Abd’u’l-Baha o loo mulimuli mai:

“Outou e, o ‘au’auna faamaoni a le Matagofie Anamua! I totonu o so o se taaviliga ma tisipenisiona, ua matua faatauaina ma faamamafaina mai ai le tausamiga, o se gaoiga sili ona viia ua faatasia ai i se laoi pele a Le Atua. O se tulaga aupito sili ona amanaia, e pei ona faamauina lona tulaga maua aua ua faamaonia, o nei faatasiga ua faia ina ia tapuai ai ma Faaneeneina ai le Atua. O iina foi e lagaina ai fatuga ma viiga faalelagi, ma faapea ona faagaetia ai le agaga ma vavaeesea mai ai i lona tagata moni.”²¹

- Ao faatautaia ai le vaega lona lua o le Tausamiga, e faamaumau e uo ripoti mai gaoiga o faalapotopotoga Bahai e latalata ma mamao atu, ma faasoa i mataupu o le faatuatuaga i a latou lava faalapotopotoga ma le latou sao i le manuia ai o tagata oifua o le sosaiete, faamasani I puipuiga mai le Maota A’oa’o o le Faamasinogatonu, ma tomanatu I le alualu I luma o a latou peleni, ma tuu atu o latou fautuaga I faalapotopotoga o le faatuatuaga. O feutagaiga I le Sefuluiva Aso o le Tausamiga e sili ona taua, aua, e ala atu ii, ona mafai ona auai atu ai o tagata taitoatasi uma I mataupu o le faalapotopotoga Bahai a le lalolagi atoa.
- I le vaega mulimuli o le Tausamiga, o le taimi lea mo mafutaga mafana ma faafiafiaga. E mafai ona taina ai pese, siitia talanoaga tuuina atu, ma faatinoina ni a’oa’oga mai tamaiti. I le faapuupuu ai, o le filifilia lelei ai o Fa’aaliga faaleaganuu, i

le faiga mamalu ma le olioli, e faaaogaima e faamauoaina ai lea vaega o le Tausamiga.

- E taua tele le Sefuluiva Aso o le Tausamiga I le faasologa o Ta'ita'iga o le faatuatuga. E tufaatasia ai mafutaga tatalo, vaega o ta'ita'iga, ma vaaiga faaagafesootai I le olaga faalapotopotoga. O nei vaega uma e tatau ona tutusa le faamamafaina, mo le manuia ai o le Tausamiga e faalagolago I le tulaga tutusa o nei vaega e tolu. I se tasi o malelega sa tusiaina mai e le Maota Aa'oa'o o le Faamasinogatonu I le masina o Aokuso tausaga 1989, o loo taua mai ai:

“O le Tulafono a Baha'u'llah mo le lalolagi, ua aofai faatasi ai vaega uma o le sosaiete o tagata, aofia ai le faaleagaga, o faiga faapuleaga ma gaioga faatino o le olaga; ma faaatagia mai ai faamatalaga a tagata i ni vaega eseese agai lea i le fausiaina o se ugatupulaga fou. O le Tausamiga Sefuluiva Aso e o gatasi ma nei vaega taua uma mai le uluai faavae o sosaiete. I le faagai ai i tua i nuu, i le taulaga, le aai, o se tino pulea o loo avea ai tagata uma o le Malamalama ma ona sui. O lo o faatatauina mo le faalauiloaina o le aufaatasiga, faamautinoa le auiluma, ma faafailleina le olioli.”²⁸

- O se faatasiga taua tele le Sefuluiva Aso o le Tausamiga e le mafai ona faanatinati lona faatinoina. O talotaloga ma tomanatuga, e tatau I tagata uma taitoatasi ona lava sauni lona tagata mo le Tausamiga, ao faatautaia lea faatasiga, e tatau I tagata uma ona auai ma o latou loto ma mafaufau, pe faitauina tusitusiga paia poo le faalogologo foi I tatalo taulotoina; pe tuuina atu o ripoti, mauaina mai o taiala, poo le tuu ina atu foi o manatu; pe avea ai ma ta'ita'i o le Tausamiga poo le avea ai ma tagata faafiafia faatasi ai ma le olioli ma faasusuluina. O le tusi o le Tausamiga lava lea e tasi, o loo taua mai ai e le Maota o le Faamasinogatonu:

“O vaega taua mo sauniuniga o le Tausamiga e aofia ai le su'esu'eina maeaea o faitauga talafeagai, o le tofiaina mamao o tagata faitau lelei, ma se lagona o le amiolelei ile faatinoga ma le taliaina o le polokalame o le mafutaga tatalo. Vaavaai i le siosiomaga o le a faatinoina ai le Tausamiga, pe faatautaia i totonu poo fafo, faateleina ai le malamalamaaga. Mama atoatoa, faatulagaina o le avnanao mo faita'ita'iga ma teuteuga—e taua uma nei vaega. Tausisi i le taimi o le isi foi vaega taua mo le sauniuniga lelei. .

“I se tulaga e sili ona telē, o le manuia ai o le Tausamiga e faalagolago i le tulaga o le sauniuniga ma le auai ai o tagata. Ua ofoina mai e le Matai Pele le fautuaga o loo mulimuli mai : ‘Ia outou ave la outou faamamafa i faatasiga o le Sefuluiva Aso, ina ia mafai ai i nei avanoa e uo peleina a le Atua ma tamafafine o le Alofamutimutivale ona liliu atu o latou fofoga agai i le Malo, lagiina i potopotoga, faatagisia le fesoasoani a le Atua, maua le olioli le gata mai o le isi i le tasi, ma ia ola mama ma faapaiaina, ma le mata'u i le Atua, ma ia alofia le manatu faapito uma. O le a faapena ai ona vavaeesea i latou mai leni lalolagi o mea faitino, ma faatotofuina i latou i malosiaga o le agaga.”²⁹

E pei ona masani ai, e te ono faitauina manatu ua tuuina atu i luga i le tele o taimi ma talanoaina i latou faatasi ma lau kulupu ina ia e a'oa'o ai e faia i latou ma le faigofie. O galuega o loo mulimuli mai o le a fesoasoani ia te oe e maua se malamalamaaga tele e faatatau i le taua o le Tausamiga o le Sefuluiva Aso:

1. O le a le mea o loo faamautinoa mai e Baha'u'llah ia i tatou o le a faamatalaina nofoaga uma o le a tatou potopoto faatasi ai e viia ma faamanuina ai le Atua? _____

2. I le fuaitau lona lua o loo i luga, ua faailoa mai ai e Baha'u'llah ia i tatou, pe a o tatou omai faatasi i ni fonotaga, e tatau ona o tatou tautala _____ ma le _____, ma faitau _____; aua o Upu lava a le Atua _____ ma _____.

3. I le fuaitau lona tolu o loo i luga, sa saunoa mai ai 'Abdu'l-Bahá ia i tatou e faia ni faatasiga ma ia lagiina ma taulotoina ai A'oa'oga faalelagi, ia e
 - O le atunuu o loo tatou ola ai o le a _____.
 - O le eleele o loo tatou nonofo ai o le a avea _____.

4. E fia masina o loo iai i le kalena Baha'i? _____

5. E fia aso o loo iai i masina ta'itasi? _____

6. O a faatasiga faapitoa e masani ona faia e Baha'is faatasi i le masina? _____

7. O a vaega e tolu o le Tausamiga Sefuluiva Aso? _____

8. E iai se faasologa i le faatinoga o vaega o le Tausamiga Sefuluiva Aso? _____

9. O le a le faamoemoe o le vaega mo talotaloga i le Tausamiga? _____

10. O le a le faamoemoe o le vaega mo feutagaiga i le Tausamiga? _____

-
-
11. O le a le faamoemoe o le vaega faasamasamanoa i le Tausamiga? _____
-
-
-
12. O fea o autu o loo i lalo e ono talafeagai mo le talanoaina ile taimi mo feutagaiga ile Tausamiga?
- _____ O manaoga tau tupe mo fuafuaga a le faalapotopotoga
- _____ O 'ai o le taaloga soka a le atunuu
- _____ Pe faapefea ona fofō se feeseeseaiga i le va o ni tagata se toalua o le faalapotopotoga
- _____ O le auiluma o vasega Baha'i mo tamaiti i le faalapotopotoga
- _____ O le uiga o se fuaitau mai Tusitusiga sa su'esu'eina e se sui o le faalapotopotoga i se taimi lumanai o le vaiaso
- _____ O le tupu olaola o le polokalame mo talavou tauamata i le faalapotopotoga
- _____ O avanoa mo ni galuega ua matalatala mai mo tagata talavou
- _____ O le lagolagosua a le faalapotopotoga e faia mo talavou tauamata ia e ona 'au'aunaga faapoloketi ia ua lavelave
- _____ Asiasiga i matua o tamaiti ma talavou tauamata i le polokalame faalea'oa'oga o loo faalauiloaina e le polokalame faalea'oa'oga
- _____ O le faamalosi o le ola tatalo o le faalapotopotoga
- _____ O le faasologa o polokalame o loo faaali i luga o le televise
- _____ O le malamalamaaga ua mafai ona maua mai le faafaileleina o se siosiomaga fiafia ma le ola pulea i lio o su'esu'ega
- _____ O le faamanatuina o Aso Paia o lo o loma mai
- _____ O fuafuaga o gaoiga faagafesootai e afua mai i le faagasologa mo le fausiaina o faalapotopotoga
13. Talanoa fesili o loo mulimuli mai faatasi ma lau kulupu: Aisea e taua ai le paleni o vaega e tolu o le Tausamiga?
14. Talanoa fesili ia e lua o loo i lalo.
- a. E faapefea ona e tapena mo le Tausamiga pe a faapea o oe o loo ta'ita'i?

e. E faapefea ona e tapena mo le Tausamiga pe a faapea o lae nao lou auai ai?

VAEGA 13

O le fesili loa lua e masani lava ona tulai mai faatatau i le Faatuatuga pe faapefea e le faalapotopotoga Baha'i ona tali ona manaoga tau tupe. O nisi nei o manatu e ono fesoasoani ia te oe ile taliina o nei faafesili:

- O le meafaigaluega e faaaogaina e faalapotopotoga Bahai e tausia lelei ai a latou manaoga faaletino o le Foa'i lea faa-Bahai. Lea e puleaina e tinopulea a le Faatuatuga i ona tulaga eseese: tau nuu, atunuu, konetineta ma le faavaomalo. E talitonu Bahai e tatau e i latou lava ona tausoina ni manaoga tau tupe mo fuafuaga uma e faalauiloa ai la latou Faatuatuga, ma o le mea lea e taliaina ai e le Foa'i na o foa'i mai tagata Bahai lava ia.
- O le foa'i atu i le Foa'i o se gaioiga e faia ma le loto fuatia ifo. E faalilolilo i se isi itu ona o se mataupu lea ile va o le tagata toatasi lava ia ma tinopulea a le Faatuatuga; o suafa o tagata foa'i ma le aofaiga o a latou foa'i e le faalauiloaina. Ma e le faamamafaina i luga o sui o le faalapotopotoga le foa'i. E faia e tino pulea ni talosaga faalauaitetele i uo, faamanatu iai le taua o le Foa'i, ma faailoa atu ona manaoga. E le o se mea e masani ai, le faia lea e se faalapotopotoga sa latou sini mo le foa'i. Peitai, e le faamalosi le aofai mo tagata talitonu, ma e matua le saoina lava ni tupe. E i le tagata toatasi lava ia le filifiliga pe fia e tatau ona ia foa'iina, e tusa ai ma lona malamalamaaga i faavae o loo aofia ai, pe fia sana foa'i.
- O le soifuaga oloo taumafai i ai tatou o tagata Bahai, e fausiaina o se soifuaga manuia, i itu faaleagaga aemaise o le faaletino. O le tamaoaiga e taliaina pe afai e faataunuaina nisi o vaega taua. E tatau ona o tatou mauaina lenei tamaoaiga e maua mai i faatinoga faamaoni. E tatau ona tatou faaluina lenei tamaoaiga mo le lelei o tagata soifua. E tatau foi ona siitia ae le faalapotopotoga a'oa'o, ma e le alagatatau ma na o sina vaega itiiti ona matua tele lo latou tamaoaiga a o manaomia tele e le isi toatele nisi o mea faatauvaavaa e talafeagai mo le olaga. Ua saunoa mai Baha'u'llah i ai tatou :

“O tagata e sili ona lelei o i latou ia e maua se ola e ala i lo latou valaauina ma faaalu mo i latou lava ma luga o o latou aiga mo le alofa o le Atua, le Alii o lalolagi uma.”³⁰

“... e ao ona outou fua mai i fua lelei ma le matagofie, ina ia outou manuia ai lava outou atoa foi ma nisi. Tagata ea o le malamalama, ua tuuina atu nei i tagata taitoatasi uma ina ia faia galuega tau lima ma faiva uma, aua o lo o i ai iina le aano moni o le tamaoaiga!”³¹

Ae sa faamatala mai e ‘Abdu’l-Bahá:

“O le tamaoaiga e sili ona viia, pe afai o le faitau aofa'i atoa e mau'oa. Ae peita'i, afai e to'aitiiti e tele a latou 'oa a o isi e matitiva, ma e leai ni fua poo se aoga e maua mai i lenā 'oa, o lona uiga ua na o se noataga i lē e ona.”³²

- Ina ia fausiaina se sosaiete e saoloto mai mea le tonu ma le le tagolima, ua alagatau ai ia i tatou uma ona agalelei ma lima foa’i. E tusa lava poo le a lo tatou matitiva, e tatau lava ona o tatou foa’i sina mea mo le auiluma o tagata soifua, aua ua na o le lima foa’i e mafai ai ona ausiaina le nofo lelei moni. O le matamau o se uiga o le agaga o le tagata ma e leai sona aafiaga i le mativa poo le tamaoiga. I le Upu Lilo, ua faapea mai ai Baha’u’llah:

“O le foa’i atu ma le matamau o ta’u ia o A’u; amuia le tagata e faapaleina ia i A’u ami lelei.”³³

- E ao ona o tatou manatua, o le pogai moni o tamaoiga uma o lo o tatou mauaina o le Atua, le Foa’i Alofa Uma. Ua Ia faaoloina i tatou i auala moomia mo lo tatou ola; ua Ia faia ia talafeagai mo lo tatou auiluma. Ma afai tatou te avatu i le Foa’i, ua o tatou foai mo Lana Fuata’iga, o sina vaega o mea sa Ia foa’i mo i tatou. O le mea lea, o le avatu i le Foa’i ua le gata mo le taua o le matamau, aemaise ai o se faamanuiga faaleagaga ma o se matafaioi sili a tagata ta’itoatasi. Ua saunoa mai le Faatama i ai tatou:

“E tatau ona avea i tatou e faapei o se Puna poo se Vaipuna o loo faapena ona puna a’e pea ma sasaa mai mea uma o lo o iai ma o lo o faaauau pea ona toe faatumuina mai se malosiaga le vaai. O le faaauau pea ona foa’i atu mo le lelei o tatou uso a tagata ma le le faavaivaia i le mata’u i le mativa ma le faalagolago i tamaoiga e lē uma mai le Pogai o tamaoiga ma mea lelei uma—o le mealilo lea o le ola sa’o.”³⁴

O le a maua se avanoa e te manatunatu ai i nisi o nei manatu i se tulaga loloto i se isi mataupu o loo mulimuli mai i lenei faasologa o mataupu, lea o le a talanoaina ai le mataupu faatatau i manoaga faaletino. Ae mo le taimi nei, ua fautuaina oe, e pei on masani ai, e talanoaina vaega ua tuuina atu i luga mai lea manatu i lea manatu ma faatino le galuega o loo mulimuli mai ina ia mafai ai ona e a’oa’o e faia nei manatu i le faiga masani ma le matua faigofie:

1. I le tulaga i fuaitau, faatumu avanoa o loo i fuaiupu nei.
 - a. Ua saunoa mai Baha’u’llah ia i tatou e tatau ona maua se _____ e ala i lo latou valaauina ma faaalu mo i _____.
 - b. E ao ona tatou fua mai _____ ma le _____, ina ia tatou _____ lava tatou atoa foi ma nisi.
 - c. Ua tatau nei i tagata taitoatasi uma ona _____ ma _____, aua o lo o i ai iina le _____ o le _____.
 - d. Sa faamalamalaina mai e ‘Abdu’l-Bahá o le tamaoiga e _____, pe afai o le _____ e mau’oa.
 - e. Afai _____ e tele a latou _____ a o _____ e _____, ma e leai _____ poo _____ e maua

VAEGA 14

Ina ia maua se malamalamaaga agai i ituaiga o talanoaga e mafai ona tutupu mai i totonu o se nuu poo se nofoaga tuaoi foi o loo tele ai gaioiga, sa o matou mulimulitaia ai taumafaiga a Alejandra, o se teine aoga iunivesite laititi. I se faasologa o ni asiasiga, sa faia mo se tele o vaiaso, sa ia talanoaina ai ma Mr ma Mrs Sanchez se numera o ni mataupu lea sa ia faamoemoe, o le a fesoasoani e faaloloto ai lo la silafia faatatau i le Faatuatuga ma faamalosiaina ai lo la faatoina mo a'oa'oga ua o la talisapaia nei. Mulimuli ane, o le taunuu ane ai o Beatrice, le tama teine a le la tama, sa mafai ai ona o tatou vaiiiliina le isi ituaiga o talanoaga, o le talanoaga lea i se va o ni talavou se toalua, o loo taufai naunau uma e a'oa'o pe faapefea ona o la 'au'auna i lo la faalapotopotoga. I le tatou agai mai ai pea i le aluga o le tala ma le faatoina o galuega, sa o tatou vaaia ai, e faaopoopo atu i se malamalamaaga faatuputupulaia e faatatau i ni mataupu talafeagai, o ni nai uiga faaleagaga, o amioga ma agavaa e tatau ona mauaina e faatumauina ai talanoaga e ave iai le tatou vaaiga i le vaega lenei.

I le vaega lenei ma le isi vaega o le a sosoo mai ai o le iunite, o le a o tatou auiliiliina ai ni manatu autu o se ituaiga ese—ma o latou nei e masani ona talanoaina i taimi o asiasiga i aiga o tamaiti o loo auai i polokalame faalea'oa'oga lea o loo faalauiloa e le polokalame faalea'oa'oga. E pei ona muai faailoa atu, o le a'oa'o ina o vasega mo tamaiti ma le taiaina faa-animeta o se kulupu talavou tauamata o ni gaioiga e masani ona talanoaina i le faasologa o mataupu, i le Tusi 3 ma le 5. E te ono masani pe leai foi i nei polokalame e lua, e fua lea pe sa e auai ai oe lava ia ao e iai i uluai tausaga o le olaga.

Sei o tatou agai muamua lava, i manatu autu e masani ona faavae ai ni talanoaga faifaipea ma aiga o talavou tauamata. Tatou te manatu ua umi si taimi talu ona faapau mai le tatou tala ma o lea ua su'esu'eina e Beatrice le Tusi 2. Sa talanoa atu Alejandra i lana uo pe manao e tautoaluaina o ia i lana asiasiga i aiga o nai talavou tauamata lea o le a faavae ai se kulupu faatasi ai ma lana fesoasoani. Ma sa ia talia fiafia.

Sa faamalalama atu e Alejandra ia Beatrice lana vaaiga mamao. “O le a amata a taua asiasiga taitasi,” sa ia faailoa atu ia te ia, “e ala i le faailoaina i matua o le polokalame lea ua naunau o latou afafine ma atalii e auai iai ma faailoa foi i ai o se vaega o se polosesi mo le fausiaina o faalapotopotoga lea ua auiluma i totonu o le faalapotopotoga. Ona sosoo ai lea ma lo tatou faasoa faatasi ma i latou o nisi o manatu autu o loo ogatotonu i le polokalame. O se uluai asiasiga lea i se faasologa o asiasiga, ma o lo ta faamoemoe, ao agai pea i luma le tatou soalaupulega, o le a le gata ina auai malosi le aiga e lagolagoina le kulupu i le tele o itu ae faapena foi ona ave ma nisi e faalauiloaina le faaaupegaina faaleagaga o talavou tauamata o le faalapotopotoga.”

Sa faaauau pea ona talanoa Alejandra ma Beatrice e faatatau i manatu autu ua o la ua fuafua e laga i a latou faasoaga ma aiga taitasi. Ma sa o laua filifili ai e tusitusi i lalo manatu uma ua la mafaufau e taua, ma lo la iloa e nao ni nai manatu e mafai ona o la faasoa i ai i uluai feiloaiga ae o isi uma manatu i nisi o asiasiga o mulimuli mai. O manatu la nei sa pa 'ia faatatau i malosiaga o talavou tauamata:

- I le olaga o le tagata toatasi, o tausaga e tolu o loo ile va o le vaitausaga 12 ma le 15 o se periota taua tele—o se tulaga o le laasia atu o le faamatuaina mai le tamaititi.

- E masani lava ona o tatou taua nei tupulaga laiti i lenei vaitausaga o “talavou tauamata”. O i latou nei ua le o toe avea ma tamaiti ae e lei aulia atoatoa atu foi lo latou talavou.
- O le mea e leaga ai, o loo iai se faamatalaga sese ae faasalalauina lautele o talavou laiti e faatupu faalavelave, fouvale, faalilolilo ma faalavelave I faalavelave faifaipea. Ae peitai, tatou te vaaia ia i latou i se vaaiga ese. E moni o lennei vaitaimi puupuu o le olaga, tatou te oo uma ai I suiga vave faaletino faalelagona ma faalemafau. Ma e moni foi o se taunuuga e mafai ona tatou faaali atu nisi tagata tetee. Ae o le mea moni lava, o se vaitau lenei o le gafatia tele ma le folafolaga maoa’e.
- O i maua foi sa avea ma talavou tauamata i se taimi e lei mamao atu ma manatua le auala na matou aafia ai i nei suiga. O nisi taimi sa matou lototetele ma o nisi taimi sa matou matamumuli ai. O nisi taimi sa matou fegalegalea’i ma isi taimi e matamumuli tele. E masani oa matou faailoa atu le naunau e tuua na o i matou, a o faamoemoe e maua mai ai le gauai. Sa matou fia malamalama po o a mea sa matou lelei ai ma po o a foi taleni ma tomai ua matou maua. Ma sa taua tele ia i matou le vaai mai o isi tagata ia i matou ma o latou manatu i o matou manatu.
- O le mea taua e tatau ona iloa o lea ituaiga amioga e mo nao sina taimi. I le aluga ai o nei tausaga i totonu o le olaga faaletagata o loo vave pea le faatuputeleina o malosiaga faapitoa i mafau. Ua amata ona o tatou sailia tali o fesili i le faavaega ai o olaga. Tatou te iloilo ina mea o loo tutupu i lo tatou siosiomaga ma fesiligia le tele o mea ua uma ona o tatou su’esu’eina. Ma ua le tatou naunau foi e pei ona tatou iai i le mulimuliina lea o faatonuga mai tagata matutua e tatou te faia, aemaise lava pe a o tatou vaai i le feeseeseaiga o o latou upu ma faatinoga.
- A faapea ae taitoaluaina nei tupulaga laiti i le faafaileleina ma le uluola o o latou malosiaga, e taua ona tatou alo ese mai i le taulimaina o latou e faapei o ni tamaiti. O le faamatalaina lea e ‘Abd’u’l-Baha o lenei vaitaimi faaperiota :

“E uma se taimi ona ia oo lea i le periota faatalavou, ma suia ai ona manaoga sa iai i manaoga fou e talafeagai ma lona tulaga ua iai aua lona alualu ai pea i luma. Ua faalauteleina ma faalolotoina ona su’esu’ega ; ua fafaguina ma a’oa’oina lona tomai faaleatamai; ma ua le mafai e lona olaga faaletamaitiiti ona faatapulaaina ana malosiaga ma ana taumafaiga.”²²

- O le Maota A’oa’o o le Faamasinogatonu, le tino pulea o le faatuatuaga Bahai, sa aumaia ai se tala i le auala na vaetamaina mai i le galulue faatasi ai ma talavou tauamata :

“ Ao avea ai tu ma aga o lenei lalolagi e faaata mai ai lenei augatupulaga ma faafitauli, leiloloa i le pologa o le le maotonu faaletino ma lagona, le taliaina ma le lofituina e le tagata lava ia, o le faalapopotoga Bahai—e faafaigaluegaina le gagana ma vaetamaina le auala—o loo alu filifilia i le auala faafeagai, “”, o se lagona matuia o le faamasinogatonu, naunautai e e fia iloa le atulaulau ma le manao e fai sao mo le fausiaina o se lalolagi fou.”²³

Ona sosoo ai lea o le gauai atu o Alejandra a Beatrice i le polokalame o le fausiaina o malosiaga faaleagaga ma taumafai e faailo nisi o vaega :

- O i latou o loo i le va o le 12 tausaga i le 15 e naunau e fia auai i se vaega o uo e mafai ona o fefaasoai o latou manatu, galulue i galuega faatino, taaalo i taaloga, ma isi lava mea. Mo lea mafuaaga, sa fausiaina ai le polokalame i manatu faavae o “kulupu talavou tauamata”. e tofu lava le kulupu ma le ‘animeta’ e ta’ita’ia, e tele lava talavou matutua, aveva ma se uo lelei iai latou ma taitoaluaina i le faafaileleina o a latou agavaa.
- E fai ma o latou feiloai nei kulupu. I totonu o fonotaga, e a’oa’oina i latou faalautele manatu faavae ma faaali manatu e aunoa ma le fefe e sueusue ma le tauemuina. E faamalosiiau i latou e faalogo, e tautatala, e iloiloaina , e faia filifiliga, ma lona faatinoga.
- O loo tatou iai I le vaitaimi o loo tele ai le malosiaga faaletagata e aafia ai le auala faalemafaufau ma le amio pulea a le talavou tauamata. E fesoasoani iai animeta e faasagatau atu nei malosiaga—e le gata i le puipuia o i latou mai le faaleagaina o amioga lelei i le sosaiete ae e galulue mo le faaleleia o le lalolagi.
- O lenei polokalame e mo le faafaileleina o malosiaga faavaeina mai i agaga o tagata, o malosiaga nei mai i vaitaimi faatalavou e amata ai ona faaalua atu i latou i le faasilisiliina. E faapitoa lava le faatauaina i le malosiaga o manatu ma uiga faaalua. E tatau i lenei augatupulaga ona fausia se gagana e moomia mo le faaalua ai o manatunatuga loloto i le lalolagi ma faamatala pe faapefea ona o latou vaaia se suiga.
- O talavou tauamata o pa puipuia e tomanatu I le uiga o manatu faavae mo se ola faamoemoeina. Fiafia, faamoemoe, ma le lelei o nisi nei o fata’ita’iga. O tagata e le fiafia o lea latou talanoaina nei faavaega i ni auala papau. O le mauaina mai ai o malamalamaaga loloto i nei a’oa’oga, maitauina o auala e latou te mauina mai ai uiga faaalua i aso uma o le olaga, e mafai ona taitoaluaina ai augatupulaga laiti e fausia se faatulagana lelei o amioga tauleleia ma le tetee atu ai i malosiaga le lelei o le sosaiete.
- O le malamalama ai i a’oa’oga e taua mo le faateleina o tomai. E iai foi taimi e faafesagai ai talavou tauamata ma faafitauli i totonu o aoga ona e faamoemoe e latou te aoina ma le lelei mataupu eseese uma, e aunoa ma se fesoasoani tele e maua mai aua so latou malamalama ai i ia a’oa’oga. O lenei polokalame e uunaia i latou e manatunatu loloto —uiga lelei, mataupu faamatematika, mataupu faasaienisi, ma isi lava—ma o lea faiga ua mafai ai ona faatuputeleina ai o latou faatinoga i totonu o aoga.
- E mauaina mai e talavou tauamata le manaoga tele e faia ai faatinoga fetui o ni mea. E latou te fia malamalama I le mafuaaga o mea e tutupu i lo latou siosiomaga. O le manuia, e tatau ona o latou vaai e le nao o latou mata faitino ae faapea o latou mata faaleagaga. O le sini taua o le polokalame, ona, o le faaleleia atili o vaaiga faaleagaga : o le tomai e maitauina ai malosiaga faaleagaga ma faailo tulafono faaleagaga i tulaga mafutaga.
- O lea polokalame e ausiana le tele o sini—le fausiaina ai o uiga lelei, vaaiga faaleagaga ma malosiaga o uiga faaalua—faatasi ai ma le fesoasoani mai I le faasologa o tusi. O nei tusi e aofia ai tala faigofie e faatatau I olaga o augatupulaga laity I soo se vaega lava o le lalolagi. E ese mai I le su’esu’eina faatasi o nei tusi,

talanoaina o latou a'oa'oga ma le faatinoina ma le maeaea o faatinoga tuuina mai, e auai foi talavou tauamata I taaloga ma a'oa'oina faatatau i faatufugaga.

- Faatasi ai ma le fesoasoani a animeta, e faatulaga ma faatinoina foi e kulupu le tele o 'au'aunaga faapoloketi, lea o se vaega patino foi o le polokalame. E ala mai nei poloketi, o le a a'oa'o ai talavou tauamata e mafaufau i a latou faalapotopotoga ma o latou manaoga, e fefaasoai, ma felagolagomai faatasi ma isi sui o le faalapotopotoga.
- O mataupu o loo su'esu'eina i nei tusi e fesuisuii lava ; ae o i latou taitoatasi e iai se manatu taua o loo faaauitu iai mo le faaauppegaina faaleagaga o talavou tauamata. O le uluai tusi, mo se faata'ita'iga, o loo talanoaina ai le autu lea o le "faamautuuga"—e faamautuina e le Atua a tatou taumafaiga e ausia ai ni faamoemoega taualoa. O le isi tusi e faatatau i le "faamoemoe"—pe faapefea ona tatou vaai i o tatou faamoemoega mo le lumanai tusa lava poo taimi e oo mai ai faigata. O le isi o loo aofai mai ai le manatu autu o le "lelei silisili". "Olioli", o le manatu autu lea o le isi tala, ae o le "malosiaga o le upu" le autu o tomanatuga i le isi. E aofia ai i tusi o loo talanoaina ai autu faafuainumera, o le tasi o loo vaiiiliina ai se aga masani o se mafaufau faatulaga lelei. I le tulaga i le faasaienisi, e isi le tusi o loo auga i le tausaiaina lelei ole soifua maloloina o le tagata—faaletino, faalemafaufau ma le faaleagaga. Ma e tele ma tele lava isi e mafai ona su'esu'eina e talavou tauamata i totonu o le tolu tausaga.

Sa fuafua loa Alejandra ma Beatrice e malaga tapena ma tusi nei, nei mea ane ua finagalo matua e fia vaavaai iai. Afai e le o iai sou silafia lelei i nei tusi, o le a fesoasoani tele ia te oe le maua o se taimi e faitau ai poo le a le malosi e oo iai, le tele o nei tala—ina ia mafai ai ona e mulimulita'ia lelei le faasologa o le tele o soalaupulega e tutupu ane mai i le faalapotopotoga. Ae mo le taimi nei, o loo fautuaina oe e talanoaina faatasi ma isi sui auai o lau kulupu manatu ua tuuina atu i luga, ia o loo matua talanoaina loloto i le Tusi 5. Pe afai, i le maea ai o le su'esu'ega o le tusi, ua e manatu ai e te 'au'auna faanimeta o se kulupu talavou tauamata, o le a e asiasi faifaipea i aiga o sui auai ma auiliili mai latou nei manatu ma le tele o isi manatu tai tutusa lava. E foi i le taimi lenei, e pei lava o Beatrice, e te ono finagalo ai e tautoaluaina se isi o loo mauagavaa i nisi o asiasiga i aiga o talavou tauamata i totonu o lau faalapotopotoga.

VAEGA 15

I le aso na sosoo ai, sa asia loa e Alejandra ma Beatrice aiga o talavou tauamata e tolu lea o le a auai ile kulupu fou lea ua faavae nei i totonu o le faalapotopotoga. Sa faafiafiaina Beatrice i le vaai atu ile sagisagi fiafia mai o matua o loo faatalanoaina i le soalaupulega faatatau i le polokalame mo le faaauppegaina faaleagaga. E maea ane le aoauli, ua ia mautinoa lava lona manao e fesoasoani ia Alejandra i le kulupu talavou tauamata ma a'oa'o e 'au'auna faanimeta o se kulupu fou, i totonu lava o lenei tausaga. Sa ia manatu ane, ioe e iai nai ana tusi o le faasologa o mataupu e tataua ona faamaea i le taimi nie. Ma ua ia maumautu lava o le a ia faasolo lana su'esu'ega i se faiga faatulaga lelei e pei ona ia faia lea ua oo mai ai lava i le taimi nei.

Ma o lena, e ala i le lagolagosua ma le faalaeiau faifaipea a Alejandra, ua mafai ai nei ona tulai Beatrice e savalia le ala o 'au'aunaga. Lea la o le a toe sosoo le tatou tala faatatau ia

te ia, i se taimi i luma ane ai, i le taimi o le a latalata ai ona faamaea lana sueseuga o le Tusi 3. O le taiala o lana lio o su'esu'ega sa talanoa atu ia Maribel, o se faiaoga mo tamaiti, e valaaulia Beatrice ma ana uo sa auai i le su'esu'ega e feauaua'i ona taualuaina o ia, i asiasiga i aiga o fanau laiti i se vasega fou faatoa faavaeina mo le Vasega 1. Sa lagona e Beatrice ua matua tele lava sana a'oa'oga maua mai lana su'esu'ega o le Tusi 3. Ma ua ia iloa mai ia Alejandra, lea sa ia taua lava i le tele o taimi, o lona malamalama e maua mai tusi o le a faalateleina ona agavaa e 'au'auna ai faaanimeta.

Ina ua latou potopoto faatasi mai, sa tau atu loa e Maribel ia Beatrice o lea o le a o latou asia le tina o Emma. "O ia o se tamaiti laititi e tausaaafia ma e naunau lava ia a'oa'oina," sa faasoa atu ai Maribel. "Na ou asia muamua ona matua ma faamalalama ia i laua le netia o le vasega tamaiti faa-Baha'i. Ma sa la fiafia e tuuina mai Emma e auai ai. Sa faailoa mai foi e le tina o Emma lona naunautaiga e toe fia faalogologo lava faatatau i le vasega, ma sa ou tautino i ai ou te toe agai atu ma te talanoa laititi faatatau i manatu autu o loo taoto mai tusi o loo tatou a'oa'oina. Ma sa ou tusia ni nai manatu i lau api mo au. Afai e te finagalo iai, e mafai ona o ta asia nei manatu taitasi ma talanoaina i latou." Ma sa ioe iai Beatrice. O manatu la nei sa o la talanoaina:

- Muamua, o le a ou talanoa atu ia Mrs Martinez lou fiafiaga tele i le iai o Emma i le vasega ma taua ai nisi o ona uiga ma amioga matagofie.
- Pei a e manaia ae amata le talanoaga i le faitauina iai o le upusii lenei mai se tasi o Tusitusiga a Baha'u'llah:

“Ia faatatauina le tagata o se lua e matua tamaoiga tele i maataua e le fuatia le taua. Ua na o le a'oa'oina lava e mafai ai ona faaalina ana oloa, ma mafai ai ona faamanuina ai tagata ola.”³⁷

- E mafai lea ona ou faasoa iai ni nai manatu pe na faapefea ona matua aafia lava au o se faiaoga i lenei fuaitau. O le a ou fai iai, sa matua taumasuasua lo'u fiafia, i soo se taimi lava ou te vaai ai i tamaiti o lau vasega ma ou manatunatu ai o i latou o ni lua e matua tumu i maataua. Ma o i latou uma taitoatasi e iai le mafai e faaalina mai ai uiga faalelagi. O i latou uma foi taitoatasi e iai taleni e mafai ona o tatou iloa ma atinaeina. O i latou uma foi taitoatasi e mafai ona ola ae ma ave ma sui taua tele o le sosaiete ma faisaofaga atu i le faaleleiga o le lalolagi.
- E sosoo ai, ou te ono ave iai ni nai faata'ita'iga o maataua lea e taumafai le a'oa'oina e faaalina mai nei tamaiti ta'itasi. E mafai ona ou taua foi nisi o malosiaga o le mafaufau, faata'ita'iga, o le sailiiliga lea o le tulafono o le natura, o le fausiaina lea o ni mea taulima matagofie, ma le faaalina mai o manatunatuga taualoa. O le a ou faamalalama foi iai le mafai e tamaiti ona atinaeina o nei malosiaga uma, pe a a'oa'oina lelei i latou. Ae, mo lenei mea ina ia tupu, e tatau ai ona o latou mauaina nisi o amioga i o latou uluai tausaga. Mo se faata'ita'iga, e tatau ona o latou a'oa'o e faalogo lelei, e galulue malolosi pe a talafeagai ai, ma ia matua taga'i totoa i soo se mea lava o loo latou faia. E tatau ona o latou tutupu ane o ni tagata e manatu mo le soifua lelei ma le manuia o isi tagata ma e mananao e 'au'auna mo a latou faalapotopotoga. O le mea la lena e taua ai tele lo tatou tagai i le atinaeina o nei amioga/uiga ao mu'amu'a ai o latou tausaga.

- Ma o se taimi lelei tele foi lea e fesiligia ai Mrs Martinez e faasoa mai ia i taua ni nai manatu faatatau i le ituaiga tagata o loo ia finagalo iai mo lana tama o Emma. O a nisi o uiga o loo ia manatu e taua ona maua e Emma?
- Ma mai ni uiga o le a ia taua, e mautinoa, e iai nisi e pauu atu i le vaega lea o amioga faaleagaga, ma o le isi lena mataupu o le a o taua faailoaina atu. Ou te fai atu, e iai lava nisi amioga ma uiga e tatau ona maua e le tagata, ia e taua tele mo le ola ai o le tagata. Ma e maua mai ia i le agaga o le tagata soifua. E tatou te atinaeina i latou pe a o tatou faaiilaina le faaata o o tatou loto ina ia mafai ona faaatagia atu ai ta'u o le Atua. Ma tatou te faatatauina i latou o uiga faaleagaga, ma o lesona ia tatou te a'oa'oina i le Vasega 1 o loo tagai totoa lea i nei uiga.
- Pei uma a o le a ou talanoa I nisi o nei uiga o loo talanoaina mai lesona o le Vasega 1 ile Tusi 3 ma faasoa atu ia te ia fuaitau o loo aumaia faatasi ai. O le a ou faamalamalama foi iai o le a taulotoina e Emma nei fuaitau ma e mafai ona ia fai ia Emma e na te taulotoina atu nei fuaitau ia te ia, aemaise ai foi o tatalo o le a ia a'oa'oina:

– Alofa:

“Le Uo e! Ia le totoina se isi mea i le faatoaga o lou loto tau lava o le rosa o le alofa . . .”³⁸

– Faamasinogatonu:

“Ia outou savavali i le ala o le faamasinogatonu, aua e moni, o lenei lava le ala tonu.”³⁹

– Tautala Faamaoni:

“O le tautala faamaoni o le faavae lea o amioga lelei uma faaletagata.”⁴⁰

– Olioli:

“Le Atalii e, o le Tagata! Olioli i fiafiaga o lou loto, ia mafai ai ona ta'uaogaina oe e feiloai ma A'u, ma toe faaatagia atu Lo'u Matagofie.”⁴¹

Sa manatu Maribel ma Beatrice ua lava ma totoe manatu o loo i luga mo le la asiasiga e tasi. O le a le toe mamao ae e me'i atu loa e su'esu'e le Tusi 3 e oe lava ia ma o le a maua ai le avanoa e tomanatu ai i nisi o nei taiala o loo faagaioia ai le Polokalame Faalea'oa'oga a le Ruhi mo le ono tausaga o le a'oa'oina faaleagaga o tamaiti. Pe afai, ae lei oo atu iai, e ono tulai mai ai se avanoa e te asia ai ni nai matua faatasi ma se faiaoga mo vasega a tamaiti, o le a mautinoa le fesoasoani tele o manatu ua tuuina atu iinei, ma e tatau nei loa ona outou talanoaina faasolosolo ia manatu taitasi i la outou lio o su'esu'ega.

VAEGA 16

Sa tatou faitauina i se taimi muamua atu upu nei a ‘Abdu'l-Bahá : ‘‘O le malosi lava o le sootaga o le fefaa'uoa'i ma le _____ i luga o tagata, o le maualuga foi lena o le mana o le _____ ma le ausiaina i soo se vaega lava o faatinoga a tagata.’’ Ua faailoa mai e le

Maota A'oa'o o le Faamasinogatonu ia i tatou, i le asia ai o aiga ma le tuuina mai foi o ni valaaulia mo i tatou, o loo tatou "faamalosia ni sootaga o ni faigauo faaleagaga ia e faafaileleina le agaga faa-faalapotopotoga." Ma e le tatau ai la ona o tatou manatu mama, i aafiaga o lenei faiga i le aganuu o la tatou faalapopotoga uluola.

I vaega ua maea atu sa o tatou talanoaina ai ni ituaiga talanoaga e mafai ona tutupu i taimi o a tatou asiasiga i aiga o i tatou uma. O i tatou uma, a o tatou savalia ai le ala o 'au'aunaga, e tatou te auai ai i se soalaupulega o loo faaauau pea ona faalateleina i totonu o o tatou nuu, aai ma nofoaga tuaoi foi faatatau i le faatinoga o a'oa'oga a Baha'u'llah i o tatou olaga ta'itoatasi ma le faatasitasi foi. O nisi o taimi e mafai ona manuae ai mai i nisi o asiasiga aloaia sa faatulaga ina ia mafai ai e se fuaitete tele o tagata ona faalolotoina lo latou silafia faatatau i nei a'oa'oga. Ma e tele lava taimi, sa avea ai le polokalame faalea'oa'oga ma ona polokalame eseese, a latou sini ma manatu autu, ma mataupu e soalaupuleina. O le a faapena ona tuuina atu le tele o valaaulia e auai ai le tele ma le tele o tuaoi ma uo i le gaioiga mo le fausiaina o faalapopotoga. Ma ao e vaai ai i lou lumanai, ma le ala o 'au'aunaga o loo fofola mai nei i ou luma, e tatau ai ona e faia taumafaiga uma e a'oa'o lelei manatu autu o loo tuuina atu i lenei iunite, ia maua se iloa mai le talanoaina o nei manatu ta'itasi, ma ia faaauau ai pea ona faaloloto lou lava iloa faatatau i a'oa'oga a Baha'u'llah. Ma o le a faapena ai lava ona le muta lou fiafia e faasoa atu le Upu a le Atua i isi tagata.

REFERENCES

1. Bahá'u'lláh, *The Hidden Words* (Wilmette: Bahá'í Publishing Trust, 2003, 2012 printing), Arabic no. 4, p. 4.
2. Bahá'u'lláh, in *Bahá'í Prayers: A Selection of Prayers Revealed by Bahá'u'lláh, the Báb, and 'Abdu'l-Bahá* (Wilmette: Bahá'í Publishing Trust, 2002, 2017 printing), p. 4.
3. *Gleanings from the Writings of Bahá'u'lláh* (Wilmette: Bahá'í Publishing Trust, 1983, 2017 printing), IV, par. 1, p. 5.
4. *Ibid.*, V, par. 2, pp. 6–7.
5. 'Abdu'l-Bahá, in *Bahá'í Prayers*, p. 81.
6. *Ibid.*, p. 111.
7. *Ibid.*
8. From a talk given on 16 August 1912, published in *The Promulgation of Universal Peace: Talks Delivered by 'Abdu'l-Bahá during His Visit to the United States and Canada in 1912* (Wilmette: Bahá'í Publishing, 2012), par. 23, p. 364.
9. 'Abdu'l-Bahá, in *Bahá'í Prayers*, p. 130.
10. *Gleanings from the Writings of Bahá'u'lláh*, XLV, par. 1, pp. 111–12.
11. 'Abdu'l-Bahá, cited by Shoghi Effendi, *The World Order of Bahá'u'lláh: Selected Letters* (Wilmette: Bahá'í Publishing Trust, 1991, 2012 printing), p. 139.
12. *Gleanings from the Writings of Bahá'u'lláh*, CXLVI, par. 1, p. 357.
13. From a talk given by 'Abdu'l-Bahá on 5 May 1912, published in *The Promulgation of Universal Peace*, par. 4, p. 128.
14. *The Hidden Words*, Persian no. 44, p. 37.
15. *Ibid.*, Persian no. 66, p. 45.
16. From a Tablet of 'Abdu'l-Bahá. (authorized English translation)
17. From a talk given by 'Abdu'l-Bahá on 25 September 1912, published in *The Promulgation of Universal Peace*, par. 2, pp. 478–79.
18. *Ibid.*

19. *Tablets of Abdul-Baha Abbas* (New York: Bahá'í Publishing Committee, 1916, 1930 printing), vol. 3, p. 631. (authorized English translation)
20. Bahá'u'lláh, in *The Kitáb-i-Aqdas: The Most Holy Book* (Wilmette: Bahá'í Publishing Trust, 1993, 2013 printing), par. 57, p. 41.
21. *Selections from the Writings of 'Abdu'l-Bahá*, no. 48.1, p. 130.
22. From a talk given by 'Abdu'l-Bahá on 17 November 1912, published in *The Promulgation of Universal Peace*, par. 3, p. 617.
23. From a message dated 21 April 2010, published in *Framework for Action: Selected Messages of the Universal House of Justice and Supplementary Material, 2006–2016* (West Palm Beach: Palabra Publications, 2017), no. 14.16, p. 82.